

# WANTOK

NIUSPEPA BILONG YUMI OL PAPUA NIUGINI STRET! - 27 YIA NAU

28 pes

Namba 1,237

Wik i stat long Fonde Mas 12, 1998

50 toea

INSAIT

• 1998 Baset  
ripot  
- pes 7 na 8

• Palamen i toktok  
yet long Mujo Sefa  
- pes 2 na 3

• Meri karim  
7-pela pikinini  
- pes 12

**MUTRUS KANAGE**  
BILONG DISPELA WIK  
LUKIM LONG PES 15  
KATIM NA SALIM I KAM

## Prais bilong bia i go daun

PRAIS bilong SP bia i kam daun nau.

Manesa bilong kampani Tan Ang Meng i tokaut asde olsem ol i daunim prais bilong bia bihain long gavman i daunim takis ol i save kisim long bia.

Stat long asde, Trinde Mas 1998, prais bilong bia i go daun long K2.65, long wanpela katen 24 botol na prais bilong Ice Bia na Export Larger bai go daun long

K3.70 long wanpela katen 24 botol.

Mista Ang i tok ol ksatoma long olgeta hap long kantri bai inap long baim bia long dispela nupela prais long pinis bilong dispela wik.

Em i tok SP Holdings i bin kisiim taim tru las yia taim gavman i bin putim bikpela takis tru long bia long baset bilong Novemba 1997.

Kampani bin rausim planti manmeri long wok long ol taun long

kantri. Mista Ang i tok gavman i luksave long dispela hevi tu olsem na em i rausim dispela bikpela takis i kam daun.

Insait long dispela baset tu gavman i apim-takis bilong ol strong-pela dring i go antap long 120%. Ol manmeri bilong dringim ol strongpela dring bai i painim taim nau bikos pe bilong olgeta strong-pela dring bai sut i go antap tru.



### Nupela ples balus i op

• PRAIM Minista Bill Skate i bin opim nupela teminal long Mosbi bilong domestik na intenesenel pasendia long Mande bilong dispela wik.

Planti ol memba bilong palamen na ol biknem manmeri i lukluk raun long tupela teminal.

Praim Minista i bin tokaut long lukautim dispela ples gut bikos gavman i spendim moa long K120 millen long wokim dispela teminal. Foto: IVAN BAYAGAU

## K2.5 bilion baset bilong 1998

GAVMAN i tokaut long K2.5 bilion baset bilong 1998.

Bikpela hap tru bilong dispela mani bai i go long wokim ol rot na bris na ol kain wok olsem.

Minista bilong Tresari na Kopret Afeas, Iaro Lasaro i tokaut long dispela mani plen bilong gavman long Tunde.

Mista Lasaro i tokaut olsem 1998 em i no gutpela yia bikos strong bilong PNG kina i pundaun i go daun tru na kantri i lukim nau bikpela hevi em taim bilong san i bin kamapim long ol bisnis.

Em i tok bisnis long ol kantri long Asia tu i wok long pundaun na yumi long PNG tu i pilim dispela hevi bikos planti bisnis bilong PNG i go long ol kantri long hap bilong Asia.


Insait long dispela baset bilong 1998, gavman i skelim moa mani i go long ol provins, edukesen, helt, lo na oda, egrikalsa, forestri, ol rot na bris na fiseris.

Long 1998, gavman bai spendim K702 milion long bekim ol dinau bilong kantri. Mista Lasaro i tok ol i katim bek mani long ol eria we gavman i no ting i givim bikpela helpim long kantri na putim moa man i go long ol dispela eria.

Mista Lasaro i tok bai gavman i statim wok tu long katim daun namba bilong ol pablik sevan long 1998 na skelim gut wok bilong nesanel gavman na provinsal gavman.

- Gavman i skelim mani olsem:**
- Administrative Grant K50,013,200
  - Pe bilong ol pablik sevan K88,435,800
  - Pe bilong ol Tisa K172,419,800
  - Sios Helt Woka K16,105,400
  - Lokal Leval Gav. Seketeriat K9,768,800

i go moa long pes 8



# MUTRUS

MAJOR SPONSA BILONG RAGEY LEAGUE INSAIT LONG PAPUA NIUGINI

GOVERNMENT WARNING: SMOKING IS DANGEROUS TO HEALTH

**YAKAM KELO i ripot long kibung bilong Palamen long dispela wik**

# Ol memba komplek long olupela haus sik

MINISTA bilong Helt Ludger Mondo i tokaut long palamen dispela wik olsem olgeta wok bilong stretim na helpim ol distrik na ruel haus sik i stap long lukaut bilong ol Provinsel Gavman.

Dispela senis i bihainim nupela lo bilong rifom we ol pawa na wok i go bek long han bilong ol Provinsel Gavman.

Mista Mondo i mekim dispela toktok long bekim askim bilong memba bilong Kainantu Baki Reipa na memba bilong Wewak Bernard Narokobi taim tupela i askim long hevi we haus sik long ilektoret bilong tupela i bungim nau.

Kainantu memba Baki Reipa i tok haus sik long Kainantu i go olupela olgeta nau na i nogat wanpela gutpela helpim long stretim i kamap gutpela long 20 krismas olgeta i kam inap nau. Tupela mun tasol i go, ol i kisim nupela ambulens bilong karim ol sik-

manmeri i go long haus sik.

Memba bilong Wewak Bernard Narokobi askim tu olsem Boram haus sik i nogat gutpela haus slip bilong ol nes na haus sik woka long stap long en na wok.

Mista Narokobi i tok em i bin harim olsem ol Japan gavman i bin helpim planti haus sik long Papua Niugini na Wewak haus sik em wanpela bilong ol. Tasol Boram haus sik i no luk olsem mani o helpim bilong Japan i no go long stretim ol samting bilong haus sik.

Mista Narokobi i askim tu sapos Helt Minista i ken lukluk na stretim gut wok bilong ol bod bilong haus sik bikos i luk olsem ol wok bilong ol bod i no kamap gut tumas. Narapela hevi Mista Narokobi i askim em long sekim wanpela dokta long Boram haus sik we lotu bilong em i tambuim em long i no ken givim blut long ol manmeri.

Dispela i mekim na planti hevi i kamap long ol manmeri, Mista Narokobi i tok.

Memba bilong Wewak husat tu em lida bilong Oposisen i tok em i bin raitim pas i go long Helt Minista long dispela hevi tasol em i no kisim wanpela bekim bilong Minista long dispela.

Tasol Minista Ludger Mondo i tok em i save long ol dispela hevi bilong Boram haus sik bikos em yet i bin go raun na lukim pinis. Em i bin askim Praim Minista Bill Skate long ol i mas stretim bikos dispela haus sik i bin kamap long taim bilong Australia gavman long bipo. Nau planti samting long haus sik ya i bagarap na olupela tru.

Long hevi bilong dispela dokta, Mista Mondo i tok em i bin toktok pinis na ol lain bilong em i stretim pinis dispela hevi. Olsem na i nogat hevi moa long dispela dokta we memba bilong Wewak i toktok long en. Em

i bin raitim pas long memba bilong Wewak long toksave long em tasol dispela pas i no bin kamap long em.

Mista Mondo i tok tu olsem ol bod memba bilong ol haus sik long olgeta provins i gat hevi. Bikos alawens (mani) ol i save kisim long bung i no bikpela tumas olsem ol bod memba bilong PNG Habas Bot o Telikom. Bod bilong haus sik em ol i save kisim liklik alawens olsem na dispela i daunim tu laik na interes bilong planti bod memba. Long dispela as, nau Helt Minista i lukluk nau long painim ol man i gat laik long sevim komyuniti na makim ol insait long bod memba bilong ol haus sik.

Minista i tok tu olsem Dagua haus sik bai kisim helpim bilong gavman tasol dispela bai wet liklik inap sampela mani gavman i laik kisim i mas kamap pastaim.

## Wara bagarapim ol rot long Sepik haiwe

MEMBA bilong Ambunti Drekikia Judah Akesim i askim Nesanel Gavman long givim sampela mani bilong stretim gut Sepik-haiwe rot i go long Lumi long Wes Sepik provins.

Mista Akesim i tok bihain long bikpela drai na olgeta samting i drai na bagarap nabaut, nau bikpela ren i stat long pundaun gen. Na ol wara i ron long rot na bagarapim dispela hap rot we i mekim hat tru long ol manmeri long raun na karim ol kaikai i go salim long maket o go baim samting long taun.

Mista Akesim i tok Sepik rot i bagarap nau long wara na gavman i mas hariap long mekim sampela samting long stretim long sevim ol manmeri bilong Is Sepik na Lumi long karim ol kaikai bilong ol i go salim long maket.

Memba i tok long taim bilong bikpela san na drai tu, ol pipel bilong em long Ambunti i no bin kisim wanpela helpim o saplai bilong gavman. Bikos ol i no bin kisim mani bilong dispela bagarap bilong drai long baim ol kaikai na helpim samting.

Nau taim bilong ren i kamap, na Ambunti i bagarap moa yet, Mista Akesim i tok.

Praim Minista Bill Skate i tok tru taim bilong drai i pinis nau na taim bilong ren i stat. Olsem na ren bai pundaun na ol wara bai kirap.

Mista Skate i tok long bekim askim bilong memba bilong Ambunti Drekikia, bai Minista i lukautim mani i lukluk long mani pastaim. Sapos i gat sampela mani i stap, bai ol i ken go het na stretim dispela rot long Sepik haiwe.

Mista Skate i tok tasol dispela yia bai i wanpela hatpela yia tru. Na olgeta memba bai pilim hat tru.

Em i tok bai gavman i no inap givim wanpela mani long ol nupela wok na projek. Bai gavman i tromoi mani tasol long stretim ol wok i stap pinis olsem ol rot, bris, wof na ol bikpela projek we i stap pinis long kantri long sevim pipel.

Em i tok i nogat mani long ol nupela projek. Tasol i gat mani long ol olupela projek.



## Stail bilong ol Not Solomons

• Ol lain bilong Not Solomons i bin singsing long taim Praim Minista Bill Skate i opim nupela ples balus long Mosbi. Ol lain Tasman (antap) i wokim stail danis bilong tromoi naip. Na ol lain Buka i hamarim bembu ben na singsing.

## Kainantu na Boram haus sik i bagarap, tupela memba

MINISTA bilong Helt Ludger Mondo i tokaut long palamen dispela wik olsem olgeta wok bilong stretim na helpim ol distrik na ruel haus sik i stap long lukaut bilong ol Provinsel Gavman.

Dispela senis i bihainim nupela lo bilong rifom we ol pawa na wok i go bek long han bilong ol Provinsel Gavman.

Mista Mondo i mekim dispela toktok long bekim askim bilong memba bilong Kainantu Baki Reipa na memba bilong Wewak Bernard Narokobi taim tupela i askim long hevi we haus sik long ilektoret bilong tupela i bungim nau.

Kainantu memba Baki Reipa i tok haus sik long Kainantu i go olupela olgeta nau na i nogat

wanpela gutpela helpim long stretim i kamap gutpela long 20 krismas olgeta i kam inap nau. Tupela mun tasol i go, ol i kisim nupela ambulens bilong karim ol sikmanmeri i go long haus sik.

Memba bilong Wewak Bernard Narokobi askim tu olsem Boram haus sik i nogat gutpela haus slip bilong ol nes na haus sik woka long stap long en na wok.

Mista Narokobi i tok em i bin harim olsem ol Japan gavman i bin helpim planti haus sik long Papua Niugini na Wewak haus sik em wanpela bilong ol. Tasol Boram haus sik i no luk olsem mani o helpim bilong Japan i no go long stretim ol samting bilong haus sik.

Mista Narokobi i askim tu sapos Helt Minista i ken lukluk na stretim gut wok bilong ol bod bilong haus sik bikos i luk olsem ol wok bilong ol bod i no kamap gut tumas. Narapela hevi Mista Narokobi i askim em long sekim wanpela dokta long Boram haus sik we lotu bilong em i tambuim em long i no ken givim blut long ol manmeri. Dispela i mekim na planti hevi i kamap long ol manmeri, Mista Narokobi i tok.

Memba bilong Wewak husat tu em lida bilong Oposisen i tok em i bin raitim pas i go long Helt Minista long dispela hevi tasol em i no kisim wanpela bekim bilong Minista long dispela.

Tasol Minista Ludger Mondo

i tok em i save long ol dispela hevi bilong Boram haus sik bikos em yet i bin go raun na lukim pinis. Em i bin askim Praim Minista Bill Skate long ol i mas stretim bikos dispela haus sik i bin kamap long taim bilong Australia gavman long bipo. Nau planti samting long haus sik ya i bagarap na olupela tru.

Long hevi bilong dispela dokta, Mista Mondo i tok em i bin toktok pinis na ol lain bilong em i stretim pinis dispela hevi. Olsem na i nogat hevi moa long dispela dokta we memba bilong Wewak i toktok long en. Em i bin raitim pas long memba bilong Wewak long toksave long em tasol dispela pas i no bin kamap long em.

### WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea

Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and Group Editor in Chief: Anna Solomon.  
Advertising Manager: Mike Kanin.  
Editor of Wantok: Leo Wafiwa.

Papers distributed by air throughout PNG.  
Available by air mail subscription within Papua New Guinea and overseas

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance, are available at Word Publishing Company Pty. Ltd. and are set out in full on the reverse side of its official display Advertising Bookings form.

**WANTOK**

NIUSPEPA BILONG OL PAPUA NIUGINI

**Gavman laik pasim toktok bilong Mujo Sefa**

DISPELA gavman i tromoi K3 milien long kamapim tru kot bilong Sandlain long kamapim ples klia husat lida o man i brukim lo o kisim mani long kontrak bilong Sandlain ami.

Dispela gavman i putim strong bilong em na pusim dispela kot long i mas kamap klia. Tasol planti lain insait long dispela kot bilong Sandlain olsem Sir Julius Chan, Mathias Ijape, Benais Sabumei, Mesa Walter Enuma na Jerry Singirok i no moa stap long gavman o gavman wok. Ol i ausait lain nau.

Nau Oposisen i askim long kamapim wankain kot olsem long sekim ripot na pasin bilong ol memba i stap long dispela gavman long Mujo Sefa ripot tasol ol memba i no laik. Olsem na ol i vot egensim na rausim.

Wanem kain rot Oposisen i laik kamapim long holim dispela toktok i kamap na sekim ol dispela memba olsem Prais Minista Bill Skate, Thomas Pelika na arapela memba moa, i hat olgeta bikos gavman i blokim wantaim namba bilong ol long palamen.

Dispela wok painimaut bai i kamap o nogat bikos Plis Komisina i stapim wok painimaut bilong em na tok ol memba i nogat evidens long kotim ol.

Ombudsmen Komisina bai mekim wok painimaut bilong em tasol dispela inap kisim olsem wanpela o tupela krismas bihain bikos Ombudsmen Komisina i gat planti samting long mekim olsem ripot bilong POSF opis long Kens, Malagan Haus long Australia, Nu Briten Pam Oil, Poreporena Friwe, NDCD na planti arapela painimaut moa.

Wanpela rot tasol em long wanpela man i mas kotim Bill Skate na Thomas Pelika sapos em i gat ol evidens na ripot long soim. Ol memba long palamen i strong yet na tok, dispela em wok bilong plis na Ombudsmen Komisina.

Oposisen i tok dispela gavman i laik kamap olsem dikteta we Prais Minista bai kamap olsem bosman bilong givim oda na man i mas harim na bihainim laik na tingting bilong Prais Minista.

Gavman i laik kamapim wanpela opis bilong lo ol i kolim ICAC. Tasol planti bilong ol dispela memba i bin sainim pinis promis antap long pepa bilong Trensperseni Intanesenel (TI) na watpo ol i laik kamapim wanpela lo opis gen long sekim ol paul pasin sapos ol i promis pinis long ol bai mekim ol wok bilong ol stret tasol na bihainim lo?.

**Kot harim olsem Singirok asua long kisim**

VERONICA HATUTASI i raitim

SANDLINE kot i harim olsem pasin we olpela PNG Difens Fos Komanda Jerry Singirok i mekim long kisim mani long J&S Franklin i no stret.

Namel long Julai 1996 na Februeri 1997, Mista Singirok i bin kisim UK 31,000 pauns long J&S Franklin, wanpela kampani bilong Inglan we i save saplaim PNG Difens Fos wantaim ol samting bilong ami, taim Mista Singirok i no bin kisim wok olsem komanda bilong PNGDF.

Enkwairi i harim olsem tupela Mista Franklin na Singirok i bin bung long Singapor long mun Epril 1996 taim gavman i salim Mista Singirok long baim sampela militeri masin long hap. Tasol tupela i bin save long arapela pastaim taim Franklin i kam long Mosbi long 1975 long wanpela bisnis wokabaut bilong em.

Long dispela taim (1996) Mista Franklin i bin makim maus bilong wanpela kampani bilong Singapore, Unicorn Intenesenel we i laik salim 5-pela nevi bot long PNG na ol arapela militeri ikwipmen. Olgeta dispela samting inap kostim gavman K7 milion.

Long 1996, PNG Difens Fos i bin stop long baim ol militeri

masin na ol samting long J&S Franklin bikos kantri i bungim hevi wantaim mani na tu long dokumen "Wait Pepa" we Difens Fos i kamapim long dispela taim.

Enkwairi i harim olsem bihain long tupela Mista Franklin na Singirok i bung long Singapore, ol i toktok wantaim olsem ol poroman na em (Franklin) i autim wari olsem kampani bilong em i no salim sampela militeri ikwipmen long PNG long 1995.

Tasol long 1996, Unicorn i bin saplaim ol militeri wepon we i kostim klostu long K2 milion.

Mista Singirok i bin opim wanpela akaun wantaim Llyods beng long London long Epril 24, 1996 na em tokim Mista Franklin long laik bilong em. Na Mista Franklin i bin go wantaim em long beng na givim Mista Singirok UK1,000 paunds long opim akaun wantaim tingting long em bai i peim bek mani ya.

Long Julai 5 1996, Mista Franklin i bin putim narapela UK\$10,000 i go long akaun bilong Mista Singirok. Na narapela gen long Ogas 1996 we 6,600 paunds em ol i dpositim i go long akaun bilong Mista Singirok long Wespac beng, Mosbi brens. Olgeta mani we em i kisim long J&S Franklin inap long UK\$31,000.

Enkwairi i harim olsem Mista Singirok i tok dispela ol mani i bilong helpim ol difens staf long wokabaut bilong ol taim ol i stap long ovasis, tasol bikman i yusim mani ya long em yet.

Taim Mista Singirok i stap long London na Belfast long Noten Ailen long mun Epril, Mista Franklin i bin peim wokabaut na ples bilong slip na kaikai.

Taim em i mekim ripot i go long Ombudsmen Komisina long Novemba 1995 inap long 1996, em i no putim ripot long dispela mani. Tasol long taim bilong enkwairi pastaim, em bin tok em i bin gat gutpela tingting taim em i opim akaun ya.

Loya i makim Stet, Loani Henao long sabmisen bilong em i tok "peimen we Mista Franklin i mekim long Mista Singirok i no stret bikos dispela i luk olsem em i laik peim olpela komanda long pulim tingting bilong em na long em (Franklin) bai i benefit long sait bilong mani.

"Mista Singirok i no bin tokaut long dispela mani long Ombudsmen Komisina.

"Mista Singirok i bin tokaut olsem em i rong long i no tokaut long dispela mani na dispela em i gutpela.

"Em i save olsem dispela i no gutpela pasin long em i kisim ol kain peimen olsem. Em i no gutpela long em i wokabaut olsem Komanda bilong Difens Fos na kampani we i saplaim ol militeri samting i peim em.

"Em bin kisim benefit long saplaia na dispela saplaia tu i bin stap long wankain samting taim PNGDF i baim ol samting we pe bilong ol inap long K2 milion.

"Mipela i painim olsem pasin we Mista Singirok i kisim peimen long dila we i save saplaim ol militeri samting long PNGDF i no stret," Mista Henao i tok.

Enkwairi i harim tu olsem olpela komanda i bin stap insait Ina wanbel long ol toktok bilong kisim ovasis ami, Sandline Intenesenel long stapim ol trabel long Bogenvil.

"Stat yet long taim gavman i makim em olsem komanda bilong PNG Difens Fos long Novemba 16, 19 5, em i bin stap insait long ol toktok bilong kisim Sandlain i kam long kantri. Em i sapotim na tu redim wanpela pepa wanpela de bipo gavman i makim em long wok olsem komanda.

"Insait long dispela pepa, Mista Singirok i bin laikim bai ol i rausim lidasip bilong BRA, kilim ol BRA/BIG lida na ol strongpela sapota bilong ol.

"Bihain tasc! niulain bilong Australia i autim ol plen bilong PNG gavman long haiirim ovasis ami i go long Bogenvil na Mista Singirok i senisim tingting bilong em.

"Maski em i no wanbel long sampela samting long teknikol sait na wantaim ol sampela bikman long gavman, em i bin sapotim Sandline misin long Bogenvil.

"I nogat wanpela taim we Mista Singirok i tokim gavman long stapim dispela kontrak long kisim Sandline i kam long kantri. Na Stet wantaim gavman i bin bilip olsem em i gutpela long bihainim militeri rot long stretim hevi long Bogenvil long dispela taim.

"Inap long Mas 16, 1997 taim Rausim Kwik Operesen i kamap, Mista Singirok i bin sapotim Sandline", Mista Henao i tok.

Difens loya bilong Mista Singirok, Moses Murray i tok Mista Singirok i bin mekim wok bilong em bihainim tasol koman bilong gavman na Nesenel Eksekutyu Kaunsil

"Ol samting i sut long Sandline na Tim Spicer em Mista Singirok i mekim i bihainimol toktok bilong NEC.

"Tasol taim Mista Singirok i skelim ol samting na ol bagarap we dispela operesen bilong Sandline bai kamapim long ol pipel bilong Bogenvil na kantri, em i egensim dispela Sandline operesen," Mista Murray i tok.

Enkwairi i bin harim tu olsem ol i no inap long sutim tok long olpela Difens Minista Ben Sabumei olsem em i wokim rong long kisim US\$500,000 long Sandline bikos em i no tokaut long husat moa em i givim sampela hap long dispela mani long em.

Jastis Kubulan Los i go pas long dispela kot na sinia majistret Raphael Apa wantaim Gauli Mekeo i helpim em.

Ol i opim gen enkwairi bihain long tupela wik ol i malolo long givim taim long ol loya bilong ol lain husat i stap insait long kot bilong redim ol sabmisen. Ol sabmisen i karamapim ol evidens we enkwairi i bin kisim insait long laspela tripela mun.

Marshal Cooke na asisten bilong em Malcolm Varitimos i makim olpela praim minista Sir Julius Chan na olpela Difens minista Mathias Ijape.

Loya Moses Murray i makim Mista Singirok, Loani Henao i makim Stet, Robert Aisi na Samson Jubi i makim Chris Haiveta na Ian Molloy i helpim inkwairi komisina.

Enkwairi bai i go het gen tude.



**Kas bilong Motu - ol yangpela mangi bilong Elevala**  
Maisi kalsa grup i mekim save long mambu wantaim singsing tumbuna bilong ol lain Motu bilong nesenel kepitel distrik. Ol i bin wokim dispela singsing long welkamim ol man na meri husat i makim kantri long wanpela bung bilong APEC i kamap nau long Mosbi. Foto: Ivan Bayagau.


**WANTOK**  
NIUSPEPA BILONG OL PNG STRET

P. O. Box 1982, Boroko  
Telepon namba: 325 2500  
Feks namba: 325 2579

**PE BILONG WANPELA YIA 52 NIUSPEPA**

PLES	AIR
Arapela PNG eria	K52
Ostrelia na Nu Silan	K84 (US\$46)
Esia Pasifik na Japan	K99 (US\$55)
Amerika na Yurop	K172 (US\$95)





• Nupela Fres Fud maket long Kokopo i redi long op long Takubar. Planti ol famas long Kokopo bai gat sans long salim ol kaikai bilong ol.

• Lephon: Nogat EMTV long Rabaul . . . Sam Erepan (namel) wantaim tupela poro bilong em sambai long TV dish bilong EMTV long Vunamurmur. Nogat EMTV long Kokopo na ol pipel i no lukim ol nius na narapela ol samting. Foto: Joe Kanekane.

# Ais pundaun gen long Tambul

BUSTIN ANZU i raitim

PLANTI man na meri insait long Tambul eria long Westen Hailans provins nau i pret long wanem ais i pundaun gen.

Bihain long traipela san na ais i pundaun long las yia, ren i bin pundaun na ol kaikai i stat long gro. Sem taim tu ol manmeri i amamas long wokim gaden. Tasol nau bihain long wanpela wik traipela san i bin kam na ais i pundaun gen.

Ripot i bin kam long Wantok niuspepa i tok olsem dispela ais i mekim na planti i wari bikos sapos tru ais i pundaun, planti manmeri na pikinini bai kisim bikpela bagarap long angre na bai ol i dai.

Kain kaikai olsem kaukau i save kisim 9-10pela mun long groa bikos ples i kol. Ripot i tok 9-pela mun i no pinis yet na ais i pundaun. Ol pipel i pret long wanem dispela sut bilong kaikai bai ais i kukim na i dai gen. Kumu em ples bilong en olsem na i kamap gut tru.

Dispela ripot i tok tu olsem ol pipel nau i wari tru i stap. Saplai bilong gavman em i i no inap. Saplai bilong gavman em sotpela taim stret. Hevi i stap yet na sapos ais i pundaun gen, planti pipel bai kisim bikpela bagarap na i dai.

# Imbongu ilektoret kisim pinis K50,000.00 Rurel Developmen Fan mani

MATHIAS MALE i raitim

TUPELA ples Orei na Tawekombi insait long Imbongu Distrik Sauten Hailans provins i kisim pinis K50,000 we Nesenel Gavman i skelim i go long wanwan ilektoret aninit long biknem Rurel Developmen Fan (RDF) insait long kantri.

Nesenel memba bilong Imbongu na tu em namba 2 oposisen lida Mista Peter Peipul i bin skelim RDF mani i go long wanwan komyuniti insait long ilektoret bilong em yet bai ol i ken kamapim moa wok projek long eria bilong ol we ol i ken developim ples na kisim sevis long dispela mani.

Mista Moris Wama bilong Orei ples tok, Orei na Tawekombu komyuniti ol namba wan lain long kisim dispela mani taim ol i pinisim rot we ol i yusim sawol na stik long wokim rot stat long Orei i go Tawekombu. Em i tok Mista Peipul i putm K50,000 long dispela han rot mak long 76,000 kilomita rot we ol i pinisim insait long faipela wik.

"Memba bilong Imbongu Mista Peipul i seklim aut RDF mani go long ilektoret bilong em long ol

skul, hausik, rot, bris na helpim ol yut grup na ol sios we ol lidas ken yusim long kamapim developmen na sevis insait long komyuniti bilong ol," Mista Moris i tok.

"Sampela eria insait long Imbongu ilektoret yet i statim pinis ol wok na kisim mani tasol smapela ol i no stat yet," Mista Wama tok. Em i tok ol pipel i amamas tru long ol kain wok we Mista Peipul i wokim long givim sevis na bringim wok developmen. Mista Wama tok ol pipel long Imbongu ilektoret i kirap nogut long lukim ol kain wok developmen na sevis we Mista Peipul i laik kamapim long ilektoret bilong em, bikos ol i tok bipo ol i no bin lukim wanpela memba i wokim o soim dispela kain lidasip pasin long ilektoret bilong ol.

"Ol pipel long ilektoret i tok bihain yu husat man i winim Imbongu sia mas bihainim lek-mak bilong Mista Peipul na strongim ol wok developmen na sevis we em i stat bringim long ilekoret na kantri wantaim na noken lusim ol plen we em i laik kamautim long wokim ol wok, bikos nau ol i lukim tru lida bilong ol em Mista Peipul," Mista Moris i tok.

# Plisman kisim lidasip setifiket

BUSTIN ANZU i raitim

OL sinia Non Komisen opisa (NCO) long Lae plis i bin kisim setifiket bilong ol long lidasip bihain long holim tu-pela wik kos long Rijinet-trening sel long Lae.

Wanpela sinia sajen 10-pela sejen na 3-pela sinia konstabel i kisim setifiket ol i kolim long planning and command. Dispela kain kos i no save gat long ol narapela senta aut sait. Bipo ol i save kamapim long Bomana plis kolis tasol nau yet ol i kisim i kam aut long ol sentas. Dispela kain kos em i stat long las yia long Lae.

Dispela kain kos em bilong ol plisman na meri husat i lukautim ol narapela seksen insait long plis yet i ken kamapim wok olsem lukautim opis wantaim man pawa bilong ol o plenim sampela kain operesen long sampela bikpela kain samting olsem pilai o plis reid. Dispela skul em long givim klin tingting long ausait ol i bin salim memba bilong ol long wok, seklim risos bilong ol olsem ka. Mani na samting bilong pait na ol narapela ol edministretiv metas. Dispela kos em long mekim olsem ol i no ken wetim ol bikpela bos tasol ol i mas kamapim sampela kain tingting bilong ol yet.

Ges Spika, komanda bilong Igam Barracks, Kinil Kavanumuri i tok olsem em i amamas long lukim ol sinia plisman i kisim dispela kain kos bilong lidasip we ol yet bai i lidim na komandim. Em i tok, "Lid na komand i narapela . Tupela i save i go wantaim. Olsem na yu yet i mas soim gutpela rot bilong ol narapela na ol i ken lukim na bihainim. "Long klosim dispela woksap em i tokim ol plisman long yusim dispela save ol i bin kisim long dispela tu-pela wik na noken pasim maus na larim dispela save bilong yu i stap nating.

Narapela samting komandant i autim wari olsem planti taim yumi save pasim maus tumas. Olsem na planti samting yumi i no save mekim gut. "Yumi save sem na poret planti olsem na yumi save larim yumi yet i go daun. Na planti taim yumi save painim ol asua." Em tok.

Kulunga na PPC Sete i mekim wankain singaut long ol sumatin plisman long yusim dispela save ol i lain long en. "Dispela kain kos i no save kamap olgeta taim na dispela em sans kos" tupela i tok.



# Plis sutim tupela raskel long lek

MATHIAS MALE i raitim

PLIS long Mosbi holim pasim tripela stilman bihain long ol i stilim ka long Tokarara maket long Fonde 5, long wik go pinis long 6 kilok apinun.

Faipela raskelman ya i pretim papa bilong ka long tamiok na sem taim ol i pansim em long nus pes na pulim ki bilong ka taim em i pundaun long graun i stap. Hariap tru ol i statim ka na tekov i go taim meri bilong man ya na tupela pikinini sanap lukluk i stap.

Faipela stilman pulap insait na laik draiv i go olsem long Jun Veli eria tasol sem taim ol plis yunit i raun long patrol i kamap na ronim ol. I no long we tumas long maket olsem 100 mita na pilis givim pret sut long ol na draiva gurua na tanim ka i go insait long Gaidubudu strit we ka i ron i go aut-sait lognrot i go insait long ol gras.

Tupela i opim dua hariap na ron-

awe i go insait long ol haus lain na go pinis taim draiva wantaim narapela tupela ol pilis mekim save long ol.

Plis i sutim rait sait lek bilong draiva na lek i bruk taim ov sait bilong em i kisim bulet long as bilong em na kam aut long bel sait taim wan poro bilong tupela long bek sait sit i kisim ges gan long nuspes na bagarap olgeta.

I no long taim na moa long 6-pela ka bilong ol tas-fos na plis yunit long spesel patrol kam bung na lainim ol tripela stilman antap long Waiya banis pilis ka na mekim save long ai bilong moa long 400 pablik manmeri.

Ol tripela stilman ya Mista Tamsen bilong ples Kaupena insait long lalibu SHP, narapela bilong ples Mingendi insait long Simbu provins na narapela ya bilong Baimuru eria Goilala Sentral provins.

Bihain long ol manmeri lukim ol pinis plis kisim ol tripela i go long kalabus.

## Nu Silan i tromoi NZ\$10.5 milion long Bogenvil

STAT yet long las yia bihain ol grup long Bogenvil i wanbel long Nu Silan i givim moa helpim long lukautim ol pis toktok, dispela kantri (NU Silan) i no slek.

Ol pipel long Bogenvil i amamas long gutpela helpim Nu Silan i givim long go hetim ol wok long painim gutpela sindaun na bel isi pasin long ailan.

Nu Silan i go pas long moa long 260 trus monitering grup husat i stap wok long Bogenvil long helpim ailan na pel i painim gutpela sindaun. Grup ya i gat 148 Nu Silan ami long en, 80 sivilien lain bilong Australia na ol arapela soldia bilong Fiji na Vanuatu. Kenel Jerry Mataparae bilong Nu Silan i bosim TMG long Bogenvil nau bihain long olupela komanda Brigadia Mortlock i go pinis. TMG i bin statim wok long Bogenvil long

mun Novemba las yia na nau ol i stap yet, wetim Epril 30 kontrak bilong ol i pinis na nupela grup i tekova.

I kam inap nau, helpim bilong Nu Silan long sait bilong soim gutpela pren long taim bilong hevi na tu wok long kamapim sispai o stopim pait na pinis bilong ol hevi long Bogenvil i kostim ol NZ\$10.5 milion, Foren Afeas Minista bilong Nu Silan Don McKinnon i tok.

Dispela hap mani i kamaut long baset bilong Difens na Foren Afeas Dipatmen, em i tok.

Mista McKinnon i bekim askim bilong Leiba Minista Mike Moore husat i tok Nu Silan i tromoi pinis NZ\$6.364 milion inap long pinis bilong mun Janueri long dispela yia long helpim gutpela sindaun i kamap long Bogenvil.

Dispela i karamapim wok long lukautim tupela pis toktok long Burnham na namba tri long Lincoln, Nu Silan. Na tu salim ol trus monita lain bilong em long Bogenvil.

Mista McKinnon i tok em i kostim Nu Silan gavman \$NZ 4.166 milion long larim TMG lain bilong em long helpim wantaim wok bilong kamapim gutpela sindaun na bel isi pasin long Bogenvil. Kabinet i tok oraitim narapela K\$NZX 1.5 milion long helpim wok na ol lain soldia bilong em long Bogenvil.

Long ol ripot, moa long 20,000 i bin dai insait long hevi we i stap 10-pela krismas nau long Bogenvil. I luk olsem nau i no moa gat pait bihainim sispai agrimen we Nesenel Gavman, BTG na BRA/BIG i sainim long Lincoln Nu Silan long las mun.

## PNGCC helpim yet hailans rijon

PAPUA Niugini Kaunsil ov Sios (PNGCC) i bin karimaut bikpela helpim long taim bilong bikpela san na ais insait long hailans rijon.

Em long ol provins olsem Isten, Westen na Sauten Hailans. Dispela em sampela ol eria we i bin kisim bikpela bagarap na taim nogut tru long taim bilong biksan na ais insait long kantri.

Jenerel Seketeri bilong PNGCC Reveren Kila Pat i tok Kaunsol i bin givim samting olsem K21,000 i go long Katolik na Engliken Sios long Hagen bilong helpim ol pipel i stap long ol eria we i kisim taim nogut stret na ol i sot long kaikai olsem rais. Nau yet ol pipel i laikim rais bikos ol gaden kaikai we ol i planim nau i no ken karim kaikai yet inap long 7 na 8 mun bihain.

Reveren Pat i tok long Goroka, Kaunsol i bin givim 1,500 bel long ol 10 kilo rais bek. Evanjelikol Luteran Sios long Goroka i bin helpim tilim ol kaikai i go long ol eria na ples we i bungim taim nogut tru.

Em i tok taim em i mekim wanpela wokabaut i go long Goroka i no long

taim i go pinis, ol sios lida i bin autim sampela wari bilong ol long planti pipel husat i stap long ol ples longwe i sot yet long kaikai. Ol i no save kisim gut ol saplai kaikai we sios na ol arapela helpim grup i salim i go long ol.

Reveren Pat i tok maski ren i stat pundaun pinis long rijon insait long tripela mun nau, ol kaukau we ol i wok long planim nau bai i no redi long karim kaikai yet inap long 7 na 8-pela mun bihain.

Em i tok long dispela tasol na ol pipel i singaut nau long rop bilong swit poteto we i save karim na redi kwiktai winim ol arapela kaukau ol i save planim tasol em i kisim 7 o 8-pela mun long redi.

Em i tok ol kumu na ol arapela lip i wok long gro nau na ol pipel i wok long kaikaim. Tasol ol i mas kisim abus kaikai na ol arapela kaikai we i givim strong na gris long helpim na strongim ol pipel.

Reveren Pat i tok nau bikpela wok bilong Kaunsol i bilong tilim ol rop na sid bilong kumu i go long ol pipel bilong planim na tu long helpim ol yet wantaim ol rais saplai samting.

## Ples kot i lusim strong bilong em

**NELSIE GIRAURE SAYA i raitim**

CL VILIJ kot long Is Nu Briten i wok long lusim strong bilong em aninit long Lokol Level Gavman (LLG) sistem insait long provins, Provinsol Vilij Kot supavaisa Danley Puapena i tok.

Mista Puapena i bin mekim dispela toktok taim em i mekim klia vilij kot sistem na tok hevi i stap long sait bilong politik.

Mista Puapena i tok ol opisa bilong vilij kot i no kisim luksave long

mekim na bosim wok bilong ol.

"Long dispela taim ol LLG opisa i ting olsem ol vilij kot i samting nmatim na planti taim ol i no katim mani long ol bilong mekim wok. Tasol ol i laikim bai ol vilij kot i stretim ol lain husat i brukim lo long ples na givim mekim save i go long ol," Mista Puapena i tok.

Em i tok planti presiden, kaunsola na ol asisten kodineta i no luksave long wok bilong ol na ol i ting olsem ol vilij kot we i stap insait long ol LLG bilong ol i stap aninit long lukautim bilong ol. Ol i lus tingting olsem rot

long gavman yumi bihainim em demokresi na i gat tripela han long en. Na wan wan long ol i gat pawa bilong ol yet.

Em i tok rot bilong demokresi i no stap hialong LLG bikos Lejisletiv na Eksekyutiv han i gat moa pawa antap long kot.

Em i tromoi kwesten olsem sapos ol LLG i no inap long lukautim ol kot long eria bilong ol, ol bai i mekim ol arapela wok aninit long nupela gavman rifom olsem wanem

Em i tok Raluana LLG i luksave pinis olsem ol vilij kot insait long eria bilong ol em ol bikpela samting.

# Bogenvil pis bung kamap long Kenbra

**VERONICA HATUTASI i raitim**

SAMTING olsem 40 teknikal grup i stap insait long Bogenvil pis bung long Kenbra, Australia.

Grup ya i makim ol opisa husat i kam long gavman, BRA/BIG na Bogenvil Trencisenel gavman.

Bung i bin stat long dispela wik Mande na bai i pinis tumora.

Ol i laik stretim na pasim ol toktok bipo long sispai agrimen o stop pait agrimen i kamap long mun Epril.

Long dispela samting i kamap, olgeta grup i mas wanbel na pasim toktok wantaim long agrimen i go gut. Na tu go hetim toktok long ol arapela bikpela samting we i kam aninit long Lincoln agrimen we ol i bin kamapim long dispela yia Janueri.

Long ol ripot, Foren Minista bilong Australia Alexander Downer i tok bikpela samting nau em long wok strong long sapatim trus na ol pipel bilong Bogenvil i ken lukim ol wok bilong painim gutpela sindaun i karim kaikai.

Mista Downer husat i opim bung i tokim ol deleget olsem bikpela samting em dispela gutpela wok i kamap nau long Bogenvil long rot bilong painim gutpela sindaun i mas go het olsem na noken larim sampela samting i kamap long namel na bagarapim.

Inap ol pipel long Bogenvil i lukim ol wok bilong kamapim gutpela sindaun i karim kaikai kwiktai,

em bai i hat long samting we yumi wok hat long en i kamap," Mista Downer i tokim bung.

Em i tok Australia i givim bikpela helpim long daunim dispela hevi long Bogenvil tasol i no bilong ol (Australia) long painim rot bilong pinisim hevi.

Australia i katim samting olsem K132.4 milier long helpim Bogenvil long narapela tripela yia i kam, Mista Downer i tok. Na dispela em i bikpela hap mani, em i tok.

Em i tok em i samting bilong ol pipel bilong Bogenvil long stretim hevi bikos em i no gutpela long ol ausait lain na gavman long tokim ol wanem rot long bihainim bilong stretim hevi long ailan bilong ol.

Mista Downer i tok Australia bai i sapatim Pis Monitering Grup husat bai i kisim ples bilong trus monitering grup (TMG) we i wok i stap long Bogenvil nau.

Em i tok amamas long kontribusen we Australia i mekim wantaim TMG. Na em i tok kantri bilong em i sanap sambai tasol long givim moa helpim sapos ol i singautim em long helpim pis monitering grup.

Deputi oposisen lida Gareth Evans i bin sapatim toktok bilong Mista Downer na tok:

"Trabel long Bogenvil em i wanpela samting we i kamapim planti wari long tingting na agenda bilong gavman bilong Australia, nau na long pastaim," Mista Evans i tokim ol niusman.

Em i tok oposisen bai i sapatim ol wok long kamapim gutpela sindaun, bel isi pasin we i ken pinisim disepla hevi.



• Ol Truce Monitoring Group soldia sanap wantaim ol lain long Monoitu ples bihain long wanpela bung.

## Madang mama grup makim nupela eksekyutiv

**BEN TAUMAI i raitim**

OL MAMA grup bilong Madang taun long dispela wik i makim ol eksekyutiv bilong ol long makim ol long Provinsol Womens Kaunsol bung. Bung i bin kamap long Mande long riginel Institut ov Pablik Edmistresen klasrum we dairekta bilong Asembli Sevis Ivan Mullul na nambawan sekeri bilong gavana Selan Levi i bin stap long en.

Tupela bikman ya i tokim ol mama olsem dispela miting em gat ol bikpela toktok long em bikos ol bai makim ol meri long ol provinsol kaunsol miting. Ol bai makim ol tu i go insait long provinsol eksekyutiv kaunsel (PEC) husat bai skelim gut na makim wanpela meri long makim ol insait long bung bilong provinsol asembli.

Provinsol kaunsol presiden Regina Kambe wantaim ol

eksekyutiv bilong em na Opis bilong Sospel Sevis long Madang provinsol edministrisen i go pas long en.

Sampela bikmeri tu olsem Annie Wama, Kathrine Mal, Gloria Pari, Lucy Buck, Helen Saw, Ruth Arek na ekting edvaisa bilong Sospel Sevis Ms Patricia Mari i bin stap long dispela bung.

Mista Mullul na Levi i tokim ol mama olsem i moa gutpela sapos i gat wanpela mama i makim ol insait long provinsol asembli. Sapos nogat bai yupela i mis aut na bai i no gutpela, tupela i tok.

Joe Buka wanpela opisa bilong Sospel Sevis husat i bin wok wantaim ol mama moa long 10-pela yia i tokim ol mama olsem "yupela olgeta mas bungim tingting wantaim na makim wanpela gutpela meri nau husat inap makim maus bilong yupela."

Bihain long longpela toktok ol tromoi i go kam ol bin makim ol eksekyutiv mamba bilong ol.

Helen Paru i kamap presiden, vais-presiden i go long Grace Tona, Sekreteri em Mariana Poska na Tresera em long Bernadette Yena. Ol makim tu narpela 3-pela komiti mamba long helpim ol eksekyutiv. Em long Mkeo Kig, Annie Wama na Christine Kombako.

Long givim tok amamas long ol nupela eksekyutiv president bilong Provinsol Womens Kaunsel Region Xambe na nambatu bilong em Gloria Pari i askim olgeta mama long wok bung wantaim ol nupela eksekyutiv long mekim wok bilong ol isi.

"Sapos ol no wok gut, orait yupela gen holim wanpela miting bihain na senism ol", tupela i tok.

Ol nupela eksekyutiv bai holim wok long opis inap long 3-pela krismas.

## Diro givim ka long Is Papua rijon

YUNAITED Sios long Is Papua meinlen rijon long las wik i kisim wanpela ka long Gavman bilong Sentrel provins, Ted Diro.

Mista Dirolong las wik i bin givim ki bilong hailaks 4x4 dabel keb ka i go long han bilong Reveren Laka Renagi husat i bisop bilong Is Papua rijon.

Taim em i kisim ki bilong ka, Bisop Renagi i tok ka ya i olsem blesing na Mista Diro i givim long ol taim ol i laikim tru helpim bilong em. Em bai i

helpim sios long rijon long mekim wok bilong em, Reveren Renagi i tok.

Em i tok stat yet long pinis bilong 1996, rijon i no bin gat ka tasol Bikman long ol rot bilong em i bin lukautim ol na samting we ol i kisim i soim olsem God i gutpela.

Ka ya i kostim K49,930 na ol i baim long Ela Motors.

Donesen bilong Mista Diro em i bihainim komitmen bilong gavman long helpim ol sios insait long Sentrel provins olsem rijonal memba.

## Nu Ailan rijon painim ples long sanapim Baibel kolis

YUNAITED Sios long Nu Ailan rojon i wok long painim yet hap ples bilong kirapim wanpela Baibel Kolis.

Ripot i kam long Yunaited Asembli het opis long Mosbi i tok ol i lukluk long foapela hap bilong kirapim skul ya. Em ol ples olsem Kaselok we i stap klostu tasol long Kavieng taun. Ol i makim pinis hap graun long kirapim Baibel kolis long dispela ples. Ol i givim wok long olpela hetmasta bilong Manggai Hai skul Pasto david Odd long go pas long ol wok bilong statim kolis ya. Long Fraide 29, em i bin bung wantaim

bisop bilong rijon, Reveren Gerson Kapman na ol arapela lida bilong sios na paitim toktok long disepela samting.

OPis i save olsem Yunaited Sios Nu Ailan rijon i putim pinis K7,000 long baim graun long ples Kaselok.

Long dispela taim, i nogat kliapela toktok long wanem hap tru ol bai sanapim kolis long em.

*Ol dispela stori i kam long niusleta bilong Yunaited Sios Asembli we Gordon Gaius i redim na raitim kamap.*

## PASIN BILONG TRENIM BODI

LONG Luk sapta 13:1 Jisas i krosim ol wantok long les pasin bilong ol na i stori long wanpela diwai i save karim. Diwai ya i karim lip nating, olsem na fama i laik kamautim na tromeim long paia. Tasol wanpela wokboi i sevim dispela tri. Em i brukim graun nabaut long en na i grisim graun na bihain nau dispela rabis tri i karim gutpela kaikai.

Wantaim dispela stori Jisas i laik skulim ol wantok olsem: "Yupela tu i mas stretim laip na pasin bilong yupela. Sapos nogat, bai yupela i kamap paiawut bilong Satan."

Watpo yumi mas stretim bek laip bilong yumi? Bikos ating yumi bin kalapim planti lo bilong laip na bilong gutpela pasin na sindaun, na nau yumi rabis na yumi no hepi liklik.


Harim! Olgeta gutpela pasin i gat lo bilong en. I gat lo bilong kaikai, na lo bilong wokabaut, na lo bilong rit, na lo bilong rait, na lo bilong draiv, na lo bilong toktok. Yumi olgeta wan wan i save pinis long ol dispela lo. Yumi bin skul pinis long ol. Eksperien i bin skulim yumi olsem sapos yumi kalapim sampela dispela lo, wantu samting bai ron kranki, o bai samting i bagarap. Sapos yumi gat sik, o yumi bamim ka, o yumi pundaun long graun, em i bikos yumi bin kalapim lo bilong dispela samting.

Bihainim lo em i no isi samting, bikos yumi mas bosim laik bilong yumi. Tasol em i save karim gutpela kaikai.

Harim! Planti gutpela samting i save helpim yumi tude, bikos yumi bin bosim strongpela pawa bilong ol kankain wel samting i stap nabaut long yumi. Em hia sampela eksampel. Paia em i save pinisim olgeta samting nabaut long en. Tasol yumi bin bosim em. Yumi bin putim insait long stov na nau em i kukim kaikai bilong yumi.

Klaut i lait i save pretim yumi nogut tru wantaim pawa bilong en. Tasol dispela em i lektrik pawa tasol. Sapos yumi bosim dispela ilektrik pawa na kalabusim em insait long ol waia, nau em i save laitim haus, na

## TU MINIT TINGTING



FRANK MIHALIC i raitim

hotim stov, na kolim frisa, na bringim ol program long redio na telivisen.

Sapos bensiin i laik, em i save pairap na brukim na kukim ol haus nabaut. Tasol sapos yumi kalabusim dispela pairap insait long wanpela rum ain yumi kolim moto o ensin, orait, nau dispela pawa i helpim yumi long ron long ka na flai long balus.

Wara i save ron nating long riva tasol sapos yumi banisim na kalabusim em, em inap wokim lektrik pawa olsem long Yonki na Rouna na Paunda.

Win i save flai nating, tasol sapos yumi kalabusim insait long sel, em i save pulim kanu nating.

Insait long yumi i gat ol kain kain pawa na strong na laik. Sampela i wel na yumi mas bosim ol. Sapos nogat, bai ol i pinisim yumi. Tasol sapos yumi bosim ol dispela laik i hait insait long yumi, yumi inap kamap strongpela na bikipela man/meri i gat biknem na biknamba.

Yumi olsem dispela tri em Jisas i bin stori long en. Tri i mas karim kaikai. Em i lo bilong en. Sapos nogat, bai em i kamap paiawut.

Taim bilong Len em i spesel taim we ol Kristen i taitim bun na strongim masol na bosim ol laik nogut. Yumi olgeta i laik kamap wina, yumi olgeta i laik karim kaikai, yumi olgeta i laik winim biknem na biknamba. Oke, yumi no ken sindaun nating long arere na lukim pilai tasol. Nogot. Yumi mas insait long pilai.....nau tasol.

## "Going fowod" woksop

YUNAITED Sios Asembli het opis i holim wanpela woksop bilong ol kodineta long "Going Fowod" program.

Woksop i bin stat long dispela wik Mande na bai i pinis tumora, Fraide. Ol i holim long ples Gaire ausait long Mosbi.

Eitpela kodineta insait long 8-pela rijon bilong Yunaited Sios insait long kantri i sindaun nau long 1998 rijonal Going Fowod woksop long ples Gaire we i stap insait long Gadeboro Seket.

Het tok long woksop em "Empawarim Kongriksen long Misin bilong God" long eria bilong komyunikesen.

Generel Seketeri bilong Yunaited Sios Demas Yongogo i bin opim woksop long las Sande.

Ol lain husat i go pas long woksop em Mista Tongogo husat i toktok long jenerel komyunikesen na hevi sios i gat long sait bilong komyunikesen tude. Kodineta bilong program Reveren Gomea Maleva i tok-

tok long wok bilong ol rijonal Going Fowod kodineta taim Media na Komyunikesens opisa bilong Asembli, Gordon Gaius i toktok long serim komyunikesen na watpo media komyunikesen i biukpela samting insait long sios tude.

Modereta bilong sios Reveren Edea Kidu i toktok long Gospel komyunikesen we bai i lukluk long sait bilong Baibel.

Reveren Kidu bai i kisim woksop long pinis bilong em.



• Ol Katolik Grup bilong Mt Hagen husat bai wokim woka-ton stat long Madang na bai ol i wok-abaut go bek long Mt Hagen. Ol i bin stat wokabaut long las wik.

## PNGCC singautim gavman long mekim lo long pasim man maritim planti meri

VERONICA HATUTASI i raitim

MAUSGRUP bilong ol Sios insait long kantri, Papua Niugini Kaunsil ov Sios (PNGCC) i sapotim ol toktok bilong Koreksenel Sevis Minista Peter Arul we em i tok em bai i sapotim lo we i egensim poligami long kantri o pasin we man i maritim planti meri.

PNGCC i mekim dispela toktok bihain long hevi we planti meri insait long kantri i bungim taim ol i fosim ol dispela kain maritim taim ol i no laik. Pasin we wanpela man i maritim planti meri insait long kantri i wok long go antap na i kamapim hevi insait long famili, hauslain na komyuniti. Ol sios insait long kantri i wari long dispela samting wantaim tu ol arapela kristen, meri na ol grup we i lukautim raits bilong ol meri.

Seketeri bilong PNGCC, Reveren Kila Pat i tok ol Sios i gat bikipela wari bikos dispela kain maritim i daunim na bagarapim humen digniti na rait bilong ol meri long maritim long laik bilong ol yet.

Reveren Pat i tok ol meri

husat i stap insait long dispela kain maritim i save bungim hevi na kantri i nogat lo bilong lukautim ol.

Olsem na PNGCC i singaut long gavman bilong mekim wanpela lo long rausim pasin we wanpela man i maritim tupela, tripela na moa meri.

Reveren Pat i tok planti meri insait long dispela kain maritim i bungim hevi tasol ol i no save toktok. Em i tok nogat man o komyuniti i harim kraibilong ol dispela meri na sampela i save kilim ol yet.

"I nogat lo we i lukautim ol lain husat i bungim hevi long dispela kain maritim. Ol i stap olsem sleiv insait long komyuniti bilong ol yet," Reveren Pat i tok.

Em i tok taim yumi rausim rait long ol meri yumi kamap wantaim pait na belkros insait long famili na komyuniti. Na meri i mas go long kalabus long samting i no stret we man bilong em i kamapim.

"Dispela i no wanpela Kristen pasin na em i makim pasin we ol i brukim humen raits bilong ol meri husat i nogat toktok tasol ol i fosim ol long go insait long dispela kain maritim. Ol i stapim ol rait

we God i givim ol long sanap strong na autim tingting bilong ol long ol samting we i karamapim ol long en. Ol i mekim ol olsem samting nating we i nogat tingting na rait na long sampela taim ol i mekim ol olsem ol i no stap long disepela graun," Reveren Pat i tok.

PNGCC i singaut long gavman long lukluk long dispela samting na mekim samting long en kwiktaim.

Em i mekim strongpela singaut long ol sosaiti insait long kantri long senisim pasin bilong ol long pasin bilong baim meri. Nau ol eria we man i maritim wanpela meri i wok long kisim pasin bilong maritim planti meri, Reveren Pat i tok.

"Mipela i singaut long ol sosaiti i senisim pasin bilong ol long baim meri. Ol i fosim planti meri long go insait long maritim we wanpela man i kisim planti meri bikos papamama bilong ol (meri) i laikim bikipela mani long ol pikinini meri bilong ol. Ol papamama i no kea wanem samting bai i kamap long ol pikinini meri bilong ol. We stap trupela mining bilong maritim olsem God yet i bin kirapim?" Reveren Pat i tok.

**K2,141,073,400 baset bilong 1998**

DISPELA em i mak bilong mani gavman i skelim i go long wan wan dipatmen na han bilong gavman.

Opis bilong Gavana Jeneral	K 2,000,000
Dipatmen bilong Prait Minista na NEC	K26,700,000
Nesanel Stetstiks Opis	K 2,142,000,
Opis bilong Bogenvil Afeas	K 1,500,000
Dipatmen bilong Tresari	K11,600,000
Dipatmen bilong Tresari	K53,585,500
Infomesen Teknologi Divison	K 8,800,000
Konsuma Afeas Kaunsil	K 1,480,500
Intenal Revenu Komisn	K19,000,000
Dipatmen Foren Afeas	K19,000,000
Institut ov Pablik Administresen	K 2,634,200
Dipatmen ov Pesonel Manesmen	K 4,600,000
Pablik Sevis Komisn	K 900,000
Artoni Jeneral	K8,000,000
Koreksnel Sevis	K25,788,000
Provinsal Tresari	K7,600,000
Dipatmen ov Plis	K96,000,000
Plening na Implementesen	K4,000,000
Ilektoral Komisn	K4,000,000
NIO	K1,713,100
Dipatmen Provinsal/Lokal Level Gavman	K4,844,500
Defens	K86,035,600
Dipatmen ov Edukesen	K102,000,000
Dipatmen ov Helt	K52,200,000
Hospital Manesmen	K49,000,000
Famili na Sios Afeas	K2,000,000
Environmen na Konsevesen	K3,600,000
Egrikalsa na Laivstok	K10,000,000
Dipatmen ov Lens na Fisikal Plening	K8,197,500
Dipatmen ov Mineral Risos	K8,000,000
Dipatmen ov Petroleum na Eneji	K3,500,000
Transpot/Works na Sivil Eviesen	K49,626,600
Dipatmen ov Tred na Industri	K4,400,000
Dipatmen ov Yut na Employmen	K4,450,700
Nesanel Tripatet Kaunsil	K270,300
Dipatmen Treseri Debt Sevis	K702,273,400
Audita Jeneral	K6,500,000
Ombudsmen Komisn	K5,500,000
Nesanel Rises Institut	K2,300,000
Nesanel Trening Kaunsil	K500,000
Ligal Trening Institut	K509,200
Univesiti ov PNG	K25,000,000
Univesiti ov Teknologi	K25,000,000
Univesiti ov Goroka	K5,500,000
Univesiti ov Vudal	K2,870,200
PNG Spots Komisn	K1,300,000
PNG Nakotiks Buro	K900,000
Notikal Trening Institut	K1,000,000
Institut ov Medikal Rises	K2,000,000
NBC	K7,993,900
Invesmen Promosen Atoriti	K1,975,900
Smol Bisnis Developmen	K2,085,000
Institute ov Stendars	K630,800
Industrial Sentas Developmen	K987,700
Nesanel Musium	K1,853,000
Nesanel Hausing Kopresen	K150,000
Nesanel Kalsa Kimisin	K2,927,900
Rural Developmen Beng	K3,362,500
Fiseris Atoriti	K5,000,000
Kopi Industri	K750,000
Kakao na Kokona Rises Institut	K541,200
Nesanel Fores Atoriti	K19,000,000
Turism Promosen Atoriti	K2,281,200
Wel Pam Industri	K1,478,800
Agrikalsa Rises Institut	K3,000,000
Agrikalsa Kuarintin	K2,000,000

**Skel bilong ol Provins**

Flai Riva Provinsal Gavman	K34,228,100
Galp Provinsal Gavman	K20,752,500
Sentral	K23,947,700
Nesanel Kapital Distrik	K15,580,000
Milne Be	K29,620,300
Oro	K19,106,300
Sauten Hailans	K56,301,500
Enga	K36,730,600
Westen Hailans	K44,398,200
Simbu	K27,822,500
Isten Hailans Provinsal Gavman	K42,614,500
Morobe Provinsal Gavman	K54,296,300
Madang Provinsal Gavman	K36,125,300
Is Sepik Provinsal Gavman	K37,810,400
Sandaun Provinsal Gavman	K23,813,000
Manus Provinsal Gavman	K10,936,900
Niu Ailan Provinsal Gavman	K23,830,900
Is Niu Briten Provinsal Gavman	K32,949,500
Wes Niu Briten Provinsal Gavman	K24,829,800
Not Solomons Provinsal Gavman	K19,039,100

**Total** K2,141,073,400



• **Bikpela mani i go long Trans/Woks na Sivil Eviesen.**  
**Tupela poto i soim we Prait Minista Bill Skate i opim nupela teminol long Mande.**



Poto: Ivan Bayagau

**Mani kam we na i go we**

Econoric	K57,848,000	Egrikalsa na Laivstok	K2,911,000
Social	K148,230,000	Dipatmen ov Lens na Fisikal Plening	K2,148,000
Lo na Gda	K35,946,000	Dipatmen ov Mineral Risos	1 5,978,000
Edministretiv	K57,468,000	Dipatmen ov Petroleum na Eneji	K4,000,000
Infrastructure	K179,258,000	Transpot/Works na Sivil Eviesen	K174,798,000
OI Provins	K57,050,000	Dipatmen ov Yut na Employmen	K5,769,000
<b>Total</b>	<b>K535,800,000</b>	Ombudsmen Komisn	K633,000
Concessional Loans	K104,161,000	Nesanel Trening Kaunsil	K16,831,000
Grants	K322,870,000	Univesiti ov Papua Niugini	K3,509,000
Domestic	K108,769,000	Univesiti ov Teknologi	K11,038,000
<b>Total</b>	<b>K535,800,000</b>	Univesiti ov Goroka	K1,150,000
<b>Appropriation (Development Expenditure)</b>		Nesanel Trening Institut	K810,000
<b>SCHEDULE</b>		Institut ov Medikal Rises	K45,000
<b>Estimates of Expenditure for the year ending 31 December 1998.</b>		Invesmen Promosen Atoriti	K834,000
Dipatmen bilong Prait Minista na NEC	K6,900,000	Smol Bisnis Developmen Kopresen	K1,412,000
Nesanel Stetstiks Opis	K2,409,000	Industrial Sentas Developmen Kopresen	K3,500,000
Dipatmen ov Tresari	K3,809,000	Nesanel Musium na At Galeri	K100,000
Dipatmen Foren Afeas	K186,000	Nesanel Wara na Surij Bod	K4,360,000
Dipatmen ov Pesonel Menesmen	K1,400,000	Rural Developmen Benk	K2,400,000
Dipatmen ov Artoni-Jeneral	K679,000	Kakao na Kokonas Ekstensen Ajensi	K2,222,000
Dipatmen ov Koreksnel Sevis	K15,306,000	PNG Nesanel Fiseris Atoriti	K2,152,000
Dipatmen ov Polis	K19,328,000	Wel Pam Rises Asosiesen	K999,000
Opis bilong Plening na Implementesen	K16,571,000	Fresh Produce Developmen Kopresen	K1,395,000
Dipatmen Provinsal/Lokal Gavman Afeas	K3,593,000	Kopi Industri Kopresen	K2,025,000
Dipatmen ov Edukesen	K54,581,000	PNG Kakao na Kokonas Rises Institut	K1,580,000
Dipatmen ov Helt	K74,430,000	PNG Nesanel Fores Atoriti	K2,000,000
Famili na Sios Afeas	K2,667,000	Turism Promosen Atoriti	K1,000,000
Environmen na Konsevesen	K7,776,000	PNG Wel Pam Industri Kopresen	K2,994,000
<b>Total</b>	<b>K535,800,000</b>	Nesanel Agrikalsa Rises Institut	K6,322,000
		Nesanel Agrikalsa Kuarintin/Inspeksen Atoriti	K4,200,000
		Sentral Provinsal Gavman	K1,000,000
		Simbu Provinsal Gavman	K2,000,000
		Is Sepik Provinsal Gavman	K1,400,000
		Is Niu Briten Provinsal Gavman	K16,455,000
		Wes Niu Briten Provinsal Gavman	K25,000
		Not Solomons Provinsal Gavman	K36,170,000

# Takis bilong poki masin i go antap

TAKIS bilong laki masin o poki bai surik i go antap long 20 pesen i go long 30 pesen long dispela yia.

Minista bilong Treseri na Koperet Afeas lairo Lasaro i tokaut long takis ya taim em i autim baset bilong dispela yia.

I tru i bin gat planti ol toktok long apim moa takis na rausim poki masin insait long kantri, Lasaro i ting dispela takis bai helpim gavman long wokim sampela mani (revenu).

Minista i tok poki masin i no tromoi bikpela takis, na tu em i kamapim planti ol hevi long ol famili. Na dispela takis em long kamapim sampela profit mani long givim i go long gavman.

Wantain arapela 10 pesen, gaman i tingting long wokim olsem K22.3 milien long pinis bilong dispela yia. Dispela mani i no bikpela olsem taim ol i makim long las yia baset plening.

"Dispela eria i no save baim bikpela takis. Arapela samting tu em poki masin i kamapim bikpela tru na i wok long kamapim plenti hevi long on sindaun bilong ol pipel. Na dispela taski em bilong helpim gavman long wokim sampela mani.

"Dispela takis i no bilong givim hevi long ol pipel husat i save pilai poki, nogat, em long skelim tu sapos ol lain tu i ken

mekim sampela mani taim ol pilai poki.

Aninit long nupela takis, ol papa bilong poki masin bai i no inap baim beting takis bilong K2,5000 em ol i mekim

Lasaro i tok dispela lo em ol i tingting long mekim kamap em bai givim sans long ol papa bilong poki masin long mekim profit long ranim bisnis na tu helpim gavman long mekim sampela mani.

## Takis long "flai in flai aut"

GAVMAN i ting em i ken wokim K10 milien long nupela takis bilong flai-in na flai aut.

Minista bilong Treseri na Koperet Afeas lairo Lasaro i tokaut long dispela taim em i autim mani plen bilong dispela yia.

Dispela takis bai karamapim ol takis long balus tiket em ol kampani i givim i go long ol wokman bilong ol taim ol i go holide. Dispela takis i karamapim ol Papua Niugini man na tu ol ovasis woka.

Dispela takis em i wanpela bilong 4-pela nupela takis em gavman i kamapim. Ol arapela takis em takis long ol strongpela dring, takis long poki masin na takis bilong bia i go daun.

Long ol dispela takis, gavman i ting em i ken wokim K22 milen long dispela yia.

Las Novemba, gaman i tokaut long saplai bil revenu bilong em olsem em bai wokim K2.242,7 milien. Dispela ol mani bai kam long ol takis long strongpela dring na bia, simuk, hos res, stem duti, takis long ples balus, na hapim takis long ol lain i kisim bikpela mani.

Dispela takis bilong flai-in na flai-aut i no bilong ol lain i save wok long main tasol nogat, em bilong olgeta kampani na bisnis insait long kantri.

Aninit long baset, gavman i tingting long kisim 50 pesen long tiket em kampani i givim long ol wokman.

Ol lain i kisim holide tru bai i no inap kisim dispela takis. Ol meri bilong ol wokman husat i save kisim helpim aninit long flai-in na flai-aut tu bai baim takis yet i go long gavman.

Semba ov Mains na Petroleum bai autim toktok bilong em taim ol i skelim toktok insait long baset.



• TOWN • BOROKO • GEREHU • WAIGANI • ERIMA

*Toksave i go long olgeta manmeri olsem sapos yu go baim ol samting long olgeta Stop and Shop stua insait long Mosbi, bai ol wok manmeri long stua i givim yu ol ka "Bampa Stika".*

*Kisim dispela bampa stika na putim long fran o beksait long ka bilong yu na bai yu gat sans long winim ol kainkain prais.*

### K2.5 bilion baset bilong 1998

i kam long pes 1

Derivesen Grant	K10,755,600
Infrastraksa Grant	K72,178,800
Lokal Level Govt, Viles Sevis	K76,335,500
Taun na Eben Sevis	K11,093,000
Distrik Sapot Grant	K25,800,000
Sios Helt Sevis	K12,255,000
Edukesen Subsidi	K25,472,200
Spesel Sapot Grant	K19,050,200
Maining Agrimen	K6,011,000
Not Solomons Prov Gav.	K19,039,000

Ol gavman Dipatment K6889,169,300

Ol narapela han bilong gavman K134,897,300

Mani bilong bekim dinau:

Interest	K466,300,000
Amotisasen	K235,973,400

**TOTAL BASET: K2,141,073,400**

### Isten Hailens gat haus sik bilong ol sik AIDS

SAPE METTA i raitim

Isten Hailens i kamap namba wan provins insait long Papua Niugini long kamap wantaim wanpela namba wan klinik bilong givim gutpela sevis i go long ol sikman, meri na pikinini husat i kisim ol dispela sik em STD, HIV - AIDS.

Dispela STD, HIV - AIDS klinik em AusAID i givim helpim long kamapim, na mausman na representativ bilong Australia gavman David Irvine i bin kamap long Goroka na i bin opim dispela klinik.

Ol bikman husat i bin kamap long witnesim opening bilong klinik ya em Peti Lafanama Gavana bilong Isten hailens, Helt Minista Luther Mond, CIS Minista Peter Arul, biknem bisnisan na siaman bilong bod ov dairektas bilong Goroka Bes Haus sik Sir Danny Leahy na dairekta bilong Institut ov Medikel Raises (IMR) Dr Michael Alpers.

Mista Irvine long taim bilong opim dispela klinik i putim nem bilong dispela klinik - Michael Alpers klinik long onarim Dr. Alpers husat i wok hat long sait bilong Medikel Rises inap moa long 50 yias insait long Isten Hailens.



# Semba ov mains i egensim nupela takis long 1998 baset

SEMBA bilong Mains na Petroleum i wari olsem sampela rot we gavman i bihainim insait long nesenel baset long pulim mani long em bai i gat kikkbek long maining na petroleum indastri.

Semba presiden Dokta Morseley Moramoro i tok ol nupela takis we i stap insait long 1998 baset bai i stapim ol wok bilong karimaut ol wok eksploresen na developmen projek long taim ol prais bilong ol samting olsemkopa, gol, ges na wel i no gutpela. Na i moabeta long kain taim olsem long strongim invesmen long maining na petroleum sekta, Dokta Moramoro i tok.

Baset i putim takis long flai in/ flai aut (FIFO) na apim royalti peimen na maining industri i mas peim kos, maski em i wokim gutpela profit o nogat.

Dokta Moramoro i tok antap long ol dispela takis, industri bai i peim moa takis gen taim gavman i kamapim VAT neks yia.

Em i tok maining sekta yet bai i peim K19 milion bikos aninit long VAT i nogat sekta bai i abrusim takis.

Kikkbek bilong ol dispela nupela takis, maining na petroleum industri bai i peim moa takis we inap long K40 milion insait long wanpela yia.

Dokta Moramoro i tok semba i luksave long hevi long sait bilong mani we kantri i bungim tasol ol dispela nupela takis bai i mekim les ol nupela ausait lain husat i laik kam insait long kantri Ina wok resis insait long maining na petroleum bisnis, tingting long salim ges ausait long kantri, Ramu nikel-kobal projek, Frieda kopa na gol projek na Morobe gol projek. Em i tok takis long flai in/flai aut i panisim ol risos sekta na bai i kamapim planti tingting nogut namel long ol kampani na ol wok manmeri.

Em i tok dispela bai i karamapim ol asples PNG na ol ausait wokman wantaim bikos ol bai i katim takis long ol balus tiket we ol i save givim ol bilong go long fil malolo i go long ples na go bek gen long wokples.

"Gavman i bin oraitim pinis pasin bilong flai in/flai aut na em i stap pinis insait long projek agrimen. Nau gavman i

laik putim takis i go antap gen na kamapim hevi long samting we ol i pasim tok long en olsem hap bilong projek operesen, "Dokta Moramoro i tok.

Em i tok FIFO takis em i no gutpela.

"Ol wok manmeri i save go long ples long lukim ol famili bilong ol

Em i no wanpela samting we ol wok manmeri i save kisim nating antap long pei bilong ol na gavman i putim takis long em," Dokta Moramoro i tok.

"Baset bilong dispela yia i luksave olsem maining na petroleum bisnis long kantri i wok long bungim hevi bikos

pe bilong gol, kopaa na wel i stap daunbilu.

Sapos gavman i laik lukim nupela invesmen long wel, ges na ol arapela samting i stap insait long graun, em i mas strongim industri na i noken taksim em i go dai," Dokta Moramoro i tok.

## PNG gat K4 bilion dinau long bekim

### YAKAM KELO i raitim

DINAU bilong Papua Niugini i sanap olsem K4 bilion nau. Dispela dinau i bin kamap long Independens taim i kam inap tude we kantri i wok long kisim dinau mani i kam long ovasis, Wol Beng na Intanesenel. Moniteri Fan (IMF).

Minista bilong Treseri na Kopret Afeas, lairo Lasaro i tokaut long dispela insait long 1998 baset ripot bilong em olsem kantri i mas traim long daunim dispela dinau i kam daun. Long daunim dispela dinau, kantri i mas strongim long sevim mani bilong olgeta wokmanmeri na bilong ol gavman sekta, Mista Lasaro i tok.

Em i tok gavman i save traim long daunim pasin bilong em long askim long helpim bilong IMF na Wol Beng na arapela ovasis beng. Gavman i save traim long yusim gut ol dinau mani ya long wok we i ker kamapim kaikai olsem long ol invesmen program.

Mista Lasaro i tok wok na developmen i mas kamap gut. Ministri bilong mi i laik lukim olsem ol plen bilong yusim mani long bihain i mas gat longpela plen bilong en long kamapim samting i go moa na strong we i ken soim tru olsem mani i go na wok i kamap.

Mista Lasaro i tok kantri bilong mipela long PNG i wok long pundaun long ol hevi bikos mipela i wok long kisim ol helpim i kam long tingting na save bilong man bilong graun na i no long gutpela tingting na save i kam long God.

Tasol wantaim gutpela helpim na strong bilong God long yumi, kantri i mas kamapim ol dispela samting:

- Kantri bilong yumi i mas kantri bilong kamapim ol samting, na
- Yumi mas sevim mani na kamapim gutpela sindaun na amamas long kantri.

Sapos yumi bihainim dispela kain rot, mipela ol Papua Niugini manmeri bai kamap gut na i gat ol gutpela samting, Minista bilong Treseri na Kopret Afeas lairo Lasaro i tok.

## Ples balus menesmen ejensi long lukautim Jacksons epot

### VERONICA HATUTASI i raitim

NUPELA Jackson's intenesenel ples balus long Mosbi i bin op long dispela wik.

Ples balus i gat long em domestik na intenesenel teminol. Projek i bin kostim K120 milien na i bin kisim 13-pela krismas long wokim. Gavman bilong Japan i bin givim dispela mani long nupela teminol.

Praim Minista Bill Skate long taim em i opim teminol i tok gavman bai i kirapim wanpela ples balus menesmen atoriti long lukautim ol samting i stap long teminol na long Pot Mosbi ples balus.

"Ejensi bai i wok olsem wanpela han long pulim mani," Mista Skate i tok.

Projek i bin kisim 13 yias long pinisim. Insait long dispela taim, pe bilong projek i go antap na i bin gat sampela hevi long sait bilong peimen.

Mista Skate wantaim ambasada bilong Japan Yasuhide Hayashi i bin katim ribon long opim nupela teminol.

Mista Skate i bin givim bikpela tok tenkyu i go long ol pipel na gavman bilong Japan bilong go hetim wok pren na givim sapot io kam long PNG.

Ambasada Hayashi i tok nupela intenesenel temonol bai i givim gutpela piksa bilong PNG i go long ol turis husat i kam insait long kantri na dispela bai i strongim wok bilong turisim long PNG.

Planti bikman we i gat long en ol stet minista, ol bikman i makim ol foren embasi na ol arapela bikman long kantri i bin stap long opening.

Planti singsing na danis grup long olgeta hap bilong kantri i bin putim kamap ol stail bilong ol long amamasim dispela de.

Kandim bilong ol opisel ges na pipel husat i bin stap long opening i abrusim 1,500 pipel.



**APEC i bung long Mosbi...** • Siameri bilong wanpela miting bilong APEC, Kalsom Rahman i toktok wantaim depyuti Praim Minista na minista bilong Tred na Industri, Michael Nali bihain long minista i bin opim dispela bung bilong APEC membas insait long Mosbi. Dispela miting em i bilong APEC misins bai luksave long strongim wok bilong ol liklik bisnis insait long Papua Niugini. Photo: Ivan Bayagau.

# Mirakel bebi i no kisim bagarap taim strongpela raunwin long Amerika

*...tasol em i hangamap long diwai*

Kissimmee, Florida Amerika:

STRONGPELA raunwin i bin kamap long stet bilong Florida, Amerika las wik we i bin kilim 38 pipel. Planti arapela piel, haus na ol samting i bagarap long dispela raunwin. Ples ol i kolim long Kissimmee i kisim bikpela bagarap tru.

Strongpela win ya i karim planti manmeri na pikinini i lusim graun na i plaim ol long ea, sampela long ol diwai na ol arapela ples longwe long hap ol i stap long en.

Dispela em stori bilong wanpela liklik bebi we strongpela win i pulim em long han bilong papa na karim em i go antap long wanpela diwai. Tasol bebi husat i gat 18-pela mun i no kisim bagarap.

Strongpela win i karim Jonathan Waldick long bet bilong em na karim em 15 mita longwe long bet na tromoim em long 1.5 mita pipia we i pas long as bilong diwai oak. Liklik bebi ya i gat 18-pela mun tasol.

Bihain long hatwok na wari i kilim ol, bubu na ol neibas i painim Jonathan. Rot ol i lukim em em wanpela leg bilong em i kamaut long ol pipia tasol em i stap laip yet bikos ol i lukim em i kik nabaut. Ol i painim em insait long liklik matres bilong em na i karamap yet long pepol straip betsit bilong em.

Strongpela raunwin bilong las wik i bin karim narapela bebi husat i gat 18 krismas tu long han bilong papa bilong em. Tasol dispela bebi i dai.

Tasol Jonathan i no kisim bikpela bagarap. Em i kisim tupela liklik sikirap tasol long bodi bilong em.

Famili na hauslain bilong Jonathan Waldick i kolim em "Mirakel bebi". Na ol i kolim dispela hapwe strongpela win i karim na putim em long "Mirakel long 1400 Fea Oaks."

Longpela bilong Jonathan em i 91 sentimita. Na mak long hevi em 17 kg. Stori bilong em olsem lukaut bubu bilong em i tokim i go olsem:

Bebi Jonathan wantaim susa bilong em Destiny husat i gat foapela krismas i save stap wantaim bubumeri bilong ol, Shirley Driver. Bubu i gat 68 krismas. Em i lukautim tupela bikos papamama

bilong tupela i gat hevi.

Tupela wantaim bubu bilong ol i save stap long strit ol i kolim long 1400 Fair Oaks Avenue, ausait tasol long Kissemmee siti, Florida.

Destiny na bubu bilong em i slip long wanpela rum taim bebi Jonathan i slip long narapela rum em yet.

Bihain long taim bilong slip long Sande nait, bikpela raunwin i stat. Bubu Shirley i tok em i harim nois na pairap bilong bikpela win na em i save olsem dispela em raunwin ya. Win i strong tru na i laik karim haus.

"Mi pulim Destiny. Win i karim wol long haus na ruf i kamaut tu," Shirley i tok.

Maski Destiny i pilim pen long bubu bilong em i holim pasim em, em i no nap larim em i go.

Bikpela win i bagarapim haus na bikpela ren i pondaun tu. Shirley na liklik Destiny i sanap lukluk na bubu i holim pas yet Destiny. Tupela i painim bebi Jonathan nau. Em i lus long strongpela win ya.

"Mi mas painim Jonathan," Shirley i singaut long win i tok.

"Mi mas painim em. Mi laikim helpim long painim em," Shiely i singaut olsem na sampela neiba i kam, Steven Vernelson wantaim.

"Mi lukluk long olgeta hap wantaim wari. Mi no wari sapos mi katim lek bilong mi. Mi laik tasol long painimbnebi Jonathan. Tasol mi no nap," Shirley i tok.

"Bihain long samting olsem 30 minit, Steven i lukim liklik hap lek long diwai oak. Mipela i lukim em i slip gut insait long liklik matres

bilong em. Pastaim em i no muv liklik na mipela i ting olsem em i dai.

"Bihain em i seksekim lek bilong em. Em i stap laip na mi amamas," Bubu Shirley i tok.

Ol i kisim em i go long haus sik wantaim wari tasol Jonathan i orait.

"Em i bin gat mejik kapet raid tasol em i no save," ankel bilong em Delbert Gassert i tok.

Long apinun bilong Februeri 24, Shirley i go bek long ples we haus bilong em i bin stap long en. Em i lukim tasol ol bagarap na haus bilong em i no moa stap nau. Olgeta i pondaun. Tasol em i lukim hap we ol i painim Jonathan long en.

Em i painim susa bilong em Janice husat i stap klostu na ol i sekan long soim amamas olsem ol i stap yet na ol i no kisim bagarap long birua we i bagarapim planti pipel na ol arapela samting.

Shirley i lukluk na i no bilipim olsem longh namel bilong ol bagarap ya, Jonathan i no bin dai.

Ol hauslain na sampela arapela pipel i kam lukluk raun long ples we ol i bin painim Jonathan long em.


Matres na betsit i stap yet long as bilong diwai oak. Yu no inap long lukim tumas as bilong diwai bikos ol pipia we strongpela win na ren i pulim i pulap i stap na karamapim hap, ol samting we win i bruki na bagarapim long haus na ka bilong Shirley we win i bagarapim wantaim ol arapela samting. Tingim, man o meri o pikinini i stap laip bihain long bikpela birua olsem.

"Mi ting olsem Bikman i gat spesel plen long dispela liklik manki," Janice i tok. "Mi bilip strong olsem God i gat spesel plen."

Klostu long hap, ol pelapa singsing rekot bilong Shirley i stap wantaim ol arapela samting we i bagarap long birua ya. Na wan-

pela bilong ol em rekot singsing bilong Raket Evanjelistik Pati, wanpela singsing gospel grup.

Namba wan singsinglong album ol i kolim long "Oh Lord, You've been so Good to Me.



• Strongpela raunwin i kamapim bagarap long Kissimmee, saut long Orlando siti, Florida long Amerika.

## Japan i kamap namba wan long wokim nupela kain aisbokis we i save toktok

Wanpela kampani long Japan bai i salim aisbokis i save toktok.

Matsushita Refrigeresen kampani bilong Japan i tok em i kamapim nupela aisbokis we i save toktok. Na em bai i salim long maket klostu taim.

Kampani i tok em bai i stat salim aisbokis long mun Me bilong dispela yia.

Aisbokis ya bai i wokim ol kain toktok long mekim ol man i keful long yusim na lukautim em. Em bai i autim ol hap toktok olsem "dua i op" na "lukaut noken pulapim mi wantaim planti samting tumas."

Ol i putim wanpela maikrokomyuta we i save kontolim ol samting long dispela nupela aisbokis we i save toktok. Em i gat tripela dua na ol arapela mnoa

samting long en.

"Olgeta nupela aisbokis em ol i mas olsem", Matsushita Refrigeresen kampani i tok. Wanpela long ol dispela nupela aisbokis bai i kostim A\$4,720 na em i mak long kalap i go long nupela 21st senseri.

Sapos aisbokis i gat hevi, em yet bai i wonim ol papa bilong ol long

toksave hariap long ol lain i save fiksim masin ya

Matsushita Refrigeresen em i han long bikpela ielektrikol kampani long wol, Matsushita Ilektrikol Industriel Kampani Limited. Em i bilong Japan. Kampani ya i tingting long salim 5,000 yunit long ol aisbokis ya insait long wanpela mun.

### WANSOLWARA NIUS

#### Pot Villa, Vanua<sup>1</sup>:

Tupela obseva bilong Komonwel i stap nau long Vanuatu long moniterim ol wok bilong nesanel jenerel ileksen insait long kantri. Nesanel ileksen long Vanuatu i bin stat long Mas 6 las wik.

Foren Afeas opis long Vanuatu i tokaut long tupela bikman olsem Kosi Latu na Dokta Michelle Forster. Ol i save wok wantaim Komonwel Seketeriet long London.

Kantri i bin singaut long helpim na was bilong ol Komonwel obseva bikos ol i no laikim bai ol paul pasin i kamap long taim bilong nesanel ileksen long kantri. Olsem Presiden

Donald Kalpokasd i rait long Komonwel na ol i salim tupela man i go long mekim dispela wok long Vanuatu.

#### Palau:

Palau wanpela liklik ailan kantri bilong Maikronesia insait long Pasifik i kamap olsem top ples bilong daiv long en insait long Pasifik na Indian Osen rijon.

Wanpela ripot long megesin, Rodale's Scuba Diving megesin i autim olsem.

Long ol 9-pela kantri, Palau i bin kamap namba 5.

Palau i stap 800 mail longwe long Guam na 700 mail longwe long Filipins.

Em i bin kisim namba wan prais long "Bes Wal Diving, namba tu long "Bes Fis laip na "Bes Animol laip. Na namba tri long overol na halties marin envaironmen. Samting olsem 8,000 skuba daiva rida bilong megesin ya i bin stap insait long dispela wok painimaut na ol i makim Palau olsem wanpela top ples bilong skuba daiving.

#### Honiara:

Join delegesen bilong Yuropien palamen na Afrika, Karibien na

Pasifik i bin stap long Honiara las wik long kisim save long ol wok bilong painim gutpela sindaun long Bogenvil.

Ol i bin go long Honiara bilong toktok wantaim Praim Minista Bart Ulufa'alu na ol arapela gavman lain bilong kantri long skelim na diskasim wantaim ol rot we Solomon Ailan i helpim PNG long daunim hevi long Bogenvil.

Dispela wokabaut bilong grup i go long Solomon Ailan i givim sans long bungim Yuropein Yunien misin long Honiara na skelim na kisim save ol progrem bilong gavman na rot we em i yusim ol developmen

fan Yuropien Developmen fan i givim.

#### Suva:

Australia bai i givim moa long US\$ 264,000 bilong trenim ol Pasifik Ailan niulain long dispela yia. Hai Komisina bilong Australia long Fiji, Greg Urwin i bin tokaut long dispela projek insait long wanpela bung long Suva na AusAID Pasifik Midia Trening Projek edvaiseri grup i tok oraitim.

Trening projek we dispela mani bai i helpim i karamapim ol progrem bilong PINA, Pasifik Ailan Nius Asosiesen.

# LAIPTAIL

## KANAGE

"Em nau, narapela wik bilong mi ken"



• Kanage na pikinini meri laik go long MBA Kantri Alotau. Tasol tripela taim ol i bin surukim ron bilong balus. Kanage ino wanbel, na laik go long haus. Sem taim em harim wanpela toksave olsem, wanpela spesel ron bilong balus i redi long go long Gurney.

Hariap tru dispela kum katim na sais 28 pikinini meri bilong Kanage siksti go long kaunta na tokim wanpela wokman olsem. "Eewaaa my brother, that one how, but this one is ooleediii... tri taim, red na ready. Taim baga man ya harim op kat inglis bilong Samatex, em smail tasol na tokim tupela long go sanap long get namba wan.

**Nick Uliowa,  
GORDONS.**

• Kanage i lapun liklik na man bilong lotu. Long lotu Kanage harim pater i tok no ken kilim narapela man, no ken tok nogut, no ken stil na kain pasin olsem

Wanpela taim Kanage wan sait nogut tru taim em karim wanpela paiawut kam daun long haus. Long namel long rot em kamap long wanpela gaden i gat planti tomato na kukamba i redi i stap. Wanpela traipela kukamba i bagarapim Kanage olgeta na Kanage go putim han long rausim na kaikai. Taim em tingim gen tok bilong pater, no ken stil, em lusim kukamba gen na tok "Satan mi giaman yu tasol", na wokabaut go daun long haus hangre wantaim.

**Zorro Tea,  
WAIGANI.**

• Kanage wantaim ol poro i go long painim wel pik long bus. Kanage i gat wanpela liklik blakpela naispela dok na em pulim wantaim na ol i go. Ol i go kamap long ples bilong painim wel pik nau, na Kanage wantaim 2-pela poro sindaun long het blong maunten. Samepla lain go long hap sait na sampela long narapela sait maunten. Ol sindaun i go, na Kanage lukluk igo na lukim liklik blakpela dok bilong em bihainim rot blong welpik i kam. Ne em ting welpik na holim gan hait i stap. Kanage lukim pinis na em ino wet, nogat, hariap tasol em singaut strong tru long gan man oe oe. Taim gan man harim-oe oe em redi long sut. Kanage singaut gen .. oe oe pik i kam pik i kam. Taim man ya husat i holim gan i harim Kanage singaut em i paia no dok flai antap tru na pundaun long hap we gun man sindaun. Taim dok flai go antap Kanage luksave pinis olsem em dok blong em. Em stat karai long het bilong maunten na go long hap we gunman sindaun na tok em yet asua na naispela dok bilong em i dai pinis. Ol planim dok na go bek long ples.

**Geng Kwaski,  
LAE.**

• Kanage bilong Maprik. Wanpela de Kanage painim abus i go long bus na em lukim wanpela rot olsem rot bilong pik. Kanage lukim olsem na em digim hol long namel bilong rot. Em digim pinis, na em katim sampela lip, karamapim na em go long haus. Em slip kirap long moning, kisim dok bilong em ol i go long dispela hol. Long rot Kanage pilim pekpek. Taim em pekpek pinis, em hariap pulim trausis igo antap na em lus tingting long klinim as bilong em. Em givim siksti igo long sekim hol. Taim em go kamap long hol, dok bilong em wok long singaut na lukluk igo daun long hol. Kanage ben daun na lukluk igo daun long hol istap. Dok bilong em smelim smel bilong pekpek i kam aut long as bilong Kanage. Man, tek kalap tasol ino givim sans. Taim dok i laik kalap na kaikai pekpek em givim gut wan long as bilong Kanage na kateage sut igo insait long hol. Insait long hol ya, traipela moran bilong kaikai ol man i slip insait. Dok bilong Kanage i weit igo na em apinun pinis, olsem ne em ron i go bek long haus. Misis Kanage sindaun igo ne em lukim dok i ron i kam na em askim dok, "Kanage we? No dok tanim tel and lukluk go long bus. Misis Kanage wet igo biknait pinis olsem na em go slip. Long bik moning tru, em kirap kisim dok na ol igo painim Kanage. Dok i ron go pas na sanap lukluk i go daun long hol. Misis Kanage igo na i laik sanap lukluk i go daun em lukim Kanage wantaim snek i pait i stap. Em tanim bek, ron igo long haus, tokim ol man na ol i ron kam long kilim snek. Taim Kanage kam antap em no wet, em kilim dok wantu.

**Luke Kapondo, BIALLA, WBNP.**



• Olgeta de planti pipel long Mosbi save go salim ol botol. Liklik manki ya i was i stap long ol botol long taim mama i go bungim moa.

## Stail bilong ol liklik pikinini i moa yet

### MASTA WAI i raitim

OL liklik pikinini i save gat planti samting long olgeta de. Wanem samting ol i lukim o kisim, ol i mas mekim sampela kain wok o pilai. Nogat wanpela de bai yu lukim ol liklik pikinini i sindaun malolo o slip isi long haus, waswas na sindaun long haus tasol. Ol i mas raun ausait na mekim sampela samting we yumi bikpela manmeri i no save tingim long mekim.

Mi stap long wanpela hap banis we i gat planti liklik pikinini krismas bilong ol i stap namel long 6 na 9. Na olgeta de, mi save lukim olsem ol i mas mekim sampela kain pilai o stail bilong ol yet. Taim ol i mekim na ol i ting i gutpela, olgeta bai joinim na mekim dispela samting.

Olgeta de, ol i mas kros, wanpela o tupela i mas krai, wanpela o tupela i mas kisim wari, tasol olgeta de bai ol i stap wantaim na pilai wantaim yet.

Ol pikinini i no save wari olsem ples i pulap long das o doti. Maski ples i pulap long ol sap botol o tin nabaut, ples bilong snek o binatang nogut. Ol i no inap kea long dispela na ol bai i go het yet long raun long dispela hap.

Planti taim papamama i mas bikmaus, o paitim ol liklik long ol i no ken bikhet tumas, o noken mekim o' krangi pasin. Tasol tumoro, ol i stap gen long dispela hap we papamama i tambu long en.

Mi save gut long wanpela liklik pikinini bilong wanpela brata bilong mi. Krismas bilong manki ya em 5. Dispela manki i no manki bilong kaikai taro o kaukau. Sapos yu sevim rais long plet, em bun bilong em stret. Taim em i raun i go long haus bilong tumbuna bilong em, bai em i no inap go insait long haus yet. Em bai sanap ausait na singaut, "bubu, yu kukim wanem?". Na sapos tumbuna bilong em i tok, kaukau; boi nogut bai isi tasol tekov i go pinis. Sapos em i hangre nogut tru, em bai sekim ol haus. Sapos papamama bilong em i kukim kaukau o taro, em bai go ausait na raun i go long narapela haus. Em bai sekim haus bilong ol

ankol o anti na sapos ol i kukim kaukau na taro samting, em bai lusim haus na go gen. Las haus em save sekim em haus bilong bubu bilong em. Sapos em i kam long haus bilong bubu na wankain kaikai i stap, man nogut bai giaman holim bel bilong em pundaun tanim tanim long flo na tok bel bilong em i pen.

Olgeta manmeri i save long pasin na trik bilong boi nogut ya olsem na ol i save traim long stretim wari bilong em taim em i kamap long haus bilong ol. Sapos em i kamap long haus na bungim rais i kuk stret long paia, man nogut bai i no inap go. Em bai wet inap rais i kuk na taim bilong skelim, bai em i kisim bikpela plet tru na go subim i go long ol i mas skelim rais bilong em. Taim em i kisim plet rais bilong em nau bai em i so op na tok, mi stap long haus kalabus tripela mun na mi safa long rais ya.

Wanpela pikinini bilong susa bilong mi tu i gat narapela kain stail bilong em. Em i gat 4-pela krismas. Em i man bilong was long bilum bilong tumbuna meri bilong em. Taim tumbuna meri bilong em i sindaun long haus kuk o stori wantaim arapela meri i stap, bai man nogut tu i sindaun long sait na was tu. Taim wanpela liklik pikinini bilong ol brata, kandre o anti nabaut i kam klostu long bilum bilong bubu meri, bai man nogut ya i bikmaus na tok, bubu lukaut, ol man bai stilim mani bilong yu ya. Taim mipela ol bikpela manmeri i sindaun klostu wantaim mama bilong mipela, bai man nogut ya i kros na rausim mipela. Em bai krai na rausim mipela long mipela mas sindaun longwe long lapun meri.

Bikpela tingting bilong liklik manki ya em olsem. Em i save ting bubu meri i gat planti mani long bilum bilong em. Na dispela mani em bilong em tasol long baim ol sispop o dring bilong em. Olsem na ol man i no ken sindaun klostu. Nogut bai ol i stilim mani bilong em. Narapela bikpela tingting bilong em i olsem, em i save ting lapun meri i no mama bilong mipela. Em i mama bilong em wanpela tasol.

I gat wanpela liklik boi tu, sapos em i sindaun insait long

haus na kaikai na harim ol liklik pikinini i mekim nois long ausait, em bai kwiktaim lusim wanem samting em i mekim long haus na kalap long haus i go ausait na tekov pinis. Bai yu lukim em i joinim ol manki na ol i pilai i stap. Sapos yu singautim em long kam, em bai tok, wet liklik. Tasol dispela wet liklik bai longpela taim tru na papamama i save bel kaskas na go paitim em. Maski em i go bek long haus, sapos em i harim nois bilong ol manki gen long ausait, baga nogut bai kalap long haus gen na lus pinis. Sapos papamama i pasim em long haus, em bai giaman go long toilet na bihain saitim arere long toilet na go pinis.

Wanpela liklik boi em man bilong bungim ol kain kain pipia nabaut i kam bungim long haus bilong ol. Hap kapa, bun bilong olpela toi ka o hap rop samting, bruk hanbek na ston o botol nabaut. Haus bilong ol olgeta taim i mas gat sampela kain pipia i stap. Maski em i raun wantaim papamama long rot na

lukim wanpela samting i gutpela long ai bilong em, man nogut bai kisim tasol na karim i go long haus. Wanpela taim man nogut i painim wanpela bun bilong kau ol dok i kaikai na istap long rot. Kas nogut i kisim dispela bun bilong kau na karim i go long haus. Ol papamama bai kisim ol dispela pipia na go tromoi, tasol i no longtaim, bai nupela pipia i kam gen.

I gat wanpela liklik meri tu em meri bilong kaikai buai stret. Em bai kaikai buai i go ret na raun spetim arere long haus. Taim papamama i givim em wanpela 20 toea, em i baim buai pinis. Maski em i gat olsem K1. dispela mani bai pinis nating long buai. Papamama i save krosim na paitim em tasol em bai hait na baim buai na kaikai yet. Sapos em i laki long i gat sampela mani, em bai haitim gut tru. Taim papamama i no lukim, em i go pinis na baim buai na kaikai ausait i stap.


Olsem mi tok pinis, ol pikinini i gat kain kain stail na pasin bilong ol. Sampela pilai o samting ol manki i mekim em yumi ol bikpela manmeri i klia bikos yumi tu i save mekim long bipo taim yumi liklik manki olsem. Tasol sampela pilai o stail bilong ol em yu no inap save bikos ol i kamapim nupela stail na pilai bilong ol.

Planti pikinini long taun i gat ol kain kain stail na pilai bilong ol bikos ol i lukim ol kainkain pilai na stail bilong taun na ol i bihainim. Olsem sampela kain pilai long televisen na arapela pilai nabaut long skul o rot.

Ol manki long ples em planti pilai na stail bilong ol em olpela we planti bikpela manmeri long nau i save mekim bipo. Tasol wanpela o tupela nupela stail i save kamap bikos ol i save kamap wantaim ol nupela tingting na save.

Ol pikinini i stap na yumi ol bikpela manmeri i save harim ol nois na pairap long haus na banis bilong yumi olgeta de. Ol pikinini i stap na yumi gat nois we i soim olsem ol man i stap. Ol pikinini i stap na ples i gat amamas na ai bilong ol bikpela manmeri tu i op na ol i stap.

Kain kain stail na pasin bilong ol manki i save mekim yumi ol bikpela manmeri i toktok, lap na sampela kain eksen we i kamapim laip long sindaun bilong yumi. Ol pikinini i stap na haus bilong yumi o hap yumi stap long en na ples bilong yumi i gat amamas olgeta de.



• Ol manki i save gat kainkain pilai bilong ol.

# Mama karim 7-pela bebi

Mama Saudi Arabia karim sevenpela bebi tasol em no laik karim ol i go long haus inap em i kisim helpim.

**W**ANPELA mama bilong Saudi Arabia long Midel Is i bin karim 7-pela bebi (o long Tok Inglis ol i kolim ol long septulets).

Nau ol i gat 7-pela wik. Ol i stap yet long haus sik. Mama ya i tok

em i no inap long karim ol bebi i go long haus inap em i painim sampela lain bilong helpim em lukautim ol na tu long sait bilong mani.

"Mi wanpela tasol. Mi no inap long lukautim planti bebi mi yet. Mi no inap long kisim ol i go long haus inap mi kisim

helpim," Hasna Mohammed Humair, mama bilong 7-pela bebi i tok long telipon. Humair i bilong Abha siti long saut Arabia.

Taim em go klinik, ol dokta i bin tokim em olsem em i gat bel long foapela bebi. Tasol em i tok em i no plen long

karim planti pikinini olsem 7-pela. Mama i wok long kisim marasin bilong daunim hevi we em i gat long sik bilong ol meri taim em i bel na karim 7-pela bebi.

Humair wantaim man bilong em na 6-pela pikinini i stap long tu betrum haus bilong ol. Wantaim 7-pela nupela bebi, em i gat 13 pikinini olgeta nau. Man bilong em, Abdullah

Mohammad Ali wantaim 55 krismas em i ritaia long wok olsem wanpela pablik sevan. Nau em i save wok olsem wanpela teksi draiva na kisim A\$1,572 pe insait long wanpela mun.

Foapela long ol 7-pela bebi i redi long go long haus na haus sik i mekim strongpela tok-tok long toksave long plis sapos papamama i no kisim ol bebi i go

kwik long haus.

Ol septulets ya em mama i karim ol 8-pela wik bipo long taim bilong ol. Oldokta long Abha materiti wod we mama i karim ol septulets ya i tok neseri we ol i lukautim ol bebi i pulap. Ol i tok long neks wik, papamama i mas kisim olgeta bebi i go long haus.

Humair husat i gat 6-pela pikinini pinis i save go long haus sik olgeta de long lukim ol pikinini bilong em. Em i trai hat long lukautim 7-pela bebi bilong em.

Tasol em i tok em i save tasol long lukautim wanpela pikinini long wanpela taim na i no planti long sem taim. Em i tok em i krai taim ol i lusim em wantaim 7-pela bebi bilong em.

"Mi traim long susuim wanpela bebi na wanpela long ol bebi boi i lukluk strong na singaut krai. Em i no inap long stop. Narapela i pispisim nepi bilong em na mi no save long mekim wanem samting nau na mi krai tasol," Humair i tok.

Humair i tok haus sik i no mekim wanpela samting long askim

bilong em we em i laikim ol long salim wanpela meri long helpim em long lukautim ol bebi.

"Mi nap kisim ol bebi i go long haus tude sapos haus sik i salim wanpela lain bilong ol i kam wantaim mipela long haus. Mi laikim ol pikinini bilong mii kam long haus," Humair i tok.

"Mi no baim ol blanket o wan wan bet bilong ol," Humair i tok.

Long mun Septemba las yia, narapela mama bilong Saudi Arabia i bin karim 7-pela pikinini tasol 6-pela i dai. Na wanpela tasol i stap laip.

Long mun Novemba, wanpela mama bilong Amerika, Bobbi McCaughey i bin karim 7-pela bebi long Iowa na olgeta pikinini i stap laip tude.


Laspela tupela pikinini em ol i karim ol i go long haus sik long dispela mun tasol. Siksti voluntia bilong lukautim ol bebi i save wok sift long haus bilong McCaulhay famili long Carlisle, Iowa we i gat tripela betrum long em.

## 96 FM YUMIFM

# Redio Stesen bilong yumi yet

Harim olgeta gutpela program long **93FM YUMIFM**

\* Olgeta lokol sing sing, na ol musik bilong bipo yet.



- \* PNG MOTORS - Prais bilong kes krop.
- \* YAMAHA - Provinsel weda ripot.
- \* BSP - Liklik bisnismen ripot.
- \* PEPSI - Lunch hour rikwest.
- \* CITY PHARMACY - Lukaut bilong bebi
- \* POST (PNG) - Ron bilong ol sip.
- \* ELA MOTORS - Kantri kaundaun.
- \* AMERICAN - Gol.
- \* SANDE - Gospel so.

Em rait Redio Stesen ikamap pinis, harim long tok ples bilong yumi yet, **93FM YUMIFM**

**SALIM RIKWEST I KAM LONG:  
YUMIFM Rikwest, Locked Bag 93,  
Port Moresby, NCD, Fax: 320 1995**

**PNG FM PTY. LTD.**

**TRADING as NAUFM and YUMIFM  
P.O. Box 774, Port Moresby, Papua New Guinea  
Phone: (675) 320 1996 Fax: (675) 320 1995**



• Meg Taylor (lephan) na Henry Smith (raithan) i givim ol buk i go long skul kepten Bogana Sabadi na Siaman bilong Skul Bot, Goya Ebia. Poto - Wally Ainui.

Mek Taylor i givim ol buk long tupela skul

TUPELA SKUL long Goroka i kisim sampela laibreri buk long ol pipel bilong Amerika.

Mis Mek Taylor, husat i bin makim gavman bilong PNG long Amerika bipo, i bin givim ol dispela buk i go long Not Goroka Demonstratsen skul na Okiufa praimer skul.

Long taim Mis Taylor i bin stap long Amerika, em i bin bungim Rod na Suki Wagner husat i wok long givim ol buk i go long ol skul Ing Soweto, Saut Afrika. Orait Mis Taylor i askim sapos ol inap long givim wankain sevis long ol skul long Papua Niugini.

Ol i bin tokorait long dispela askim na ol i salim namba wan kontena wantaim ol buk i kam kamap long Lae las mun. Ol lain bilong Morobe Roteri i bin helpim long long rausim ol kago long sip na ANGCO i bin karim ol buk i go antap long Goroka.

Henry Smith, memba bilong Goroka na edukesen edvaisa Tony Fova i bin stap long liklik bung we Mis Taylor i givim ol buk i go long Not Goroka Demonstratsen skul.

Skul kepten Bogana Sabadi i tok tenk yu long Mis Taylor.

Em i tok ol studen i amamas long yumisim ol dispela nupela buk long helpim ol long skul na kisim save.

# KANAGE



• Long namba tri yia nau na Kanage ibin go stap long Ostrelia long kisim Mastas Setifikeit bilong em long bihain emi bin greduet na kisim figri bilong en long UPNG oslem akaudent na inap long tupela yia em i bin wok long Invesmen Koperesen. Em stap olsem tupela mun tasol long Ostrelia na yu save bagaman, Kanage, igat pinis sampela liklik ekspiriens long stailim ol kain tok inglis bilong em.

Wanpela wiken em ino kaikai long skul na long moning taim tru em igo raun long taun istap igo inap san kam antap. Em raun igo inap belo na em i hangre nogut tru na seim taim san ino isi long hatim em tu.

Taim Kanage sanap istap em troimoi ai na em lukim wanpela ples bilong kaikai i stap long hap-sait bilong rot. Bagaman Kanage ino givim sans, emi givim siksti igo tasol na pusim dua strong na em igo insait. Taim ol sampela waitman na wait-meri lukim olsem, ol i lukluk strong long em. Em igo na kisim wanpela tebol long namel na em sindaun. Ino long taim na wanpela waitman weita ikam na askim Kanage. Excuse me, sir, may I have your order please. O-O! Yes sir. Hangre tu pamim Kanage wansait na em ino weit long givim oda bilong em long dispela weita na em i spik long kain fensi inglis bilong em olsem. I want one seawis, not weri hat, o not weri kol, but right in the group. I also want one kap of coffee, not weri hat, o not weri kol, but right in the group.

Man! Taim dispela weita i harim olsem em paul olgeta long dispela tok Kanage i mekim na em ino askim Kanage gen long kliaim mining bilong dispela stail bekim bilong Kanage. Na weita ya kwiktaim kisim oda bilong Kanage na go givim sif kuk husait sanap insait long kitsen istap. Taim ol arapela wait man/meri harim dispela bekim bilong Kanage ol tu ino klia na ol i no bisi long lukluk strong long Kanage gen.

Taim Kanage lukim olsem ol i no moa lukluk long em, em yet ting oslem ..ating mi givim wanpela narakain na strongpela inglis long ol na ol hat long save long mining bilong dispela bekim bilong mi. Ino long taim, sif kuk na dispela sem weita i bin kisim oda bilong Kanage pastaim wok-abaut ikam long kanage. Taim Kanage i lukim olsem tupela ikam long we em sindaun Kanage ful smail tru long tupela na sindaun istap.

Taim tupela kam klostu long Kanage sindaun istap long en. Man! Weita ino sem long ai bilong ol wanskin manmeri bilong en i sindaun istap. Em ben daun na rausim trausis long pes bilong Kanage na soim as bilong em long Kanage. Taim em mekim olsem sif kuk ya kirap na tok olsem long Kanage. Come and kiss my ass, not on the right side, not on the left side but right in the middle.

Aiyo! taim olget waitman/meri lukim na harim olsem ol ino isi long lap. Tarangu, Kanage i sem nogut tru na em i kirap na wokabaut go ausait.

## Paul Qemang, FINSCHHAFEN, MOROBE PROVINCS.

• Kanage bilong Dainol na wanpela kampani fot-nait Fraide em sanap arere long Banz maket banis i stap na tromoi ai long lukim ol yangpela smatpela meri i raun i go kam.

Em sanap igo na lukim wanpela yangpela meri bilong Keps Soul Ice Bakatap i kamait long Ais Trading.

Kanage pulim gut win tru pinis bilong em. Taim meri ya i kamap klostu, Kanage opim maus na tok ... Hey! bos mi laik holim yu liklik ya," taim meri Keps Soul ya harim em tanim na tok "barata, traipela san hat na yu laik kisim wanem samting tru ya.

Yu wet mi go tokim man bilong mi pastaim. Taim Kanage harim olsem em rausim wantu sendol long lek na siksti long dispela hap kolta igo daun long Kilip na lus olgeta long bus.

## MEK DU RASTA, BANZ, WESTEN HAIENS PROVINCS.

■ Lukim moa tokpilal long pes 14

# Kantri i ken lukluk long tren olsem wanpela rot bilong trenspot



• Michael Pearson, ko-raita bilong buk.

## VERONICA HATUTASI i raitim

PABLIK trenspot em i wanpela bikpela samting long rot bilong i go i kam insait long kantri. Ol bikman i bin luksave long dispela bipo yet insait long kolonial taim.

Nau yet i gat tripela rot long pipel i go i kam long wanpela hap na go long narapela insait long PNG. Bikos PNG em i wanpela hatpela kantri we maunten na solwara i katim, em i save hat long painim rot bilong i go na i kam.

Ol pipel bilong PNG i save yusim tripela rot long i go i kam long dispela taim.

Dispela em long sip, balus na rot.

I gat narapela rot yet we i stap tasol PNG i no yusim o givim bikpela tingting long bihainim. Dispela em long relwe trenspot.

Planti bikman i ting olsem em i hat long wokim ol rot long relwe bikos kantri em i gat maunten na ailan na bai i givim bikpela hatwok long kamapim rot bilong relwe stesen. Tasol long taim bilong koloniel gavman taim Australia na Gemeni gavman i stap long PNG, ol i bin yusim relwe olsem rot long karim timba, ol agrikalsa prodak olsem sugaken, sisal, kopra na raba, ol minerel prodak na ol pasindia. Ol i bin yusim relwe insait long kantri long leit 1800 inap long 1960s.

Sampela hap long kantri olsem Sentrel provins, Oro, Milen Be, Galp, Westen, Is Nu Briten, Bogenvil na moa i bin yusim relwe long karim ol samting na tu ol pasindia.

Wanpela nupela buk we i gat stori long histri bilong relwe insait long PNG i tok ol relwe i bin helpim long developmen bilong kantri long leit 1800 i kam inap long 1960s. Na ol i

Buk i tokaut olsem i bin gat samting olsem 150 relwe insait long kantri. Ol i bin operet long ol yia 1800 inap long 1970s insait long sampela hap bilong kantri.

Long taim bilong lonsim buk ya, Vais Minista bilong Edukesen Profesa John Waiko i tok dispela buk i opim futja long bihain taim bilong relwe insait long PNG. Na em i bringim dispela samting long yau bilong Trenspot Dipatmen long skelim, lukluk na glasim bilong yusim relwe lolsem wanpela rot bilong trenspot long kantri.

Mista Pearson wanpela long ol raita ya i tok intres bilong em long relwe i bilong bipo yet, long yia 1964. Long 1978 tasol em i stat long rekotim ol samting olsem stori, piksa na ol arapela rises wok bilong raitim kamap buk "End of The Line".

Em i tok stat long dispela taim, tinmgting bilong em i kirap long mekim ol wok painimaut long wanem relwe i bin stap long kantri long ol yia i go pinis na wanem skul ol i ken givim long bildim relwe nau. Em i tok em no bin save olsem narapela man, Mista McKillop i gat wankain intres na em i wok long mekim wankain wok painimaut long relwe insait long PNG.

Mista Pearson i autim sampela poin we i tok i gutpela long PNG moa yet long Mosbi i ken lukluk long en long rot bilong yusim relwe olsem rot bilong trenspot hia na em ol long:

• Gutpela long helpim kago na pasindia trenspot. Moa long ol arapela, ka na relwe i save helpim ol pipel long dispela tupela eria. Tasol relwe i gat spes long karim moa pipel na kago na tu em i no inap long kamapim bagarap hariap long rot.

• Wok na lukautim rot bilong relwe bai i kamapim namel long 60 na 100 wok insait long wanpela kilomita rot long ol asples. Wok long stretim na karimaut ol wok mentenes long rot i no givim wok long planti asples pipel tasol kontrak i go long ol ausait lain na

dispela em taim rot i bungim bikpela bagarap.

• Ol sosel benefit we relwe i ken kamapim em seif, i no dia tumas sevis i go long pablik na sevis bai i go yet, i no inap long stop. Relwe i bringim wantaim ol pipel long difren bekgraun. Long rot trenpot, planti em ol man i gat mani na gutpela wok husat i gat ka na ol i yusim rot.


• Long relwe trenspot ol manmeri bai i skruim taim bilong ol long kisim tren. Ol i mas lukaut long sait bilong sefti na rispektim pablik propeti. Dispela ol samting em i mak bilong gutpela sosaiti we ol piple i bihainim oda long laip bilong ol na relwe i ken kamapim dispela. Dispela i helpim kantri long develop. Rot long yusim ka i save strongim ol anti sosel pasin. Planti draiva i save spak na spit drav na kamapim ol birua long rot. Das tu i wanpela bikpela hevi we ka i save kamapim long rot we ol i no silim. Relwe trenspot i daunim kos bilong trenspot long komyniti. Rot trenspot i save kamapim gap namel long ol ris na puo man.

• Rel trenspot i smut na seif winim rot trenspot. Rot trenspot em i kwik tasik i no sief tumas olsem relwe. Ron long kai gutpela sapos rot em ol i putim kolta long en.

Ol koloniel masta bilong Gemeni, ol Katolik misinari na Burn Philip kampani em ol sampela grup we i bin bildim na yusim relwe insait long kantri. Sampela long ol longpela relwe em ol lain soldia bilong Japan i bin bildim long taim bilong Wol Wo 2. Elcom i yusim yet relwe long developim na kamapim wok bilong wara ilektrik pawa insait long kantri.

Mista Pearson i tok planti taim ol bikman i putim tingting long developim relwe insait long kantri na dispela em i wanpela bikpela tingting bilong dispela buk tu. Tasol long dispela wok i kamap tru tru, i mas gat strongpela komitmen long ol lain i go pas long dispela samting.

"Mi gat bilip olsem dispela buk bai i strongim developmen bilong relwe na moden PNG sosaiti," Mista Pearson i tok.



• Ol i bilip dispela em namba wan relwe long kantri. Em i stap long Duke of York Ailan, Is niu Briten. Dispela sotpela trem i save ron long bris i go long wanpela weahaus long Sohn stesen long Mioko.

# Bas stop bilong SinaSina

YU KEN kisim ka na yu laik go long wanem hap yu laik go long en tasol yu mas kisim PMV long wanpela hap. Em long bas stap. Yu no inap long kisim PMV nating long laik bilong yu yet. Sapos yu raun long praivet kar yes, yu ken kisim ol man na meri long laik bilong yu tasol.

Yu stap long Lae na yu laik go antap long Hailens, yu mas kisim PMV long bikipela bas stop long Eriku. Sapos yu laik go long Hagen i kam daun long Simbu o Goroka, em bai yu kisim ka long men maket na klostu long Wamp NGA Motors. Long Simbu, Goroka na Kainantu, em i gat planti hap klostu long haiwe bai yu kisim PMV.

Tasol sapos yu no kisim bas o PMV long ol dispela bas stop bilong wanem yu no stap klostu orait, yu inap long kisim ka o PMV long haiwe rot yet.

Sapos yu kam long bas stop bilong Jimi, Erave, Tari, Laiagam o Gumine, yu ken kisim PMV long wanem hap yu stap long en. Long sampela bilong ol dispela ples em i isi-long kisim PMV tasol sampela hap em i hat tru. Bai yu kam slip klostu long ples we bai yu kisim ka long en. Pinis long taun na go bek long ples tu i wankain.

Ol lain manmeri husat i stap na slip arere o klostu long rot em i isi tru long kisim PMV na go long taun, tasol ol lain i stap insait long bus na long we tru i hatwok stret. Ol i save hatwork tru long wokim bisnis bilong ol.

Long wanpela eria insait long Simbu provins mi bin lukim em ol lain Sina Sina. Maski ol i tok ol i bosim haiwe na slip tasol em ol i save giaman. Em ol liklik lain tasol i save stap arere long rot na ol i tok ol i save bosim rot. Planti bilong ol i stap longwe tru long bik taun bilong ol Kundiawa.

Koge, insait long Kamtai Distrik i save kamap olsem. Bas stop bilong ol lain long Kere, Gunangi, Dinga, dom, Kepai na ol lain long Basis. Ol lain long ol dispela hap i save kam kisim PMV long Koge. Em maus rot bilong ol dispela ples.

Kain ples olsem Basis i long we tumas long Kundiawa taun. Ol liklik kaikai olsem rais, pis, sop, gris na ol narapela samting bilong laip i hat long baim. Olsem na ol i save wokabaut i kam long Koge na kisim ka. O sapos ol i lukim/painim wantok ka ol i save kam i go stret long taun olsem Kundiawa, taun bilong ol yet o sapos nogat i go long Goroka.

Taim ol i painim ol dispela samting o wokim bisnis pinis ol

i save painim ka i go bek long Koge. Em bai ol i painim wantok ka sapos taim i stap yet o sapos nogat ol i save wokabaut long lek. Sapos ol i no painim ka na tudak pinis, ol i save slip wantaim wantok long Koge na neks moning ol i save i go long ples bilong ol. Em ol lain bilong Gumangi Basis. Tasol ol lain bilong Kere, Dom, Dinga na Kebai ol i save wokabaut.

I no gat planti ka tu long dispela hap. Ol ka i stap long ol famili ka na wanpela or tupela draiva. Ol draiva em bilong ol lain long Muaina hai skul na wanpela bilong ol lain Dinga. Em ol Draiva we save gat PMV plet namba long en. Ol narapela em ol femili ka stret na tu ol i save yusim olsem PMV.

Sapos yu wetim PMV long Koge, yu bai kirap long hap pas siks. Long dispela taim em ol ka i save lusim Koge na i go long Kundiawa. Ol manmeri i save kirap pinis na kam wet long rot bung bilong Kere na Gumangi-Basis long kisim PMV. Olgeta taim PMV i go long taun kar i save pulap na ol man meri i save hangamap long sait trala. Sapos yu leit bai yu wet i stap inap ol PMV i go long taim na kambek.

Long olgeta Mande na potnait wik Fraide Koge maket i

save pulap stret. Ol pasindia i save wet inap 2-3 kilok long apinum. Dispela tupela dei i save bisi stret. Long Mande em ol lain long taun i save kam wiken long ples na laik i go bek long taun. Long Potnait wik Fride em taim long visitim ol potnait lain long taun na spin tasol long Kundiawa 4-kona taun. Long Koge yet wanem kain ka i gat enjin na i ken ron em nem ka tasol. Maski wantok ka ol i ron ol manmeri i gat tingting na ol bai givim mani long draiva long baim benzin o disel.

Long Koge maket taim ol i wetim PMV ka ol bai i go i kam na painim buai, smuk, sutim mak na kol dat, plawa na painim karamap. Tu lukim planti ol lain wantok long maket na tok pilai pani. Koge ples tu i save pulap wantaim ol man, meri na pikinini olgeta dei-Mande i go inap long Sande.

Koge maket we rot bung bilong ples Kere na rot i go long Gumangi/Basis i kamap olsem bas stop bilong ol long go long Kundiawa na sampela taim Goroka. Planti hap long kantri tu i gat sampela ples wankain olsem Koge we i save winim Lae na Hagen long sait bilong bus stop.

## KANAGE



• Kanage em bilong kol ples Goroka, na em save stap long Mosbi. Em stap long Mosbi na ino save long tok inglis. Wanpela taim em tokim tupela poroman bilong em na ol igo long wanpela hotel na sindaun long ples bilong baim bia na wetim ol waitman. Ino long taim na tripela yangpela sumatin bilong Univesiti i kam. Wanpela bilong ol i givim mani na tok long inglis olsem, three of us. Wanpela poro bilong Kanage i harim dispela hap tok inglis pinis. Ol sumatin i spak nogut tru, na wanpela bilong ol i tok long tok inglis gent olsem "It's our pocket money." Narapela poro bilong Kanage i putim dispela hap tok inglis long het bilong em. Ol sumatin pinisim laik long bia pinis na wanpela bilong ol i tok, boys lets go, na ol i go. Em nau. Mangi kol ples Goroka i putim dispela hap tok inglis long het bilong em. Kanage na tupela poro bilong em i laikim moa inglis, olsem na ol i bihainim ol yangpela sumatin i go. Tasol long rot ol i bungim wanpela man i kism bagarap long bodi bilong em. Ol i lukluk na toktok i stap na polis ka i kam na stop stret long ol, na askim ol. Husat i kilim dispela man? Poro bilong Kanage kirap na tok, three of us. Polis askim gen, husat tokim yupela long kilim? Its our pocket money. Polis belhat na tokim ol long kalap long ka. Em nau Kanage kol ples mangi kirap na tok boys lets go. Ol i kalap long polis kar na igo long polis stesin. Tarangu ol i ting ol i fit long inglis, tasol nogat inglis bilong ol i abrus na ol go na slip long sel.

Yasa Jay,

LAE, MOROBE PROVINS.

• Kanage em i man bilong lukautim ol dok stret, tasol em ino save long kisim ol raun long bus. Wanpela taim olgeta manmeri i laik go raun long bus long painim abus na ol kisim ol dok bilong ol i go. Na kanage tu kisim 4-pela dok bilong en na ol igo wantaim. Taim Kanage igo klostu long bus nau em stretim olgeta dok bilong en long 4-pela hap kona. Na Kanage yet igo namel long ol. Ino long taim ol i lukim pinis wanpela kapul i wokabaut long diwai bruk na kamap olsem bris long en. Hariap tasol Kanage salim 4-pela dok bilong en i go ausait long dispela bris diwai. Na em yet bihainim kapul igo long dispela diwai. Taim Kanage igo namel long bris diwai nau, rop sakim tupela lek bilong Kanage na Kanage pundaun krangi stret long maus bilong 4-pela dok em yet stretim daubilo. Man, wantu ol 4-pela dok ya i ron igo long kaikai kapul i pundaun, bikos 4-pela dok ya ting Kanage holim kapul na tromoi i kam daun. Samting tru ol i kaikai papa bilong ol yet.

Alphonse M. Hunka,

KAINANTU, ISTEN HAILENS PROVINS.

• Kanage bilong Sako kantri. Wanpela taim em go raun long Lae. Em raun long maket pinis na em go raun long taun. Long taun em go insait long Stimsip Hatwe. Kanage lukim wanpela naispela naip na em baim. Em baim pinis na laik go bek long Sako kantri. Kanage sindaun na wetim PMV i stap, na wanpela man ikam askim em. Yu baim naip bilong yu long wanem stua. Kanage kirap tasol na tokim man ya olsem, ...mi baim long Stimsip anda wei. Tarangu Kanage laik tok Stimsip Hatwe tasol tang i abrus. Man husat i askim long naip i holim pasim bel tasol na lus nating.

Geyamsao Haue,

LAE, MOROBE PROVINS.

Wanpela taim lapun Kanage wantaim femili bilong i bin bung long kaikai. Bihain long ol i kaikai, ol tokim Kanage long mekim wanpela prea pastaim. Em tokim ol pasim ai na ol i prea. God papa, yu blesim dispela kaikai na blesim tu brata na lapun papa na mama bilong yumi i stap na lukautim ples. Na blesim tu narapela brata istap long Mosbi. Na hariap tru em kirap tok; Oh! no ken blesim em. Mi tokim em long baim traipela sut keis bilong mi tasol em ino baim.

Maryanne Wale,

MT. HAGEN, WESTEN HAILENS PROVINS

■ Lukim moa tokpilai long pes 18



• SinaSina bas stop.

## Sawol na bus-naip mekim save long ol maunten sait long Mosbi

### MATHIAS MALE i raitim

PNG i bing kisim bikipela taim nogut na hevi insait long 8-pela mun long yia i go pinis i kam inap namba wan wik bilong mun Jenueri 1998.

Taim Jenueri 1998 stat bikipela Papa God i sori long yumi na i salim ren i kam daun. Nau yumi ken lukim olgeta hap kona bilong Mosbi we i bin kamap braun i kamap grin nau na i luknais stret.

Tasol mi laik stori liklik long wanpela bikipela senis we i kamap long planti pipel long Mosbi. Dispela pasin i kamap long planti hap bilong kantri tasol mi bai stori long Mosbi. Dispela tingting i kamap bihainim rein.

Tete long Mosbi yet ol sawol na bus naip bilong ol Simbu, Goroka na Gailala i

mekim save long ol maunten sait long olgeta kona bilong Mosbi na ol i brukim graun long wokim planti gaden. Bikipela rein i helpim ol long kamapim ol kaikai gut tru. Ol manmeri i no isi long kilim skin stret bikos em sans bilong ol long planim na kamapim gutpela kaikai bilong salim na bilong kaikai tu.

Wankain pasin bilong wokim gaden mi bilip olsem i kamap long olgeta hap bilong PNG, bikos yumi bin bungim taim nogut long hangre long taim bilong bikipela san.

Robert na Christin Siwai i wokim gaden i stap long En Sisi Veli na mi askim tupela long wanem as tingting bilong ol long wokim gaden na tupela mekim wanem long ol kaikai bihain taim ol i redi. Tupela i bekim tok olsem, bai ol i salim na kisim moni long en Na tu bilong kaikai long famili.

Tupela i tok taim bilong biksan ol i nogat gutpela kaikai na ol i sot tru long mani tasol nau i luk olsem ol bai amamas taim ol i salim ol aibika, pinat, kon, pamkin tip na ol narapela kaikai tu bilong ol long kamapim mani long famili.

Mista Siwai i tok em save wok mani tasol potnait mani em kisim i no inap long sevim tripela skul sumatin na meri bilong em. Tasol nau em i tok ol bai salim ol gutpela kaikai na bai ol i gat gutpela sans long kisim moa mani i kam insait long famili.

Bihain long pinis bilong dispela mun olgeta maket bilong Mosbi bai i no isi long ol gaden kaikai we nau ol i groim long ol nupela gaden. Na tu ol manmeri kilim skin stret long wokim gaden long Mosbi na long kantri.

# Gutbai long sempion Tuiyo

## SAPE METTA i raitim

BIKPELA pasin sori, bel pen na krai i bin kamap isnait long tupela bikpela eria bilong Hailens long wik i go pinis. Tupela eria ya em Isten Hailens na Westen hailens.

Dispela pasin bilong sori i bin kamap taim tupela biknem ragbi lig pilaia bilong Papua Niugini i bin dai.

Tupela man ya em leit Tuiyo Evei bilong Olimu viles - Jonteve eria long Henganofi distrik, Isten Hailens na leit Michael Angra bilong Warakum autsait tasol long Mt Hagen long Westen Hailens.

Tuiyo i bin lusim laip bilong em bihain long em i kapsaitim ka bilong em long Bena bris long Okuk haiwe 10-pela kiloma autsait long Goroka taun samting olsem long 2 kilok long Fraide moning Februeri 20 na Angra i dai long Mt Hagen long Sarere moning Februeri 21 bihain long em i bin painim sik na i stap long-pela taim long Mt Hagen jen-erol haus sik.

Dai bilong dispela tupela biknem pilaia i lusim bikpela hul na gep long sait bilong inta - siti na intanesenol represen-tativ futbol.

Mi i no save long wanem kain pasin sori i bin kamap long Westen Hailens.

Tasol long Isten Hailens, pasin bilong sori i bin kamap bikpela tru na planti ol yang-pela man na meri na ol lapun tu i bin kapsaitim aiwara na krai taim ol i bin harim birua stori bilong Tuiyo.

Taim Tuiyo i bin painim birua long moning bilong dispela Fraide Februeri 20, stori bilong em i kamap bikpela tru wan tu tasol long Goroka taun na olgeta hap bilong Isten hailens na i go aut tu long olgeta kona bilong kantri bihainim nius ripot bilong media.

Tuiyo i bin slip yet long mog long Goroka haus sik na long Trinde Februeri 25 taim ol femili na poro bilong em i laik rausim bodi bilong em long kisim i go long ples bilong em long Janteve, haus sik eria i bin pulap na pas tru long ol man, eri na pikinini. Planti long ol i rabin graun long soim sore bilong ol. Na bungim wantaim olgeta lain man na meri i bin kamap long dispela taim em moa long 3,000.

Planti ol bikman, lidas na ol wan pilaia bilong em long Lahanis intasiti tim tu i bin kamap long kisim bodi bilong Tuiyo i go bek long ples bilong em.

Long Goroka haus sik ol nes, sista na dokta tu i bin stapim wok na kamaut long witnesim tu dispela pasim bilong sore ausait long haus sik mog.

Mi tu i bin i stap namel long ol dispela lain na taim mi lukim ol lain husat i soim stret pasim bilong sore, mi tu i pilim bik-peal sore na aiwara bilong mi tu i pundaun.

Long wanem, olsem wan-pela man bilong mi tim nius na kisim piksa bilong niuspepa long taim bilong ol bikpela ragbi lig pilai, planti taim mi is ave raun na i stap klostu long Tuiyo.

Tuiyo em i wanpela longpela



taim representiv futbol pilaia long inta siti na intanesenol level (kumul). Planti taim, taim Tuiyo i save go aut long pilai insait long ol son trials, inta siti na intanesenol pilai long ol bik-peal senta olsem Lae, Madang, Mt Hagen, Mendi, Minz, Kundiawa na Pot Mosbi, mi i save raun wantaim em na tim bilong em long lukim, raitim nius na kisim ol eksen piksa bilong ol long taim bilong pilai.

Tuiyo em i wanpela man we em i save bihainim gut pasin bilong disiplin insait na autsait long pilai graun. Maski em i lokel, intasiti o intanesenol pilai, bai yu i no inap lukim Tuiyo i mekim wanpela kain doti na paul pilai. Em i man bilong pilai olsem na em i save pilai stret futbol. Em i gat planti stail bilong pilai na long taim bilong takel, em i gat moa stail long mekim ol takel.

Bikos long namba wan stail bilong em long pilai ragbi lig Tuiyo i save i gat planti foiwias, stat long ol pikinini long mak bilong 5-pela kris-mas na i go antap olgeta long ol lapun long mak bilong lona 70.

Long ol dispela ragbi lig senta bai i gat folowas bilong Tuiyo na sapos ol i harim olsem em i stap insait long tim long pilai, ol i sve kapsait i go isnait long pilai graun long lukim Tuiyo i pilai.

Na sapos ol i luksave olsem Tuiyo i no i stap insait long tim,

planti bilong ol bai i no inap i go insait long pilai graun long lukim pilai.

Insait long pilai yu i no inap lukim Tuiyo i kamapim ol birua pasin long pait nabaut wantaim ol arapela pilaia. Yu i no inap lukim pasin bilong kros long dispela man Tuiyo. Em i man bilong amamas na lap tasol, em i pasim bilong em. Tasol wanwan taim em bai kros. Kros bilong em bai kamap sapos ol wanpilaia bilong em i no pilai gut na ol i lusim gem. Tasol dispela kros bilong em bai go het inap 5 minit tasol na bihain em bai tok pilai na mekim fani wantaim ol wan pilaia bilong bilong em na bai ol i amamas na lap i go i kam.

Taim Tuiyo i bin pinisim gret 6 edukesen bilong en, olsem wanpela yangpela man em i stat long luluk raun long wanem kain spot bai em i pilaim na amamasim em yet.

Stat long yia 1984 em i go na stat long pilai basketbal long YC Hall long Goroka.

Tuiyo i wokim nem long basketbal long yia 1985 na 198 we em i representim Goroka na Hailens long nesenol taitels.

Em i lusim basketbal bihain long nesenol taitols na i go joinim Tarangau klab long pilai ragbi lig. Em i bin pilai stret long sinia A gret divisen. Em i fes taim bilong em long pilai A gret bihain long sampela viles

• Tuiyo Evei long namel row wantaim ol wanpilaia bilong em long Goroka Lahanis. Lephau: Tuiyo wanpela strongperla fowat bilong Goroka.

gem em i bin tek pat long pilai insait long Henganofi.

Long dispela sem yia long 1986, fes taim bilong em long pilai wantaim Goroka Tarangau, ol lokel selektas i putim ai long hailens na makim ol pilaia bilong Hailens Jon.

Bikos long gutpela stail no pilai bilong em ol Hailens son selektas i makim em long pilai insait long Hailens Jon sait. Tuiyo i makim Hailens Jon long 1986 i kam inap long 1990.

Insait long dispela taim em i bin makim PNG olsem kumul stat long 1988 i kam antap long 1990 we em i bin raun long pilai wantaim ol Kangaroos long Australia na Kiwis long Nu Silan.

Long 1991 Tuiyo i bin pilaim ol tes mets wantaim ol British Lions, French Roosters, New Zealand Kiwis na Australin Kangaroos.

Na long narapela yia bihain em long 1992 Tuiyo i raun wantaim ol PNG Kumuls i go long Europe. Tasol taim bilong em long pinis long pilai olsem wanpela Kumul pilaia i no stap long hia. Em i bin representim PNG i kam antap long 1996.

Long 1997 em i slo daun lik-lik bikos em i bin komitim em yet long ol liklik wok bilong em long ples.

Em i mekim olsem na ol yangpela pilaia we i makim Lahanis las yia i kisim taim. Na planti long ol i save komplek na tok ol i laikim ol olupela pilaia olsem Tuiyo Evei long lidim ol i go insait long ol inta siti salens.

Ol dispela yangpela pilaia i save kisim strong taim ol i lukim Tuiyo insait long tim.

Long stat bilong dispela yia (1998) Tuiyo i bin kamap wantaim dispela tingting long pilai strong na kamapim nem gen insait long inta siti na intanesenol futbol. Tasol birua i katim ov dispela tingting bilong em na Tuiyo i lusim laip bilong em na i go wantaim ol gutpela pilai stail we narapela PNG man i no inap long kamap wantaim inap longpela taim i kam bihain.

# YUMI FM

## PNG HIT PARADE

# 1997

POS.	SONG	ARTIST	STUDIO
3 2 1	MANGI SASAWA	SAUGAS	CHM
4 3 2	CASINO DARLIN'	LEONARD KANIA	CHM
3 4 3	MAMA & PAPA	ROBERT OEKA	CHM
1 1 4	KARKAR ISLAND	ROBERT OEKA	CHM
8 6 5	JAILBIRD MANGI	LEONARD KANIA	CHM
9 8 6	KUTI MANGI	ROBERT OEKA	CHM
2 5 7	KUNDIAWA	KUAKUMBA RUTZ	CHM
10 9 8	MANAM MOTU	QUAKES	PGS
5 7 9	CIRCLE OF TEARS	WILLIE TROPU	CHM
11 11 10	BALA EXPRESS	BALA FINSCH	PGS
13 12 11	EVERLASTING MEMORY	SAUGAS	CHM
15 13 12	BUSU BRIDGE	K. DUMEN	PGS
17 14 13	O'JAY	QUAKES	PGS
7 10 14	ACTING YOUNG	WALI HITS	TTS
19 17 15	O VAVINE	AZZIMBAH	PGS
00 18 16	NAMBIS MERI	BABUS	CHM
12 15 17	MAMA	AZZIMBAH	PGS
00 00 18	SUN NATING	MANDRAH SOULS	CHM
14 16 19	IAU LALIS	QUARKES	PGS
16 19 20	LAPUN MAN	LEONARD KANIA	CHM



PNG FM PTY. LTD.  
Trading as  
NAU FM  
and  
YUMI FM

P.O. Box 774,  
Port Moresby  
Papua New Guinea  
Ph: (675) 320 1996  
Fax: (675) 320 1995



NEM: Ronson Katuwi  
KRISMAS: 18 (man)

ADRES: Tokua  
Plantation, PO Box 65,  
Kokopo, Is Nu Briten  
provins.

LAIKIM: Pilai soka,  
ragbi, basketbal, go  
swim long solwara, na go long danis.



NEM: Raks Ajay  
KRISMAS: 19 (meri)

ADRES: Wrin Village, PMB,  
Sapmanga, Lae Morobe province.

LAIKIM: Lukim EMTV, pilai basketbal,  
volibal na tok pilai wantaim boi pren,  
raitim pas na salim poto i go kam.

NEM: Felix Lapim  
KRISMAS: 23 (man)

ADRES: C/ Catholic Mission Boikin,  
PO Box 107, Karasau Island, Wewak,  
ESP.

LAIKIM: Kukim kaikai, danis, harim  
PNG Top 20 musik na wokim pren  
long marit.

NEM: John Sakol  
KRISMAS: 18 (man)

ADRES: PO Box 1232, Mi Hagen,  
WHP.

LAIKIM: Go lotu, waswas long wara,  
tok pilai wantaim ol manki pilai ragbi  
na painim penpren wantaim pas.

NEM: Silvester Ukul  
KRISMAS: 18 (man)

ADRES: BN Trading, PO Box 135,  
Ambunti, East Sepik province.

LAIKIM: Stadi, pilai soka, waswas  
long wara, pilai volibal, raitim pas long  
penpren.

NEM: Pearson Lailai  
KRISMAS: 21 (man)

ADRES: Hargy Estate P/L, PO Box  
21, Bialla, WNPB.

LAIKIM: Raitim pas, mekim penpren,  
harim PNG musik, raun long nambis,  
tok pilai na pilai spot.

NEM: Abel Tonny  
KRISMAS: 18 (man)

ADRES: Hargy Oil Palm, PO Box 215,  
Bialla, WNPB.

LAIKIM: Harim PNG musik, waswas  
long solwara, pilai soka, lukim TV na  
raitim pas long ol penpren na serim  
toktok wantaim ol.

NEM: Moses Kipa  
KRISMAS: 18 (man)

ADRES: Hargy Oil Palm, PO Box 218,  
Bialla, WNPB.

LAIKIM: Go danis, harim musik, tok  
pilai, lukim TV, raitim pas long ol pren  
na go long lotu.

NEM: Patrick Tobias  
KRISMAS: 14 (man)

ADRES: Hargy Division one (1), PO  
Box 4, Bialla, WNPB.

LAIKIM: Go raun long ol bikipela stua  
na baim kaikai, raun long nambis,  
harim musik na lukim EMTV, na raitim  
pas long ol pren.

NEM: Jeremy Yaku  
KRISMAS: 20 (man)

ADRES: CBM Vanimo, PO Box 345,  
Vanimo, Sandaun province.

LAIKIM: Ritim buk, raun long wiken,  
pilai soka, stori wantaim ol pren na  
raitim pas long ol pren. Mi laikim ol  
pren long Manus, Popondeta na  
Madang provins. Krismas bilong ol i  
mas stapnamel long 17 na 25.

# Pe bilong ol musikman

**Musik Industri i save pulim moa mani tasol turangu ol musik man na meri bilong PNG i stap long mak i go daun tru**

## SAPE METTA i raitim

MUSIK industri em i wanpela hap wok we planti musikman na meri na pikinini bilong wol i save wok hat na pulim planti mani. Mani we i ken abrusim mak bilong planti tausen na i ken go-ap moa long planti milien. Musik em i samting we planti manmeri na pikinini i save laikim tumas long harim long radio, kaset tep na lukim long vidio tep na televisen.

Na musik i save kamap long kainkain wei na stail bilong en. Ol musik man, meri na pikinini i ken pilaim na singim ol song bilong rok en ol, disko, kantri en Westen na gospel. Long ol olvasis kantri olsem Ostrelia, i gat planti ol biknem musik man na meri olsem Johnny Farnham, Olivia Newtown, John, Kylie Minogue, Christine Anu, ol Aboigini grup- Yothu Yindi na planti moa arapela musik man, meri na grup i bin sut i go antap pinis long wol musik bil bod top 40 sat (chart) na i bin salim tu planti tausen musik kaset tep na disk bilong ol.

Long Ingland em Elton John, George Michael, Paul McCartney, Boy George Michael, Paul McCartney, Boy George, Billy Ocean, Sting na ol grup olsem UB40 i go pas tru long musik bisnis. Na i go long Amerika, ol i win tru long olgeta kainkain musik, bikos musik bisnis long hap em i bikipela hap wok bilong ol we i mekim na planti man, meri na pikinini husat i ranim dispela kain bisnis i kamap milionia na i stap hamamas wantaim dispela wok bisnis bilong ol.

Toktok long Yothu Yindi grup bilong Ostrelia, ol i gat narakain stail bilong pilaim musik we ol i miksim ol tumbuna musik samting na wokim kamap narapela kain gutpela stail musik bilong ol.

Long dispela kain stail musik, ol i kukim pinis planti arapela kantri we i bin lukim sampela song bilong ol i go antap long top 10 wol musik sat.

Saspo Yothu Yindi i wokim, mipela ol PNG tu i gat dispela kain grup em Sanguma na Tumbuna 84. Tasol yumi i no mekim long kamap antap long intanesenel musik sat.

Sanguma na Tumbuna 84 musik grup i save miksim moden musik wantaim ol tumbuna musik samting olsem kundu, garamut na mambu flut. Na sapos yu husait man na meri i bin harim musik bilong Sanguma na Tumbuna 84, yumi i ken save olsem i gat stail bilong ol tumbuna musik bilong yumi tu i stap insait na i gat gutpela saun bilong kisim tumbuna fillings.

Planti man na meri taim ol i liklik yet, ol i bin i gat dispela tingting long kamap musik man na meri. Na taim ol i ibn gro-ap yet, ol i gro-ap wantiam dispela tingting. Olsem



• Sampela musik lain bilong olvasis.

na planti long ol i kamap na pas tru long pasin bilong pilaim musik. Na tu ol i kamap na mekim biknem na plani mani long dispela musik industri. Nau yet planti musik man na meri insait long Kantri bilong yumi i wok long mekim nem long kamapim ol kainkain stail musik.

Long lokel top 20 musik sat yumi lukim pinis planti lain i go-ap na i stap pinis insait long dispela mak. Ol lain loekl musik man olsem Leonard Kania, Basil Greg, George Telek, Robert Oeka, Hitsu Golou, John Wong, Mandawali na planti ol arapela singa i bin go-ap na i stap pinis insait long PNG Top 20. Wankain tu long ol grup olsem Wali Hits, Quakes, Barike, Azimbah, Saigas, Hollie Maea, Lamaika, sago Thorns, Tarikana na planti arapela grup tu i bin mekim wei bilong ol i go antap long PNG Top 20.

Planti long ol dispela man, meri na grup i save hamams long lukim nem bilong ol i surik i go antap long Top 20 stat. Tasol tingim, long raitim, kamapim na tanim ol song i no isipela wok.

Ol musik man na meri i save kisim taim stret long taim ol i save laik raitim ol song na tu long aren-sim muskim long i i go wantaim ol song na tu long aren-sim musik long i go wantaim ol song bilong ol.

Taim ol i tingting long katim wnapela kaset wantaim ol lokel studio, ol i save wok hat tru long tairim na tanim ol song inap long mak bilong 8,10 oa 12. Na tingim, em i bikipela hap wok na ol dispela musik lain i no save slip gut. Ol i save wokhat long de na nait long komposim na raitim ol song bilong ol. Dispela kain pasin bai i ken go het inap planti mun. Sampela taim bai i ken tekim ol inap 1 oa 2 yia long pinisim olgeta song bilong ol long kamap insait long wanpela kaset albam. Tasol turangu hat wok bilong ol dispela musik lain i

no save kisim bek gutpela profit.

Mak bilong ol studio lain i save baim ol i daun tru. Sapos long Ostrelia, Ingland na Amerika, sore, ol dispela musik lain bilong yumi inap kamap ol milionia pinis long taim yet.

Sampela taim i go pinis mi i bin toktok wantaim sampela musik man bilong yumi.

Wanpela long o em biknem musik man na ben lida bilong Nokondi Nama ben bilong Goroka, Isten hailens Charles Essyahffo.

Charles i tokim Wantok olsem long kamap musik man insait long PNG i no isi. I gat planti hatwok bilong en we ol i mas konsentret na komitim ol yet long komposim, raitim na ri-arensim ol song we ol i laik katim i go insait long kaset tep. Em i tok taim ol i save pinisim olgeta wok bilong raitim ol song, ol i save i go long rekoting studio na katim oa rekotim ol singsing bilong ol. Bihain long rekot, bai ol i sindaun na lukluk long sels (sales) bilong kaset bilong ol.

Charles i tok ol song ol i save raitim i mas gutpela na musik tu i mas gutpela long i go wantaim ol singsing we i ken kirapim na hamamasim tinting bilong ol lain husat i save laikim harim ol musik. "Singsing na musik bilong mipela i mas kamap gut na sink i go insait long ol man na meri we mipela i ken winim lewa bilong ol na ol i ken hamamas long baim ol kaset tep bilong mipela." Charles i tok.

Em i tok planti hatwok ol i save wokim, tasol ol rekoting kampani i no save baim ol gut bihain long ol i save maketim na mekim sels.

Em i tok taim em i bin mekim tripela kaset album long ol yia i go pinis, rekoting kampani bilong em i save baim em K1.00 long wanwan kaset bilong em bihain long ol i mekim sels. Bihain em i kamap wantaim namba 4 album na rekoting kampani bilong em i apim

komisin bilong em i go antap long K2.50. Tasol em i no wanbel long dispela K2.50 mak.

Charles i tok sapos ol rekoting kampani i ken apim komisin bilong ol musik man na meri i go antap long mak bilong K4.00 o K5.00, em bai orait tru. Sapos ol i mekim olsem bai ol musik man na meri i ken bel kirap na mekim moa rekoting wantaim ol dispela studio na kamapim moa lokel kaset albam insait long kantri Charles i tok bikos long ol dispela daun peimen, planti ol gutpela musik man na meri i givap na i stap nating. Ol studio i save mekim planti mani long sels bilong ol lokel musik kaset tep na ol i mas mekim fea wantaim ol musisiens na baim ol gut long hatwok bilong ol. Em i tok bikos long dispela pasin bilong daun peimen, em i stap long rekotim moa albam long 1992. I kam inap long dispela yia (sikipela yia em i stap tasol) em i laik traim gen long rekot na lukim tu sapos i gat sampela senis i kamap long sait bilong peimen (komisin).

Charles i tok, em i no wari tumas long peimen, tasol lukluk long ol hatwok we ol musisiens i save wokim, ol rekoting kampani i mas mekim gut na fea long ol.

Bihain long 6-epla yhia, Charles husat i bin bisi tru long wok bilong en olsme haikul tisa long Kainantu i mekim wei bilong em i go bek long Mosbi long rekotim namba 5 kaset albam bilong Nokondi Nama ben. Dispela ben we em i go pas olsem ben lida na singa. Taitol bilong dispela namba 5 nepela kaset albam em "welkam to Goroka-Freedom Land".

Bai yumi i ken pasim lek na han na opim yau na ai na lukluk. Hatwok bilong ol musisiens bai karimgut kaikai o nogat. Em i taim we ol rekoting kampani i mas ekt long fea pasin.





Bik Bro

# REBO

STORI IKAM LONG LAS WIK...

BOSS TOKTOK WANTAIM REBOLONG FON...

MI RINGI LONG TOKSAVE OLSEM YUKEN STAP IGO AUDA I ORAIT NA YUKEN KAMBOK... BENK BAI MITIM OLGETA EKSPENS OKE?...

OH, BOS, TENKIU TRU! I LUK OLSEM BAI MI STAP LONG HIA LONGTAIM LIK-LIK.. TENKS..

...NA AUDA I ORAIT LIKLIK O INO ORAIT YET?...

"BOS MI WARI LONGEM YAH... OL DOKTA TU INO TOK KLIA GUT LONG MI YET!"

TARANGU REBO I TAED TRU... EM INO WARI LONG KAIKAI O SENIS NA EM PUNDAUN LONG BET TASOL NA EM SILIP...

EM DRIMAN LONG AUDA...

ICU

AIR

REBO I DRIMAN OLSEM AUDA I ORAIT NA EM SINDAUN LONG BET I STAP...

HEY PAPS... MI ORAIT NAU.. KARIM MI GO BEK LONG PLES!

HARIAP! MI WETIM YU LONG KAM KISIM MI!

Igo moa Neks Wik!!



# SIPAK MAIK

KONMAN YAH I KIRAP NOGUT TRU TAIM EM LUKIM PISTOL I PAS LONG HET BILONG EM...

WEEYAGANA!! ESKUS MI, MI GIAMAN TASOL!

OKE KONMAN! YU TINGIM DISPELA EM PISTOL, TU?

BAGA TINGIM LAIP BILONG EM NA EM TEK-OFF...

OLGETA ARAPELA KONMAN TU I LUKIM NA OL I TEK-OFF TU...

TUPELA DITEKTIV GO KAMAP LONG HOTEL...

MIPELA PAI-NIM DISPELA TUPELA MAN!

OH YES MI LUKSAVE LONG TUPELA... TUPELA SILIP LONG! RUM FOA (4).

ATLAST! KISIM SPEA KEY BILONG DISPELA RUM (4)!

NAU TUPELA GO SEKIM OL LONG RUM...

HANKAFIM TUPELA TAIM OL I SILIP YET!

Zzz Zzz

HE! HE! HE! SLIPING BILTI!!

Igo moa Neks Wik!!

# KANAGE

"Em nau, narapela wik bilong mi ken"



Kanage em bilong kol ples Goroka, na em save stap long Mosbi. Em stap long Mosbi na lapun long Mosbi na ino save long tok inglis. Wanpela taim em tokim tupela poroman bilong em na ol igo long wanpela hotel na sindaun long ples bilong baim bia na wetim ol waitman. Ino long taim na tripela yangpela sumatin bilong Univesiti i kam. Wanpela bilong ol i givim mani na tok long inglis olsem, three of us.

Wanpela poro bilong Kanage i harim dispela hap tok inglis pinis. Ol sumatin i spak nogut tru, na wanpela bilong ol i tok long tok inglis gent olsem "It's our pocket money." Narapela poro bilong Kanage i putim dispela hap tok inglis long het bilong em. Ol sumatin pinis laik long bia pinis na wanpela bilong ol i tok, boys lets go, na ol i go. Em nau. Mangi kol ples Goroka i putim dispela hap tok inglis long het bilong em. Kanage na tupela poro bilong em i laikim moa inglis, olsem na ol i bihainim ol yangpela sumatin i go. Tasol long rot ol i bungim wanpela man i kism bagarap long bodi bilong em. Ol i lukluk na toktok i stap na polis ka i kam na stop stret long ol, na askim ol. Husat i kilim dispela man? Poro bilong Kanage kirap na tok, three of us. Polis askim gen, husat tokim yupela long kilim? Its our pocket money. Polis belhat na tokim ol long kalap long ka. Em nau Kanage kol ples mangi kirap na tok boys lets go. Ol i kalap long polis kar na igo long polis stesin. Tarangu ol i ting ol i fit long inglis, tasol nogat inglis bilong ol i abrus na ol go na slip long sel.

Yasa Jay,  
LAE, MP.

Kanage em i man bilong lukautim ol dok stret, tasol em ino save long kisim ol raun long bus. Wanpela taim olgeta manmeri i laik go raun long bus long painim abus na ol kisim ol dok bilong ol i go. Na kanage tu kisim 4-pela dok bilong en na ol igo wantaim. Taim Kanage igo klostu long bus nau em stretim olgeta dok bilong en long 4-pela hap kona. Na Kanage yet igo namel long ol. Ino long taim ol i lukim pinis wanpela kapul i wokabout long diwai bruk na kamap olsem bris long en. Hariap tasol Kanage salim 4-pela dok bilong en i go ausait long dispela bris diwai. Na em yet bihainim kapul igo long dispela diwai. Taim Kanage igo namel long bris diwai nau, rop sakim tupela lek bilong Kanage na Kanage pundaun krangi stret long maus bilong 4-pela dok em yet stretim daubilo. Man, wantu ol 4-pela dok ya i ron igo long kaikai kapul i pundaun, bikos 4-pela dok ya ting Kanage holim kapul na tromoi i kam daun. Samting tru ol i kaikai papa bilong ol yet.

Alphonse M. Hunka,  
KAINANTU.

Kanage bilong Sako kantri. Wanpela taim em go raun long Lae. Em raun long maket pinis na em go raun long taun. Long taun em go insait long Stimsip Hatwe. Kanage lukim wanpela naispela naip na em baim. Em baim pinis na laik go bek long Sako kantri. Kanage sindaun na wetim PMV i stap, na wanpela man ikam askim em. Yu baim naip bilong yu long wanem stua. Kanage kirap tasol na tokim man ya olsem, ...mi baim long Stimsip anda wei. Tarangu Kanage laik tok Stimsip Hatwe tasol tang i abrus. Man husat i askim long naip i holim pasim bel tasol na lus nating.

Geyamsao Haue,  
LAE, MP.

Wanpela taim lapun Kanage wantaim femili bilong i bin bung long kaikai. Bihain long ol i kaikai, ol tokim Kanage long mekim wanpela prea pastaim. Em tokim ol pasim ai na ol i prea. God papa, yu blesim dispela kaikai na blesim tu brata, na lapun papa na mama bilong yumi i stap na lukautim ples. Na blesim tu narapela brata istap long Mosbi. Na hariap tru em kirap tok; Oh! no ken blesim em. Mi tokim em long baim traipela sut keis bilong mi tasol em ino baim.

Maryanne Wale,  
MT. HAGEN.

## Strong bilong meri long bipo i wankain olsem man

BIPO tru wanpela man na meri i stap. Na dispela meri i save haitim susu bilong em long ol karamap bilong skin diwai. Meri ya i olsem man na em i save raun wantaim poroman bilong em long bus long wokim trep na painim abus, wokim haus na pait wantaim ol birua tu. Dispela meri i gat wankain save na strong olsem ol man.


Wanpela taim man ya i sindaun na skelim ol toktok na tingting bilong em yet bikos em i jeles olsem dispela pren meri i save daunim tingting bilong em na winim em long wokim disisen samting. Olsem na em i kamautim ol tingting long wanem samting long daunim pren meri na bai meri ya i mas stap isi na harim tok bilong em.

Wanpela samting i narakain long tupela em bikos man ya i gat mausgras na meri ya i nogat. Skin bilong man tu i strong na rap na meri ya i nais na wel nating. Na tu pes bilong meri i save smat na naispela winim pes bilong man. Na dispela i save mekim man ya i jeles tru.

Man ya i pret tu bikos meri ya i gat gutpela pes na em i ken kamap olsem bos bilong olgeta samting long bus na dispela ples. Olsem na olgeta taim tupela i save raun long gaden o bus long painim abus, man ya i save raun wantaim jeles tingting na tingting nogut olgeta taim.

Wanpela taim em i ting long kilim meri ya i dai. Olsem na em i stat long wokim plen nau long wanem kain rot bai em i kilim meri.

Wanpela taim em i go long bus na redim trep pinis orait em i kisim meri ya na tupela i go raun long sekim ol trep long bus. Taim tupela i kamap long dispela hap trep i stap long en, man ya i giaman surik i go long



sait na meri i wokabaut i go stret. Em i go stret na trep i holim lek bilong em na hukim em i go antap. Meri ya i krai nogut tru long man ya i helpim em tasol man i tok, "olgeta taim yu save ting yu smat moa winim mi. Yu save winim ol toktok na aidia bilong mi na yu save ting yu smat moa long gutpela pes. Orait yu ken dai nau". Man ya i tok olsem na i laik lusim meri ya i hangamap i stap. Tasol meri i singaut gen na tokim man ya olsem, "yu no klia gut long mi. Yu ting mi wankain olsem yu tasol nogat. Mi no man olsem yu, mi gat narakain skin long yu. Tasol mitupela i mas stap wantaim. Tasol man i no bilipim meri ya.

Olsem na meri i stat long toktok gen na traim long grisim man ya long sevim em i kam daun long trep. Orait meri i tokim man ya long lukluk long em. Nau em i rausim dispela karamap long bros bilong em na man ya i lukim susu bilong meri ya i na i paul olgeta. Em ting bikipela buk i stap long bros bilong meri ya. Na em i askim, wanem taim dispela buk i kamap long bros bilong yu. Tasol meri i tok dispela i no wanpela solap nating.



Dispela em skin bilong em we em i kamap wantaim tasol em i save taitim wantaim dispela karamap bilong skin diwai na haitim long man ya. Nau meri i tokaut long man ya olsem dispela em strong bilong em. Sapos man i paitim em long dispela hap, em bai pilim bikipela pen na sampela taim em i ken dai. Olsem na em i save haitim bai ol birua i no ken lukim.

Nau man ya i sori long meri ya olsem na em i katim rop na meri ya i kam daun. Tupela i stap wantaim gen na dispela taim i go, meri ya i stat long daunim em yet na harim tok bilong

man ya bikos em i save olsem em i soim strong bilong em pinis long man ya. Olsem na i isi long man ya i ken kilim em sapos em i belhat.

Meri i stap aninit long oda bilong man ya na tupela i stap poroman wantaim na kamapim save bilong kamapim famili. Nau tupela i kamapim bikipela famili moa na tupela i stap na ol famili i kamap planti na go nabaut long pulapim olgeta hap graun na bus tupela papamama i save raun bipo long en long wokim gaden na painim abus.

Em tasol stori bilong mi.

Jeps Wang



### Dia Laipplain,

Meri bilong mi i nogat bilip long mi, maski mitupela i marit 5-pela krismas pinis na i gat pikinini.

Mi save tok tru long em tasol em i ting mi haitim sampela samting long em. Em i savebelhat na tromoi ol toktok nating taim mi no wokim wanpela rong. Long ol fri taim bilong mi na taim mi no wok, mi save stap wantaim meri na pikinini bilong mi. Tasol meri ya i save kros yet na taim mi pinis wok na go long haus, em i save pairim mi nating.

Mi laik lusim meri bilong mi tasol mi laikim tru pikinini.

### Fed Up

### Dia Pren,

I luk olsem yu no stap amamas long sindaun bilong yu long famili. Na wankain tui long meri bilong yu. Yu no givim mipela moa infomesen long yu na meri bilong yu tasol wanem mipela i ken tokim yu em long traim painimaut as tru na meri bilong yu i wokim kain pasin long kros long yu olgeta taim.

Pastaim mipela i askim yu watpo tru na meri bilong yu i no trastim yu? Yu bin mekim sampela samting bipo yutupela i marit na long dispela tasol na

## Meri bilong mi save kros nating

Mi laik lusim meri bilong mi bikos em i save kros olgeta taim tasol mi gat bikipela laik long pikinini

meri bilong yu i no trastim yu? Em i sutim tok long yu long mekim wanem rong, pasin bilong dring spak, pilai laki, paul wantaim ol arapela meri o wanem samting? Sapos yu save,

ating yu mas painim rot long soim olsem ol samting we em i wok long sutim tok long yu i mekim i no tru. Moabeta yu askim sampela poroman bilong yu long tok klia long meri bilong yu olsem yu bin stap wantaim ol na i no wantaim narapela meri.

Namba askim em watpo na meri bilong yu i save belhat na kros long yu? Em i save mekim olsem yet o dispela pasin i kamap nau tasol taim yutupela i marit. Sapos em i mekim dispela pasin nau tasol, traim na tingim wanem samting i kamapim dispela.

Sapos meri bilong yu i no wok, ating em i mas les long stap long haus na lukautim pikinini na em i kamap olsem. Yutupela i toktok na wanbel long hamas pikinini yutupela bai i gat na rot bilong lukautim na skulim ol?

Ating meri bilong yu i mekim olsem long yu bikos i gat sampela samting we yu wokim na em i no wanbel. O i gat sampela samting we yu inap wokim tasol yu no mekim. Tu em i save tingim ol olpela gelpren bilong yu olsem ol i laik raun bek gen wantaim yu.

Tingim yu yet sapos yu soim laik na tras long em. Yu save kisim em long lukim ol poroman

na hauslain bilong em? O long ol hap we em i laik raun long en? Yu save serim ol samting na helpim em long ol haus wok olsem lukautim pikinini, kuk na wokim soping?

Ating meri bilong yu i wokim olsem bikos em i no amamas long sampela samting. I no min olsem yu kamapim dispela tasol bikos yu stap klostu long em na em i autim ol belkros long yu.

Wanpela tok piksa em sapos wanpela man i gat gutpela skul na wok na em i maritim wanpela plesmeri na kisim em i kam long siti. Meri i no save long pasin na wokabaut na laip long siti. Em i pret long siti bikos em i no save long ol manmeri long en. Em i pilim olsem em i no inap serim laip long man bilong em, moa yet taim ol poroman bilong em i go long haus na stori wantaim em long ol samting we meri i no klia long en. Em inap pilim narakain bikos em i save tasol long mekim ol wok long ples olsem wok long gaden, lukautim ol pik na ol kain wok olsem. Ol samting olsem bai i mekim meri i no stap amamas na long planti taim em bai i kamapim pasin jeles, belhat na pait.

Toktok long meri bilong yu gut na painimaut gut as long watpo em i save mekim kain pasin long yu. Nogut em yet tu i no klia watpo em i wokim kain pasin ya.

Traim go lukim dokta long sekim yutupela bikos taim helt bilong man i no orait tumas, sindaun tu bai i no gutpela na kain belkros pasin i kamap.

Sapos yu toktok wantaim meri bilong yu long ol dispela samting na yu no klia long em, moabeta yu kisim helpim long

wanpela hauslain bilong em husat i save gut long en. O long pater, pasto husat yutupela i save gut long en na ol i ken givim yutupela sampela gutpela stia tok na tingting.

Sapos yu painaut watpo em i save mekim kain pasin long yu, bai yu traim long helpim em. Sapos em i jeles long ol olupela gelpren bilong yu, mekim klia long en olsem yu no gat laik long ol. Na olgeta tingting na laik em long em tasol. Sapos em i pilim olsem em i nogat pren kisim em long haus bilong ol wantok. Sapos em i pilim les long stap nating, helpim em long wokim gaden ausait long haus bilong yupela o painim sampela arapela samting bilong mekim.

Sampela taim man na meri i marit hariap bipo ol i painimaut moa wanem samting tru ol i laik mekim na kisim long laip na sindaun bilong tupela.

Long wanpela buk bilong David na Vera Mace ol i kolim long "How to Have a Happy Marriage", tupela i tok ol marit i no save kamap, ol i save gro. Marit de i makim stat bilongbung wantaim we bai i gro i go long marit o nogat.

Em i wok bilong tupela marit long mekim strongpela komitmen long marit bilong ol i kamap gutpela. Sapos ol i bungim hevi, ol inap kisim helpim long ol arapela pipel klostu long ol. Long sampela kantri sapos dispela samting i kamap, ol i save bung wantaim ol arapela marit na toktok long rot bilong strongim na stretim gen marit laip bilong ol.

LAIPPLAIN

# MANI INSAIT LONG TIN

## OX & PALM

**PLANTI  
MANI LONG  
WINIM**



Taim yu opim feveret OX & PALM 340g tin, lukluk aninit long ai bilong tin na painim sapos yu win.

Yu ken winim ol prais olsem K50, K100, K250, K500 o K1000 kes mani.

### LONG KISIM PRAIS BILONG YU:

Salim dispela ai bilong tin wantaim nem na adres bilong yu i go long:

Hugo Canning,  
P.O. Box 635,  
BOROKO, N.C.D.

## Edukesen i no fri

**Dia Edita,**  
Mi wanpela haikul manki nau i stap long gret ten long Kagua haikul i laik autim wari bilong mi go long ol pipel bilong dispela kantri olsem, gavman i bin tok fri edukesen tasol, ol tisa bilong dispela skul ol i askim mipela ol sumatin long kisim K40 i kam.

Nau mipela ol sumatin na mama papa bilong mipela i bin ting olsem mipela bai i no inap peim wanpela samting olsem skul fi, tasol taim ol tisa i askim mipela long kisim K40 i kam, mipela i no bin amamas na mipela wari tru.

Dispela em as olsem, long yia 1997, mipela manmeri long Sauten Hailens i bin bagarap long san na ais na hangre wantaim.

Olsem na mipela i bin amamas tru long ol memba taim ol i tok long fri edukesen. Tasol, nau tu mipela i bagarap yet.

Olsem tasol, ol tisa i askim mani long mipela, em i no stret tumas. Mipela ol pikinini o sumatin na mama papa bilong mipela tu ol i gat wari yet.

**Kita Yambi**  
Kagua, Sauten Hailens provins.

## Putim kolta long Vanimo taun

**Dia Edita,**  
Mi wanpela manki Green Riva insait long Sandaun provins. Mi stap long Aitape Sandaun provins yet.

Mi sapotim narapela pas bilong brata ya i bin sapotim pas bilong Samuel Ipai long Wantok Niuspepa.

Em i tok long putim kolta long Vanimo taun. Brata Baiyumn Manam mi sapotim tru pas bilong yu i bin sapotim pas

bilong Samuel Ipai tok long putim kolta long Vanimo.

Dispela em tru long wanem, taun pulap long das na rot i bagarap tru long hol o olsem na Woks dipatmen i save westim moni long stretim rot.

Long dispela as mi laik save bilong wanem na Gavana John Tekwie wantaim memba bilong Vanimo Green Mista Micah Wes wokim wanem i mas traim long

wokim samting nau.

Dispela hevi bilong kolta i no nau olsem na ol lida mas glasim gut na wokim samting hariap tasol.

Vanimo em las ples na yupela lus tingting long em. Em tu em provins bilong PNG olsem na, plis givim helpim putim kolta long Vanimo.

**Nason Inaha**  
AVTI, Aitape Sandaun provins.

## Kimbe Bialla PMV i no wok stret

**Dia Edita,**  
Mi wanpela manki Simbu bilong Gembogl distrik long Westen Hailens provins nau mi i stap long Bialla long Tiuru subvisen na mi lukim ol PMV ol i no wok stret.

Mi save lukim ol papa bilong PMV ol i save K5 long ol skul mangi. K10 ol i save kisim long ol papa na mama antap long ka yet.

Na sampela taim ol i go stop namel long rot na kisim mani.

Tasol taim ol i kisim mani pinis ol papa bilong PMV ol i no save kisim ol pasindia i go lusim long ples o komyuniti stret ol i laik i go long en.

Nogat. Ol i save lusim ol pasindia long ol kona bilong bk rot wantaim

planti kago na ol pikinini na taim ol i askim ol long bringim ol stret long ples o komyuniti bilong ol stret. Tasol ol papa bilong PMV ol i save givim planti kainkain eskus na rausim ol pasindia bilong ol kona bilong haiwe rot.

Na ol i save traim hat long wokabout gen wantaim ol kago na ol pikinini i go long komyuniti bilong ol.

Mi lukim na mi sori long dispela kain apsin ol i save mekim long mipela ol pasindia em i no stret tru, PMV kontrol bod i mas lukluk long dispela hevi bilong mipela. Na stopim dispela pasin bilong ol papa bilong PMV.

**John K. Dingi**  
Bialla, WNPB.

## Toksave long ol pablik

**Dia Edita,**  
Mi laik putim wari bilong mi long Wantok Niuspepa? Wari olsem Lae siti i no klin tumas.

Sekyuriti ol save giaman na kisim K2 long ol manmeri Lae siti. Planti rabis i stap ol i no save klinim gut Lae siti gut. Sapos yupela lukautim.

Lae siti gut orait putim tok save

long redio Morobe bikos ol pipel ausait long Lae siti ol i no save.

Tarangau manmeri ol kam serim kaikai long maket na sekuriti ol tok yupela kaikai buai orait yupela baim K20 lapun manmeri ol i no save sapos yu sekuriti yu mas toksave narapela taim yu baim. Tokim em olsem bai gutpela.

Yupela sekuriti serim tok bilong God na yu kisim nogut yu stil yu bai kot biahin long las dei em tasol yu husat manmeri sapotim mi.

**Arron Pindi**  
Wara Kantri  
Lae, Morobe provins.

## Maski tok baksait long narapela

**Dia Edita,**  
Mi laik sapotim pas bilong sista Angelina Goodwin long deit Novemba 11 olsem sista ya i tok tok long pasin bilong gosip.

Mi wanpela brata we mi no save laikim pasin bilong gosip o mainim samting bilong narapela man o meri, so long sapotim sista Angelina mi laik tok olsem long Baibel em i tok pasin bilong bel kaskas long ol man i stap gut na pasin bilong spak na

hambak na singaut bikmaus, ol man i save mekim ol dispela kain pasin ol bai no inap go insait long kindom bilong God.

Na narapela tu em sista ya tok long ol wan wok meri bilong em i save wokim pani na lap long ol gosip ol i save mekim. Olsem na long sapotim sista ya, mi laik tok olsem long buk bilong Olpela Testamen em i tok maski yumi lap, bel hevi i no inap lusim yumi. Na taim ama-

mas i pinis. Bel hevi i stap yet, olsem na sekim tu tok beksait i save mekim man i pes drai.

Olsem na mi laik tok yu husat brata o sista lusim dispela kain pasin, bikos dispela kain liklik pasin i en bringim yumi long rot bilong hel tasol.

**Caspar Baki**  
Bialla, Wes Niu Britan provins.

## Lukautim ol minerel bilong PNG

**Dia Edita**  
Wanpewla top bisnisman bilong kantri Amerika (USA) em i stap na tok i painim em na i pundaun insait long bel bilong en olsem i gat wnapela Tresa ailan i stap antap long bikneme wolwara long wol, em Pasifik osen.

Yu save, kain bilong ol bisnisman, ol save gat tingting bilong inves. Bikos em i rot bilong kamapim planti moni na groim bisnis i go bikipela tru.

Orait em i kirap long kantri bilong en USA na i flai long balus i kam daun long

Kengero kantri (Ostrelia). Na askim ol, we dispela tresa ailan long Pasifik na ol i tokim em, em PNG tasol. Tenkyu God.

PNG God bikipela antap i blesim long gol, kopa, silva, oil, gas timba na planti ol neterel risoses.

Tasol ol dispela ol tresa bilong dispela kantri na pipel i go we, mi i no save, nogut mi sutim tok nating na mi brukim lo bilong kantri na God bikipela i kros hariap long mi. Dispela ol risoses tasol i save kamapim ol developmen long kantri.

Yumi i mas save olsem samting God i givim, em i sans na wanpela taim tasol. Olsem na sapos yumi i misyusim em pinis bilong en na sapos yumi i lukautim gut bai God i givim moa blessing.

**Philip Pais**  
VANIMO

## Kamapim gen Morobe

**Dia Edita,**  
Mi wanpela pikinini Morobe na mi sapotim tru toktok bilong gavana L. Wenge na Lod Meya T. Mionzing na administreta A. Sengero.

Toktok we ol tripela lida bilong Morobe provins i mekim em mas karim kaikai insait long dispela yia tasol, noken maus pairap long pablik na nogat bilong em.

Bikos mipela pipel bilong Morobe stret i kisim pen inap i kam long han bilong ol bekhet man, mipela i laik i stap gut olsem long 60s na 70s bipo long 1960s na 1970s i no gat kain pasin bikhet i bin i stap nogat na nogat tru.

Tasol nau ol pipel bilong narapela provins i kam i stap na mekim planti bikhet pasin na bagarapim gutpela nem bilong Morobe.

Nau mi laikim yumi olgeta Morobeans i mas putim olgeta main

pawa bilong yumi na strongim dispela maus Morobe sekuriti long mekim wok bilong em, long rausim ol bikhet manmeri i go bek long provins bilong ol yet. I nogat arapela taim moa i stap long yumi klinim siti o provins bilong yumi, nau 1998 em taim stret long klinim siti na Morobe provins olgeta long bikhet pasin.

Mi laikim bai tripela lida ya i mas givim opis na ka kwik na ol mekim wok hariap. Mipela pipel bilong Morobe bai givim 100 pesen sapot bilong mipela i go long dispela sekuriti bilong Morobe stret.

Mi tenkim ol tripela lida ya long ol gutpela toktok bilong ol. Mi yet mi sapota tru bilong maus Morobe.

**Gusa Yaap**  
Lae, Morobe provins.

## Lukautim gut bodi

**Dia Edita,**  
Mi wanpela manki long Lae siti. Mi bin lukim o ritim nesenol niuspepa long Mande Mas 2, Moncia Mugarenang, bodi bilding long Mosbi.

Mi no amamas tru long lukim dispela kain pasin we, olgeta pat bodi i stap nating tru. Planti taim i save kamap long niuspepa.

Na nogat pei bilong em, em bilong wanpela dei tasol. Planti manmeri i no save amamas.

Brata na susa bodi bilong yumi ol man em haus holi, papa, pikinini, holi spirit i stap isnait long en.

**Pat Wanio**  
Lae, Morobe provins.



**THE Independent**

**Baim wanpela kopi tete na lukim ol nius bilong PNG, wol na kainkain nius bilong spot tu.**

*Pepa bilong yumi stret!*



**BAIM NA RITIM!**

**Betde Griting**

**Rhett Ipele Niles**  
i winim  
10-pela  
krismas  
nau  
(13/3/98)



Mipela olgeta i tok Hepi Betde Rhett na God-bles yu.

Toto, Mims, Fio, Loz, Liam na mama long Bittern PI, Gordons.  
Ol pambo na kas long Mengar na spesel wan long Paps long Hiroshima.

# Mi sapotim maus Morobe sekyuriti

**Dia Edita,**

Mi wanpela man Buang stret, na mi sapotim gavana bilong Morobe. Luther Wenge long givim bikipela sapot bilong em long maus bilong Morobe sekyuriti bilong Morobe stret.

Mi bin ritim toktok bilong em long *Wantok Niuspepa* namba 1,232, na mi amamas tru long

em.

Mi laikim gavman long rausim ol sekyuriti bilong siti kaunsil, na givim wok i go bek long ol sekyuriti bilong yumi Morobe.

Bikos ol dispela lain sekyuriti bilong Lae siti kaunsil i save kisim moni long mipela nating nating long ol liklik samting

olsem, maus ret long buai, skin bilong kiau, na pipia bilong smok, na i no bak bilong smok.

Sampela bilong ol dispela i save kisim moni bilong mipela na baim bia, smok na kaikai.

Ol i save giamanim ol mamapapa bilong ples long Lae maket na kisim mani

bilong ol.

Mipela i les pinis long kompelen wantaim ol dispela sekyuriti long ol pablik ples long Lae siti.

**Nim Koni  
Potsie viles**

**Lae, Morobe provins.**

# Rausim ol les manmeri

**Dia Edita,**

Dispela open pas mi laik opim ai na yau bilong gavana Sir Michael Somare na edministreta Peter Maginde long mekim sampela samting long ol pablik sevis bilong Is Sepik bikos ol i save pilai hos res na pokies masin tumas.

Bilong wanem na ol dispela gavman wokman i stap long wok? Bilong givim sevis long o nagat o bilong stilim pei nating bilong gavman?

Em wanpela sem na pipia pasin ol i save wokim na planti divisinol het i save yusim gavman ka long biknait. Em wanem kain pasin?

Mi wok olsem praivet konsalten insait long provins long 2-pela yia na mi lukim ol dispela samting i wok long go het yet.

Wanem taim bai Sir Michael Somare na Mista Maginade i givim sampela mekim save long ol bikhet na les pablik sevan?

Sampela samting we mi laik lukim i kamap em hia.

1. Givim sekula long olgta divisonel heds bilong Is Sepik pablik sevis.

2. Holim wanpela "pablik sevis samit" bilong olgeta divisinol heds na toktok long ol.

3. Pinisim ol dispela manmeri husat i no save wok na putim nupela man. Bai provinsel gavman rifom i no inap wok sapos dispela kain pasin bilong ol pablik sevis i stap yet.

Dispela pas em mi raitim long ol rabis pasin i kam olgeta na mi laik lukim sampela senis i kamap.

**John Sebastian Kriosaki**

**Wewak, Is Sepik provins.**

# Strongim vegrensi lo long PNG

**Dia Edita,**

Ai bilong mi i bin op na mi kalap nogut tru taim mi lukim dispela nius long fran pes bilong *Post Courier* na mi amamas bikipela tru.

Plis tru sapos inap bai yu putim tingting bilong mi i go long strongim dispela toktok bilong ol gavana i bin bung long strongim gen lo bilong vegrensi ekt.

Bipo tru long 1960 i go long 1974 yumi i gat dispela lo i stap.

1. Yumi mas i gat pas bilong kaunsil bilong yumi long eria bilong yumi long i go lukim wantok long arapela provins.

2. Ol plis i save opim banis long ol haus long olgeta mun long painim ol pasindia holim ol na salim ol i go long asples bilong ol.

3. Ol kaunsils ol i gat komiti wok long

ples, wokim rot, wokim tolet, clining skul klinim haus sik na wok bisnis long ples.

4. Ol didiman opisa na arapela lain tu i go insait long ples na helpim ol man lainim ol na kirapim bisnis bilong ol long dinau moni bilong beng.

Em olsem na namel long yia 1960 i go long 1974 i nogat man raun nating na i nogat ol bikipela trabel i save kamap olsem,

a) Kilim man nating nating,

b) Nogat holim femili long haus na stil o pulim mama o pikinini meri,

c) Meri/pikinini wokabout fri long nait long taun o strit,

d) I gat rispek long pikinini, mama na ol lapun man,

e) Tambu long dring long pablik ples.

f) Bareks bilong ol army navy na plis i nogat pasindia na tambu tru long ol man nating i go insait toktok long nogat disiplin insait na outsait.

Em tasol tingting bilong mi na mi laikim gavman mas go hed na amendim dispela vegrensi ekt mas kamap lo nau, no ken westim taim.

Kainkain lotu o grup ol i prea planti yia na i nogat senis, satan i trong tumas. Olsem na man i ken putim lo long lukautim yumi yet.

Yu husat sapos yu no amamas bekim tasol pas i go long *Wantok Nius*.

**Mista George Kambing**

**Madang, Madang provins.**

## Lokol level gavman mas givim helpim

**Dia Edita,**

Mi wanpela tred stoa ouna long Goroka Komuniti Gavman, Biiala Wes Niu Britan provins. Mi save painim tru ol mani mipela ol tred stoa ouna i save baim ol laisens na givim i go long kominiti gavman.

Las yia bikipela korapsen i bin kamap long sait bilong fainens, tasol ol i no bin iuk-save long mistek bilong ol na askim mipela ol stoa ouna long baim K80 lisens long dispela yia 1998.

Mi askim yupela ol opisas long sapim gut het bilong yupela na givim sampela helpim mani long ol tred stoa ouna. Gavman i save kisim bikipela mani taim mipela i save baim laisens, sales teks taim mipela i wokim oda na tu taim mipela i baim freit bilong ol kago.

Mi mekim ol dispela tok bikos komuniti gavman i save pulim bikipela mani long ol pipel olgeta yia tasol em i no save baunsim bek mani i go long ol pipel. Long iuk-save bilong mi, pasin bilong wantok sistem i pulap long kominiti gavman.

Mi laik mekim apil bilong mi i go long yupela ol presiden bilong (LLG) long ol narapela provins long kantri (PNG) long noken mekim dispela pasin.

**Peter Simon Alaele  
Biiala, Wes Niu Britan  
provins.**

## Helpim long stapim sik AIDS

**Dia Edita,**

Mi wanpela manki Popondetta na mi stap long Kiunga taun long Westen provins. Mi laik sapotim pas bilong Seran Bayau long *Wantok Niuspepa* long Februeri 5.

Susa bilong yumi i toktok long hau na sik aids i kamap long ol liklik pikinini nau.

Mi bilip tu, i no asua bilong ol liklik pikinini. Em i asua bilong mama bilong ol. Mama, taim em stap yangpela em i, no save stap gut, em save raun raun tumas wantaim ol narapela man. As bilong em pikinini i kisim sik aids.

Insait long Baibel

long 1 Korintian lain 12 go long lain 20, em i tok long bodi bilong yumi em tempel bilong holi sprit.

Olsem na mi laik tokim yumi yangpela manmeri bilong Papua Niugini long lukluk gut long raun bilong yumi tude.

Bipo mi pinis mi laik tokim yu sapos, yu kisim Jisas long laip bilong yu, bai yu stap amamas ol taim. Em tasol na tenkyu, na sapos yu laik sapotim tok bilong mi, rait tasol long *Wantok Niuspepa* na bai mi ridim.

**Vincent Gavine  
Kiunga, Westen  
provins.**

## Opim bia long Enga

**Dia Edita,**

Mi wanpela manki Adnamaray insait long Kalpenmanda long Enga provins. Nau mi stap long Kumbas. Long Enga yet mi laikim gavman mas opim bia long Enga long dispela yia 1998.

Mipela ol Enga i paim bai long Hagen na ol Hagen raskol i wok long kisim mani bilong mipela. So gavman mas opim bia.

**E.M.W Pupu  
Adnamaray, Enga provins.**

PNG BUSINESS

1998

MARCH

only 50t

Keeps rolling Monthly!

Covers, Appointment,  
Shipping, Motoring,  
International and  
Local News.

ISSUE

Your one and only

BUSINESS newspaper is

out, and in your nearest


Newsagent!!

Call 325 2500


# JOHNSTONS PHARMACY

## This Weeks Specials

... From 4/3/98 till 18/3/98



TOWEL MEDIUM  
WAS K8.13  
**K6.42**



CUSSONS BABY  
SOAP 125g  
WAS K2.87  
**K1.73**




COTON  
WHITE 1/2 DOZEN  
WAS K8.26  
**K6.59**



FIESTA  
NAPPY CLEANER  
WAS K9.63  
**K7.82**

### 20% OFF SELECTED CLOTHING.

1 MENS T/SHIRTS, ROUND NECK PLAIN COLOURS - 5 STYLES.....	WAS K20.00 .....	NOW K16.00
2 MENS T/SHIRTS, ROUND NECK PLAIN COLOURS - 5 STYLES.....	WAS K7.10 .....	NOW K5.68
3 MENS T/SHIRTS WITH HOOD. ASSORTED COLOURS.....	WAS K9.85 .....	NOW K7.88
4 MENS LONG SLEEVE JEANS SHIRTS.....	WAS K8.00 .....	NOW K6.40
5 MENS SHORT SLEEVE SHIRTS.....	WAS K20.00 .....	NOW K16.00
6 MENS T/SHIRTCOLLAR NECK WHITE COLOUR.....	WAS K10.00 .....	NOW K8.00
7 MENS LONG TROUSERS.....	WAS K15.00 .....	NOW K12.00
8 MENS LONG JEANS.....	WAS K37.00 .....	NOW K29.60
9 MENS PANTS.....	WAS K1.95 .....	NOW K1.58
10 MENS SOCKS.....	WAS K2.15 .....	NOW K1.72
11 MENS SHORTS.....	WAS K9.95 .....	NOW K7.96
12 LADIES TOPS.....	WAS K7.00 .....	NOW K5.60
13 LADIES BRAS.....	WAS K6.00 .....	NOW K4.80
14 LADIES PANTS.....	WAS K1.92 .....	NOW K1.53
15 LADIES SKIRTS.....	WAS K8.95 .....	NOW K7.45
16 LADIES UNDERSKIRTS.....	WAS K3.95 .....	NOW K3.00
17 GIRLS DRESSES ASSORTED COLOURS.....	WAS K8.30 .....	NOW K6.64
18 GIRLS PANTS.....	WAS K1.23 .....	NOW K0.98
19 GIRLS SOCKS ASSORTED COLOURS.....	WAS K1.00 .....	NOW K0.80
20 BOYS SHORTS.....	WAS K3.80 .....	NOW K3.12
21 BOYS SHIRTS.....	WAS K6.00 .....	NOW K4.80
22 BOYS PANTS.....	WAS K1.10 .....	NOW K0.88
23 BOYS LONG JEANS.....	WAS K14.50 .....	NOW K11.60
24 BOYS JACKETS WITH HOODS.....	WAS K26.80 .....	NOW K20.80
25 BOYS SOCKS.....	WAS K1.75 .....	NOW K1.40
26 BABY PILLOW.....	WAS K15.00 .....	NOW K13.00
27 BABY BLANKET QUILT.....	WAS K40.00 .....	NOW K32.00
28 BABY SIDE PILLOW.....	WAS K17.00 .....	NOW K13.60
29 BABY SIDE PILLOW SET.....	WAS K25.00 .....	NOW K20.00
30 BABY SOCKS.....	WAS K6.00 .....	NOW K4.80
31 BABY CHANGE MAT.....	WAS K6.00 .....	NOW K4.80



**JOHNSTONS PHARMACY**


BOROKO PORT MORESBY KOKI WAIGANI ERIMA  
325 5336 321 4424 321 7318 323 3706 325 2120

## NATIONAL CAPITAL DISTRICT COMMISSION

Nius i kam long



Siti Hol



# MIS NCDC 1998, MIS HELAI MOANA OALA



"Long senisim wanem samting mi ken long sosaiti tude long kamapim gutpela samting long bihain long ol meri na pikinini bilong PNG" em bikpela tingting na laik bilong dispela 20 kris-mas meri hap Hanuabada na Rigo.

Em i smatpela meri, tok Inglis bilong em i gutpela, tokples Rigo, tokples Motu, tok pisin na tokples Frens tu.

Sapos yu no bilip tumas long em, em i wanpela wokmeri long sait bilong Kompyuta Eid Drafsmen wantaim NCDC, wanpela kain wok we planti meri i no save mekim.

Yu ken lukluk long pes bilong em tasol na smail bilong em i ken tokim yu stret olsem ol dispela laik bilong em i tru.

"Famili em ples we ol gutpela samting i save stat". Sapos ol papamama i skulim ol pikinin bilong ol long gutpela helt, edukesen, na arapela gutpela samting long laip, yu no inap bungim hevi," dispela em ol tingting bilong em long daunim ol hevi insait long kantri.

Wantaim ol dispela bilip na tingting bihain long em, Mis Helai Moana Oala i laik go insait long resis bilong Mis PNG Kwes olsem Mis NCDC.

Opisel open de bilong tokaut long dispela resis bilong em bai kamap long neks wik.

Em i tok sapos Red Cross Society i stap insait long bisnis bilong helpim ol manmeri wantaim sik, hangre. bagarap na hevi samting, ating ol i mekim gutpela wok stret na mi laik stap insait wantaim ol long dispela kain wok.

Tingting bilong winim dispela Kwin resis i stap longwe yet, Mis Helai i laikim long kisim Mis Sariti na i no Kwin bilong Mis PNG.

.....

## SITI HOL WELKAMIM TEMINOL DEVELOPMEN

Nesenel Kapitel Distrik Komisin i tok amamas tru long opening bilong K120 milien intanesenel teminol long Jacksons intanesenel ples balus.

Gavana Philip Taku na Ekting Siti Edministreta Benjamin Jacob i mekim bikpela tok amamas i go long Japan gavman long

mekim kamap dispela projek we bai i go longpela hap long kirapim tred bisnis long kantri na arapela wok bisnis insait long wol tu.

Gavana Taku i tok amamas tu long developmen na makim olsem dispela em bikpela developmen long siti taim em i tok amamas i go long JICA na kontrakta, Fletcher Morobe insait long welkam toktok bilong em.

Mista Jacob i tok tu olsem ol samting long hap bai helpim long kirapim turism indastri na helpim long kamapim moa ovasis tred na invesmen na bikpela samting em sevis i go long ol manmeri bilong siti na ol lain i save raun i kam long Mosbi siti.

Em i joinim Gavana long kolim ol manmeri long lukautim gut dispela ples balus na i no ken bagarapim, tromoi pipia, spet buai nabaut long ples balus.

"Yumi mas amamas long dispela bikpela pablik trenspot projek we i kosim ol pren bilong yumi long Japan bikpela mani na i bin kisim 13 krismas olgeta long putim wantaim ol wok plen na samting. Olsem na lukautim gut na yusim gut," em i tok. Mista Taku i tokaut long opening olsem dispela temino' olsem bikpela aset tru, ol pipel i mas lukautim olsem samting bilong ol stret na i no ken bagarapim o spet buai nabaut long en.

.....

## PABLIK TOKSAVE

Nesenel Kapitel Distrik Building Atoriti i laik toksave long ol papa bilong ol haus we i nogat building permit long NCD olsem taim bilong brukim na rausim ol kain haus olsem bai stat long Epril 1998. Olsem na yu mas rausim ol kain haus olsem nau. NCDC bai kotim ol lain i brukim dispela lo long kisim bek ol mani i lus. Dispela em olsem ol liklik stua, na ol haus we i surik i go ekstra, ol banis na sainbot. Nesenel Kapitel Distrik Komisin bai stat wantaim wok bilong rausim ol dispela kain haus na bilding sapos yu no bihainim dispela tok lukaut.

Yu gat wanpela mun long dispela taim bilong toksave long stat rausim ol haus na banis bilong yu.

Siamah  
NCD Building Authority

**NCDC Pablik Afeas Divisen i autim dispela tok**

**PORT MORESBY SCHOOLS SOCCER ASSOCIATION**

Opening day and week one draw  
Saturday March 14, 1998

Opening day March past 8.00 to 10.00 TBA to be announced.  
Turn up for game

<b>Under 7</b>		
10.00	Ela Beach vs Gordons	3
10.40	Murray Int A vs St. Josephs	3
11.20	Pomis vs Korobosea	3
12.00	Murray Int B vs TBA	3
<b>Under 8</b>		
10.00	Ela Beach vs Gordons	8
10.40	St. Josephs vs Murray	8
11.20	Pomis vs Korobosea	8
<b>Under 9</b>		
10.00	Ela Beach vs Gordons	4
10.40	St. Josephs vs Murray Int A	4
11.20	Pomis vs Murray Int B	4
12.00	Korobosea vs Wards Strip	4
<b>Under 10</b>		
10.00	Ela Beach vs Gordons	10
10.50	St. Joseph vs Murray Int A	10
11.40	Murray Int B vs Pomis	10
12.30	Korobosea vs Wards Strip	10
<b>Under 11 A</b>		
10.00	Sacred Heart vs Ela Beach	11
10.50	Gordons vs St. Josephs	11
11.40	Murray Int vs Pomis	11
<b>Under 11 B</b>		
10.00	St. Peters vs Moitaka	2/1
10.50	Goldie River vs Korobosea	2/1
11.40	Wards Strip vs TBA	2/1
<b>Under 12 A</b>		
10.00	Sacred Heart vs Ela Beach	2/2
10.50	Gordons vs St. Josephs 2/2	
11.40	Murray Int vs TBA	2/1
<b>Under 12 B</b>		
12.30	St. Peters vs Goldie River	2/2
01.20	Korobosea vs Wards Strip	2/2
12.30	Pomis vs TBA	2/1
<b>Under 13 B</b>		
01.00	St. Peters vs Moitaka	6
02.00	St. Johns Toks vs Korobosea	6
03.00	Wards Strip vs TBA	6
<b>Under 14 A</b>		
10.00	Sacred Heart vs Dela Salle	7
11.00	Gordons vs Pomis	7
12.00	Bavaroko vs Holy Rosary	7
<b>Under 14 B</b>		
01.00	St. Peters vs Moitaka	7
02.00	Waigani vs Wards Strip	7
03.00	St. Johns Toks vs TBA	7
<b>Under 15 A</b>		
10.00	Sacred Heart vs De La Salle A	1
11.00	Pomis vs Waigani A	1
12.00	St. Peters vs Hohola Youth	1
01.00	Coronation vs Wards Strip A	1
<b>Under 15 B</b>		
02.00	De La Salle B vs Holy Rosary	1
03.00	Bavaroko vs Waigani B	1
02.10	Kila Kila vs Moitaka	2
03.10	Wards Strip B vs St. Johns Toks	2
<b>Under 16 A</b>		
10.00	Maino Heduru vs De La Salle	I/S
11.00	Don Bosco vs Hohola Youth	I/S
12.00	Coronation vs TBA	I/S
<b>Under 16 B</b>		
01.00	Kila Kila vs Gordons Sec	I/S
02.00	De La Salle vs Wards Strip	I/S
03.00	Holy Rosary vs TBA	I/S
<b>Under 17 A</b>		
08.00	Maino Heduru vs De La Salle	1
09.00	Don Bosco vs Hohola Youth	1
10.00	Coronation vs Korobosea	1
<b>Under 17 B</b>		
11.00	De La Salle vs Sacred Heart	1
12.00	Kila Kila vs Pomis	1
12.00	Gordons Sec vs TBA	2
<b>Under 17 Girls</b>		
08.00	Maino Heduru vs Bavaroko	2
09.00	St. Peters vs Hohola Youth	2
10.00	Kila Kila vs Gordons Sec	2
11.00	Wards Strip vs TBA	2

**Note:** Games to start and finish strictly in accordance with programme.

**PORT MORESBY RUGBY LEAGUE**

Pre-season Draw Week Four  
Saturday, 13 March, 1998.

Tigers vs Waliya  
Hawks vs Post Puma  
Defence vs Magani

Sunday, March 14, 1998.

Dobo Warriors vs Souths  
Brothers vs West  
Tarangau vs Royals  
Paga vs Gerehu United



• Kepten bilong Word Publishing, Miva Morabang i brukim bilas na ran kam insait long netbal kot. Tim bilong em i nekim Daikin 39-32.

Ol poto: Ivan Bayagau



• Gutpela stail, tasol poroman bilong yu we? Mama ya i givim kaikai long amamasim ol sapota husat i kamap long lukim Praivet Kampani Netbal gren fainel las Sande.



• Senta bilong Word Publishing Julie Apau i putim was long birua bilong em long gren fainel. Word Publishing i win 39-32.  
• Aninit: Sori tumas, traim gen neks yia. Ol boi Works i sanap kisim poto bipo long gren fainel egens long Air Niugini. Air Niugini i win 4-2.



• Win paip stret. Pilaia bilong Magani i kamap sup bilong ol Royals. Dispela em piksa bilong Pot Mosbi pri-sisen ragbi lig.

**GORDONS TOUCH ASSOCIATION A GRADE POINTS TABLE AFTER ROUND 20**

TEAMS	PL	W	L	D	FOR	AGNT	PTS
Wards Bulldogs	19	14	3	2	220	129	30
Lapwing Tigers	19	12	5	2	201	150	26
Erima Magpies	19	11	6	2	197	136	24
Corner Panthers	19	12	7	-	180	131	24
Bala Raiders	19	11	7	1	221	156	23
Konabar Eels	19	10	7	2	160	129	22
Flats Steelers	19	10	7	2	129	113	22
Sea Eagles	19	10	9	-	207	184	20

B GRADE	PL	W	L	D	FOR	AGNT
Erima Magpie	19	15	4	-	279	30
Lapwing Tigers	19	13	3	3	150	29
Bala Raiders	19	13	5	1	185	27
Flat Steelers	19	12	5	2	189	26
Corner Panthers	19	12	5	2	126	26
Masalai Warriors	19	192	6	1	181	25
Blue Heelers	19	10	5	5	124	23
Konabar Eels	19	8	8	11	153	21

C GRADE	PL	W	L	D	FOR	AGNT	PTS
Corner Panthers	19	13	4	2	123	39	28
Erima Magpies	19	12	6	1	156	31	27
Blue Heelers	19	13	5	1	145	64	27
Masalai Warriors	19	12	4	3	70	46	27
Flats Steelers	19	10	8	1	125	94	21
Lapwing Tigers	19	9	9	1	101	92	19
Peulik Dodgers	19	8	8	4	94	84	18
Sea Eagles	19	10	10	1	70	68	17






• Ol yangpela bilong Word Publishing netbal tim i mas long opening bilong Mosbi Praivet Kampani Netbal kompetisen.



• Tupela tim i bung: Daikins na Word Publishing bipo long gren fainel.



• Orma Vala bilong Yunivesiti i soim stail bilong em long Mosbi Pablik Sevans netbal kompetisen.

**Pot Mosbi wiken spot eksen**

*Poto: Ivan Bayagau*



• Susa yu mas paul yah! Dispela i no disco, em tapioka danis. Yu mas tingting gut. Dispela em ol lain Trobriand Ailan i mekim save tapioka danis long CDPSSA gren fainel las wik.



• Biknem Jinx Wambot (lephan) bilong PTC i stap kik bilong pilaia bilong Tisas. Ol tisa i win.

# Madang makim sofbal skwat

## BEN TAUMAI i raitim

MADANG Sofbal Asosiesen i makim pinis tupela trening skwat bilong man na meri long makim Madang long resis long nesanel sofbal sempionsip long Kokopo, Is Nu Briten provins long lsta wiken.

Interim Presiden Dick Bart i tokaut long dispela i no long taim i go pinis olsem planti bilong ol pilaia ya em ol junia pilaia na liklik em ol olupela lain.

Em tok, nau yet ol makim 25 man na meri long trening skwat tasol bihain bai ol daunim daun long fainel 17 pilaia long makim man na meri.

Plantu bilong ol dispela ol pilaia em ol junia, em long wanem asosiesen i gat bikpela bilip long promotim ol na rereim ol bihain taim, Bart i tok.

Yu bai lukim olsem planti bilong ol dispela ol pilaia em ol junia bikos asosiesen i gat bikpela bilip long ol na tu long redim ol long bihain taim long wanem taim bilong mipela ol olupela lain i kam sot nau", Bart i tok.

"Olsem na mipela makim ol junia bikos ol gat longpela taim yet long go na tu i junia bin soim bipo olsem ol inap karim nem bilong Madang."

"Ol junia man na meri i bin winim pinis taitel bilong ol junia long nesanel sempionsip olsem na dispela i no bikpela wari long mipela, mipela laik givim ol sapot tasol long ol na tu ol mas save long presa gem bilong sinia na faim gem bilong ol kamap ol bai nogat problem."

Wantok i save olsem Kabiu klap long Madang tu bin yusim wankain stail olsem na bin winim Nesanel Klub taitel long tupela taim bikos planti bilong

ol em ol junia na ol gat planti spit.

Bart i tok, long dispela sempionsip bai ol nesanel, selekta bai makim wanpela tim bilong makim PNG long SP Gems long neks yia olsem na em tok em gat strongpela bilip olsem sampela ol pilaia bilong Madang bai stap insait long skwat.

"Em nau em samting bilong ol pilaia bilong yumi long Madang nau long trening hat na pilai gut long sempionsip long grisim ol selekta long makim ol long skwat", Bart i tok.

"Sans i stap olsem na nau mi laikim ol pilaia bilong yumi long trening hat nau na pilai gut tu long sempionsip", em tok.


Ol pilaia i stap long trening skwat em (man: Michael Ronney, Dick Bart Jnr, Willie Viviel, Godfried Baniau, Charles Matupit, Meli

Taragnau, Damien Kisa, Willie Upaupau, David Upaupau, George Petau, Bruce Erol, Chris Karl, Ricky Diao, Cedric Diao, Fedakis Tdok, Melchior Tobok, James Move, Tiolam Manuga, Gaius Babate, Russel Loni, Joe Pisaru, Desmond Zale na Brain.

Ol meri em: Natalie Bart, Georgina Mocke, Agnes Diou, Cristel Diou, Elizabeth Misian, Lina Joshua, Linda Akil, Delphina Selan, Jacqueline Takaili, Fedelma Takaili, Glenda Sasha, Syliva Manguri, Rose Bukoya, Christine Siming, Tracey Kig, Pennie Sape, Maria Apuka, Vero Randall, Rodie Pidik, Selina Darios, Tapia Dagg, Wendy Garalom, Goretti Babate, Grace Luke and Tesilia Rolly.

Ol kosa em Agnes Diou bilong ol meri na Allan Waiau bilong ol man.

## STORI BILONG PILAIA



### SAPE METTA i raitim

**Name:** Bobby Mondia  
**Nickname:** Sirrow  
**DOB:** 27/02/74  
**Age:** 24  
**Starsign:** Scorpion  
**Weight:** 85kg  
**Height:** 176cm  
**Village/district:** Goigme Gembogi  
**Province:** Simbu  
**Marital status:** Single  
**Education:** 6 & Grade 10 in Goroka High School  
**Occupation:** Nil  
**Employer:** Nil  
**Religion:** Catholic  
**First Played Basketball:** 1990  
**With which club:** Catholic Youth basketball club (Goroka)  
**Current club:** Mambu ruts stones (Goroka)  
**Position:** Forward  
**Division:** A Grade  
**Who had the most influence on you:** Aisa Nao  
**Any rep games:** Goroka squad since 1990-91  
**Favourite other sports:** Rugby  
**Favourite coach:** Aisa Nao  
**Favourite PNG International Basketball player:** Luke Ialai  
**Favourite overseas basketball player:** Larry Bird  
**Favourite food:** Aigir  
**Favourite drink:** Passiona  
**Favourite relaxation:** Lukim movie long TV  
**Likes:** Sharing and encouraging one another  
**Dislikes:** Gossiping alot  
**Ambition:** To represent Goroka Basketball team  
**What will your intensions be in 10 years from now:** To become a basketball coach and help those who don't know how to play basketball.

## Skuls soka i stat nau

POT MOSBI SKULS Soka bai statim 1998 sisen bilong em long dispela wik Sarere long Sir John Guise stadium, Wagaini.

Petron bilong Skuls Soka na eksekutiv dairekta bilong PNG Spots Komisnin John Kambuou bai opim dispela soka yia.

Presiden bilong Skuls soka Joe Heenan i askim olgeta tim long kamapim kwik na kisim bal bilong ol long sponsa, Coca Cola. Long dispela yia, Coca Cola bai givim 5-pela trenning bal i go long olgeta soka tim.

Resis bilong skuls soka i strong tru ya. Na samting olsem 95 pesen bilong ol tim i bin givim nem pinis long kik long dispela yia.

Ol tim i no rejista i ken givim nem long neks wik. Ol opisel i ken stretim dro long putim nem bilong ol tim.

Sapos wanem ol pilaia i stap insait long dispela soka resis, ol bai gat sans tu long pilai insait long Port Moresby nesanel yut kap kompetisen long pinis bilong dispela sisen.

Plantu ol skul i no bin givim nem bipo i wok long kambek na laik pilai long soka sisen long dispela yia.

Ol skul ya em Moitaka Wildlife na Bomana. Ol boi long Moitaka i stat trening yet long krismas na ol i redi tasol long autim wanem ol tim. Ol arapela skul em St Johns long Tokarara.

Heenan i singaut i go long ol kampani husat i gat laik long helpim skuls soka i mas ring ol eksekutiv bilong em.

## Idmon i paia long Madang

HATWOK bilong kepten bilogn Idmon Rose Bukoya i popaia na tim bilong em i lus long Wills Karau 9-6 long "A" gret gem bilong ol meri long semi-fainel long Madang Sofbal kompetisen long las sarere.

Hatwok bilong Bukoya i popaia bikos em tasol i trai hat na brukim kiau. Na i no long taim liklik poro bilong em kam skoa gen na tim bilong em i smelim bihain long Karau 2-3. Ol poin bilong Karau em ol skorim long nambawan na namba 3 inings. Namba wan poin i kam long nambawan ining na narapela tupela i kam long namba 3 ining, em Penny Sape wantiam Antonia i bin skorim.

Tupela tim wantaim i bin taitim bun tru na banasim narapela long noken skorim poin inap long namba 5 ining. Long dispela taim Karau i go pas yet long wanpoin, tasol ol Idmon i

koros liklik long referi Mathew husat i kolim taim na gem. Olsem na interim presiden Dick Bart husat i lukautim nambawan bes tu olsem ampaia i oraitim pilai i go inap long namba 7 ining.

Karau i wanbel tasol long tingting bilong ampaia na go insait na bet, tasol lewa bilong ol na tingting bilong ol i no stap gut o stret long pilai na pitsa bilong Idmon Jacqueline Takaili i K2 tupela taim na narapela em poro bilong em long nambawan bes i autim.

Bihain long tri daun, ol Idmon i go bet na Judith Zale Gabon i bekim bek dinau taim em go sanap long pitsing plet kisim ples bilong Clara Cletus. Long namba 7 ining Karau i salim bikpela strongpela beta bilong ol Randall i go bet tasol em salim hai bal na stail meri Milne Bay Bukoya ketsim na autim tiket bilong em.

Dispela i mekim bel bilong kosa Peter Bird Salaiau i no sinduan gut na em wokim kwik wanpela senis we em salim Samega go insait kisim ples bilong wanpela outfil-da. Senis ya i wok na helpim Karau long bringim 3-pela moa rana i kam hom long putim 5 skoa i go 6-2.

Dong Kaukesa bringim 2-pela poro bilong em i kam hom. Mekim na plan-ti ol spaota i ting olsem ol Karau i win pinis, tasol nogat. Taim ol Idmon i bet ol i bringim 4-pela ran i kam hom long levelim skoa 6-6 long las minit.

Ampaia Mathew i surikim gem i go bek long narapela moa ining na Karau yusim ol ekspireins pilaia bilong ol olsem Theresia Kig, Judith Zale, Anna Salaiau, Randall na yangpela Dong Kaukesa long stiaim ol na ol kisim narapela 3-pela moa ran long win 9-6.



• Ol sampela pilaia bilong Cosmos i trenning long Gordon soka fil long Tunde. Long raithan yu ken lukim Roy Karang, Emmanuel Tatau na Gabriel Nakau i traim stretim lek wantaim bal. Lukim stori long pes 28.

## EDDIE SAUNDERS i raitim

OL Katolik Yut long Mosbi i staim wanpela ragbi tas resis insait long Mosbi long bungim ol yut insait long siti.

Las wik Sarare Mas 7 resis i bin kik ov long St. Charles

## Nupela tas ragbi bilong ol katolik i stat

Luanga Vokesinol Skul long Gerehu.

Plantu ol yut mangi na meri i kamap na olgeta peris yut grup insait long Mosbi bai pilai long dispela pilai resis.

Kondineta bilong Katolik Yut ragbi tas Leonard Ani i amamas long fomim dispela resis.

As tingting bilong ragbi tas resis em long bungim ol yut na felosip."

Ani i tok em bin wok wantaim yut tripela yia nau na em lukim olsem plantu ol yangpela i lusim pasin lotu ol i laikim pilai na painim amamas. Plantu save bihainim spot olsem na

em i kamapim dispela tas resis.

Ani i tok, em driman bilong mi long kamapim dispela ragbi tas resis long traim long bungim ol yut olgeta wiken na felosip. Plantu Katolik yut long arapela peris i no save long arapela brata na susa bilong ol, na dispela i ken kirapim tru tingting bilong ol.

## Rabaul i laik holim soka sempionsip

IS NU Briten Soka Asosiesen i wok long paitim tok-tok yet long traim holim nesanel soka sempionsip long provins long Independens wiken.

Siaman bilong Is Nu Briten Spots Developmen Atorit George Wauleu i tok opis bilong em na Is Nu Briten Soka Asosiesen i bin askim pinis Papua Niugini Futbol Asosiesen long tingting bilong ol.

Wauleu i tok soka i no bikpela spot, na plantu ol man i no save bihainim dispela spot. Na sapos Is Nu Briten i holim sempionsip, dispela bai helpim tru soka developmen insait long provins.

Siaman i tok em i tingting long yusim yut spots program long strongim wok soka na tu larim ol meri tu i kam insait long dispela spot.

PNGFA i save amamas tru long kisim bek ol olupela senta long joinim mama bodi. Rabaul em wanpela strongpela soka senta insait long Niugini Ailan rijon wantaim Arawa.

Ol biknem pilaia husat i apim nem bilong Rabaul long soka bipo em Albert Saragum, Hatsire Manahe, Hubert Sareke na plantu ol arapela pilaia

Wantok i no inap kisim toktok bilong PNGFA presiden Peter Mommers.

## Hailens rijon i paia long ragbi lig

### ROBERT BOMA i raitim

MOA long 4000 pipel i bin kamap long lukim namba wan raun bilong Hailens Hiros ragbi lig sempionsip. Dispela sempionsip i bin kamap long Dickson Oval long Kundiawa, Simbu provins las wik.

Hailens Hiros sempionsip em ragbi lig resis namel long ol tim insait long hailens rijon. Bikipela astingting bilong resis em long painim mani long helpim ol pipel insait long rijon.

Ol tim i stap insait long dispela resis em Goroka Lahanis, Mt Hagen Eagles, Mendi Muruks, Waghi Tumbé, Enga Mioks na Simbu Warriors. Dispela ol tim bai stap tu long inta siti ragbi resis.

Insait long namba wan gem i bin kamap, sempion tim bilong inta siti, Mendi Muruks i kisim taim stret long han bilong ol boi Goroka Lahanis. Ol boi Goroka i autim tiket bilong ol 30-28. Long namba tu gem, Enga Miok i

soim olsem ol tu bai strong long inta siti taim ol i stapim ol Mt Hagen Eagles long namba wan hap bilong pilai. Tupela tim wantaim i pilai strong tru na skoa i sanap olsem Mt Hagen Eagles 10 na Enga Mioks i putim 4 poin-tasol.

Tasol long namba tu hap, pilai i wok long strong moa. Eagles i yusim eksperiens na ol hevi fowat long autim tiket bilong kaim long Wabag 20-12.

Long bikipela gem long apinun, nupela tim ya Waghi Tumbé i kamapim gutpela na strongpela gem tru egens long Simbu Warriors.

Tupela tim wantaim i kamap gutpela pilai. Olsem na skoa long hap taim Warriors 10 na Tumbé 4.

Gem i wok long go i kam, na ol Warriors i yusim eksperiens bilong ol winim ol boi long Waghi Veli 20-14 long fultaim.

Mek Peu na John Kiu i kamapim gutpela pilai stret tasol ol i no kisim gutpela sapot long ol poroman bilong ol ya.



• Papua Niugini Winfield Nains tim i win Plet long Osenia Nains ragbi lig sempionsip long Fiji. Foto: Joe Ivaharia.

## Mendi Muruks kisim K100.000

### ALPHONSE PU i raitim

MENDI Muruks i kisim K100,000 long provinsal gavman na Wills long stap insait long 1998 SP inta siti ragbi lig kompetisen.

Wills long i givim K40,000 aninit long nem Spear simuk na provinsal gavman i givim K60,000.

"Mipela i amamas tru long wok poroman wantaim provinsal gavman long sapotim provinsal tim," Gabriel Laka i tokim moa long 3000 pipel husat i bin kamap long lukim dispela selebren.

Laka i tok kantri i bungim bikipela hevi long mani, tasol kampani bilong em i no surik long dispela, em i sapotim yet wok bilong spot.

"Olsem bikipela kampani, mipela i amamas long sapotim wok bilong komyniti olsem sponsorim gem we planti ol pipel bilong Hailens i save pilai

na lukim," Laka.

Laka i tokaut olsem Mendi Ragbi Lig i kisim K10,000, Kagua na Koroba i kisim K5000 na Mendi Muruks tim yet i kisim K40,000. Dispela ol mani i kam long K60,000 em Wills kampani i givim long Sauten Hailens provins.

Gavana bilong Sauten Hailens Anderson Aiguru i makim maus bilong ol pipel long provins na givim bikipela tok tenk yu i go long Wills long sapotim ragbi lig insait long provins.

Aiguru husat tu i save pilai ragbi lig bipo i tok hap mani bilong em long givim long junia developmen na developim ol ples pilai insait long provins.

"Mipela i makim pinis Australian Difens Fos long droim intenesenel spot kompleks. Dispela kompleks bai i gat basketball na tu ragbi lig we planti ol pipel long Sauten Hailens i ken lukim na amamas.

## PNG winim taitel bilong ol lusa

PAPUA Niugini Winfield Nains tim i win Plet long Osenia Nains ragbi lig sempionsip long Fiji las wik.

PNG i autim Tonga 10-4 long resis bilong lusa (ol tim i lus).

Bipo long tonamen, planti ol saveman i ting olsem PNG bai win bikos long 1996 em i kamap seken. Australia wantaim ol biknem olsem Laurie Daley, Andrew Ettinghausen na Allan Langer i win.

Long dispela ya, Nu Silan i autim Fiji 20-14 long winim Kap. Samoa i winim Cook Ailan 14-10 long kisim bowl.

PNG i no laki tumas long pilai long fainel taim Nu Silan i autim tiket bilong Fiji long Sarere long prilimenari fainel. Long arapela gem i kamap bipo, Cook Ailan i nekim ol boi Nu Silan.

Long Fraide PNG lus long Nu Silan 17-14 na Fiji i wilwilim ol stret 14-4. Tasol long Sande ol i bin pilai gut tru na autim tiket bilong Samoa na Tonga na winim bal.

Nau yet planti sapota bilong ragbi lig i no amamas tumas long Osenia tim. Sampela i ting PNG i no fit long stap long dispela kain resis.

Ol i sutim tok olsem ol pilaia na opisal i noken sutim tok long referi. Maski referi i gutpela o nogut, ol i mas pilai strong long win.

Insait long ol arapela stori, PNG bai pilai wantaim Fiji Bati long Julai long Suva. Bihain long dispela gem, ol lain Fiji bai kam pilai long Mosbi.

Bai i gat ragbi lig resis namel long tripela kantri - PNG, Osenia Selek sait na Saut Afrika.

Dispela gem em long amamasim 50 krismas bilong ragbi long kantri na tu Intanesenel Ragbi Lig Bot i autim wol kap.

## Ol senis insait long Vanimo eben soka asosiesen

### FELIX RAMRAM i raitim

BIHAINIM namba wan miting bilong Vanimo Eben (Urban) Soka Asosiesen long Februari 6, i bin gat sampele senis i kamap long ol lo i karamapim VUSA.

Sem taim ol i luksave tu long tok orait bilong narapela asosiesen insait long Vanimo - Vanimo Kantri Soka Asosiesen.

President bilong VUSA Melchior Mokul na sekretari bilong em Mathew Nanguai bai holim wok bilong tupela inap long tu yia olgeta.

Ol narapela arepela ekskyutive em Bernard Api na Vaia siaman Bangbang Nere i tresera.

### 1998 komiti

I gat tupela komiti ol i makim insait long miting. Long Graun Komiti ol lain i holim opis em Paskal Narus, John Casey na John Neien na Fan Reising Komiti em Lucas Teki, John Tipo na Terence Koima.

Na ol komiti bilong Anda 19 em Peter Kanawi bilong Dama klab, Joe Kaseng bilong Diakonia klab na makim Lido klab em Paul Umpa. Sambawan wok bilong dispela komiti em long lukautim na ronim wok bilong edministresen bilong anda 19 tims bilong 1998.

### Ol klabs na tim

Bai i mas gat 14 klabs olgeta long pilai insait long VUSA kompetisen gems long dispela yia. Tasol insait long namba wan miting 13-pela klab i bin tokaut olsem ol bai rejista. Na miting i oraitim tingting bilong yesa long wanpela klab moa long joinim asosiesen.

Long ol tim, miting i pasim olsem wanwan klab i mas gat 3-pela tim - primia tim, wimens divisien na anda 19. Dispela nau bai i kamapim 32 tim olgeta.

Ol lain i kamapim tim bilong ol meri em Nings, Banua Gala, Lido, Taramads, Dust Streets, Diakonia, OIO na VHS. Taim ol lain bai i fildim Ania 19 tims em Tarameds, Dama, Diakonia, Lido, Gaidus, Olo, Banua Gala, Aitape United, Dust Streets na Nings.

VUSA presiden i tokim Wantok olsem sapos olgeta klabs i rejists, ol dispela klabs bai i pilai. Ol hia em Dama, Aitape United, Nings, Dust Streets, Musohu, Lido, Ela United, Tarameds, Diakonia,

Banua Gala, Olo, Gaidus, Yaks na Vanimo Hais Skul.

### Klabs rejistresen fi

Miting bilong Februari i pasim mosen bihain long planti toktok pait long mak mani bilong rejistresen fi. Mosen i pasim olsem K400 long wanwan klap na wanwan pilaia i baim K2 na wanwan tim tu bai i mas baim graun fi bilong K2. Dispela g' aun fi em ol tim i mas baim taim ol i ran i go insait long fi.

### I-ri sisen kompetisen

Melchior Mokul i tokaut tu olsem pri sisen kompetisen dro i no stretim yet. Bikos sampela samting i no stret yet olsem wok bilong katim gras long soka na ragbi fil. Maski VUSA i givim pinis K320.00 sek i go long Woks Dipatman long mekim dispela wok. Mista Mokul makim VUSA i givim bikipela tenkyu bilong em i go long Vanimo Taun Atoriti long givim dispela helpim mani long daunim bikipela gras i karamapim dispela 2-pela fil i stap long namel bilong Vanimo taun. Em i tok dispela i wanpela hevi ol klabs i save painim long nogat mani long katim gras long dispela 2-pela fil. I go wantaim ol narapela wok moa i save go wantaim wok bilong ronim ol kain spots insait long Vanimo. We i as planti gems i no save ron gut.

VUSA presiden i tokaut tu olsem long narapela miting bai ol i tren long tokaut long old ro bilong pri sisen we i mas stat pinis. Na soka sisen propa bai i stat long Mas. Tasol wantaim hevi bilong bikipela gras long 2-pela graun bai i as bilong ol gems i kik op leit.

Mokul i kisim taim tu long tokaut long salim tim bilong man na meri long go pilai insait long Mandela Stadium long Jayapura pinis bilong dispela yia. Nau yet komiti i wok long toktok bilong PNG Konsulet Opis long Jayapura long stretim tok-tok bilong dispela wokabaut.

Em i kisim taim tu long singautim wanwan LLG insait long provins long givim sampela helpim mani i go long VUSA. Long mak mani inap K400 wanwan long lukim olsem VUSA i rejisterim em yet i go long nesenol bodi bilong soka - PNGA long mak mani bilong K3,000.00.

Mista Mokul i tok dispela singaut i sanap long klap i stap klostu long joinim Vanimo Eben Soka Asosiesen.



• Lady Kidu i givim Kap long kepten bilong Teachers John Pips.

## Resis bilong fainel 8 kamap long Gordons Tas

### LIONEL YOGOMIN i raitim

BIKPELA resis bilong top 8 long Gordons Tas Ragbi bai stat long dispela wiken long Gordons Plis Bareks.

Ol tim i stap long fainel em Wards Bulldogs, Lapwing Tigers, Erima Magpies, Corner Panthers, Bala Raiders, Sea Eagles, Konaba Eels na Flat Steelers

Fainel long Gordons Tas em i olsem Stet ov Orijin. Ol haus lain i save bruk long sapotim tim bilong ol.

Nupela lo bilong top 8 i kamap, em i min olsem ol 4-pela tim i gat seken sans. Na ol arapela tim aninit long namba 4 ples i nogat sans. Dispela wiken em las sans bilong ol long win o ol bai aut.

Insait long namba wan gem, Bulldogs husat i stap namba wan long poin lata bai bungim Corner Panthers. Tupela tim wantaim i strong na ol bai kamapim gutpela pilaia stret ya.

Ol lain Panthers i mas yusim gut Sabake Kabai sapos ol i laik win. Ol Bulldogs tu i wankain, ol i mas yusim gut ol biknem pilaia olsem Karo Mabua,

Felix Pagelio na taxi bilong ol, Bruce Carta.

Long namba tu gem, Tiges bai painim hat tru long winim Erima Magpies. Dispela gem bilong painim husat bai stap yet long fainel na husat bai nogat.

Konaba Eels bai bungim Flat Steelers. Amani "Ellery" Lapi bai go pas long Eels. Paul Malik bai helpim Lapi long traun autim tiket bilong ol boi long Flats.



Ol lain long Steelers bai kisim strong long Sama "Terminator" Iru long go pas long fowat long brukim difens bilong ol birua tim.

Mikes Joe na Rex Hapeo bai helpim Iru, na ol dispela tripela biknem pilaia bai winim gem bilong ol sapota bilong ol.

Long bikipela pilai bilong wik, Bala Raiders bai bungim Sea Eagles. Raiders i gat ol pilaia olsem Clive Werner. Werner em i fulbek na em bai kisim helpim i kam long fowat Misina Dai na Kondi Stevens.

Sea Eagles i gat biknem Vipers Dickson Sibia na prop Gima Waringi na Win Waringi. Dispela pilai bai kamap gut tru inap fainel minits

# WANTOK SPOT



## Cosmos klap laik helpim junia soka

HENRY MORABANG i raitim

TINGTING bilong Yunivesiti klap long Mosbi long putim strongpela tim long kik resis bilong Osenia Kap bai abrus.

Sampela ol biknem pilaia i lusim pinis klap na go pilai wantaim nupela klap, Cosmos Soka klap. Dispela klap em olpela PNG pilaia na tu Yunivesiti, Joe Turia i statim klap.

Turia i tokim Wantok olsem liklik brata bilong em, Toru, Francis Kupe, Emmanuel Tatau, Roy Karang, Gabriel Nakau, Maino Kwalimu na Taku Niebo bai joinim em long kirapim dispela nupela klap.

As tingting bilong statim dispela klap em bikos liklik soka politiks bilong Yunivesiti i bin kamap taim ol i rausim Joe Turia na Francis Kupe olsem kosa na opisal.

Turia i tok klap bilong em bai givim bikpela taim long kamapim gutpela junia developmen. Moa taim bilong soka em ol bai helpim long strongim tu skul soka.

Cosmos bai yusim fil long Gordons Sekendari Skul, na aninit long liklik tok orait namel long skul na klap, ol pilaia na kosa bai kosim ol soka tim bilong skul long stap insait long Mosbi Skuls Soka kompetisen.

Sapos ol dispela pilaia i go long Cosmos, Yunivesiti bai taitim bun gen long painim ol tenis bilong ol dispela pilaia.

Yunivesiti i givim pinis nem long stap insait long Osenia Kap. Na sapos ol i no gat ol gutpela pilaia nau, klap bai painim hat liklik.

Soka i lusim pinis gutpela kosa bilong ol Robert Popat. Robert i bihainim meri bilong em long stadi long Nu Silan.

## PMSA bai holim spesel jenerel miting

POT MOSBI Soka Asosiesen (PMSA) bai holim wanpela spesel jenerel miting long Mas 21 long konferens rum long Sir John Guise stedium long Waigani.

Nupela tresera bilong PMSA Enoch Pokarup i singaut i go long olgeta klap opisal, ol mausman na presiden long kamap long dispela miting.

Em i tok dispela miting em i bikpela miting we nupela eksekutiv bai tokaut long mani plen bilong long dispela yia. Bikpela toktok i stap insait long mani plen, em long askim ol kampani insait long siti long kamapim soka.

Pokarup husat i wanpela sinia pilaia bilong Rapatona bipo i tok olsem nupela eksekutiv i laik wok wantaim olgeta sapota, opisal na pilaia long Mosbi long kamapim gutpela wokbung wantaim.

Em i askim olgeta long kamap long givim sapot. Sapos ol i no wanbel, ol i ken autim tingting na tok tok bilong ol long dispela miting.

Printed and published by Anna Bernadette Solomon, of Bittern Place, Gordons at the registered office of Word Publishing, Allotment 2, Section 209, Hohola.

# Soka aut long Saut Pasifik Gems

HENRY MORABANG i raitim

INTANESENEL soka bodi, FIFA, i stapim ol memba kantri long noken pilai soka long Saut Pasifik Gems long Guam neks yia.

FIFA i autim belhevi bihain long Saut Pasifik Gems Kaunsil i no stretim o lukluk long hevi Osenia Futbol Konfederesen i givim long en.

OFC i bin salim wanpela pas i go long Saut Pasifik Gems Kaunsil bihain long Fiji na Tahiti i komplem long referi na long ol pilaia.

FIFA i no tokim yet long disisen bilong en. Tasol insait

long wanpela spesel jenerel miting bilong OFC, presiden bilong en, Charles Dempsey i tokim ol memba kantri pinis long dispela disisen.

Presiden bilong PNGFA Peter Mommers i autim dispela toktok bihain long em i kambek long miting long Tunde.

Mommers i tok OFC i bin makim em long toktok wantaim siaman John Dawanincura, tasol em i no mekim wanpela samting.

Dawanincura i tok aninit long lo, ol bai i no inap holim miting inap taim bilong Saut Pasifik Gems long Guam. I min olsem disisen bilong FIFA bai stap olsem bai i no gat soka gem.

Mommers i sutim tok olsem

Dawanincura yet i no helpim tru soka. Em i tingting tasol long arapela spot. Wok bilong siaman em long mekim olgeta wok maski long wansait tasol.

Sapos soka i no stap long Saut Pasifik Gems, dispela bai bagarapim tru sans bilong PNG long winim gol. Ol meri i sempion long Saut Pasifik, na i gat bikpela sans long winim gol medal.

Soka bilong ol meri i joinim ol arapela spot long kompetisen bilong Saut Pasifik Gems las yia. Sapos olgeta memba kantri i no pilai, tupela kantri tasol Amerika Samoa na Nu Kaledonia tasol bai kik. Olgeta arapela kantri long Polinesia na Melanesia i memba bilong FIFA

aninit long OFC.

Saut Pasifik Gems Kaunsil bai kisim taim long ol memba kantri taim Saut Pasifik Gems i kamap.

• Insait long arapela nius, Osenia Anda 17 long Nu Silan nau bai i no inap kamap. Dispela sempionsip nau ol i surikim i go long Januari 1999 long Fiji.

Mommers i tok dispela i no gutpela nius tumas long ol yangpela pilaia. Ol planti pilaia em ol i makim bihain long sempionsip long Kaiapit i westim taim tru

OFC i autim Anda 17 bikos FIFA i rausim Anda 17 Wol Kap long Nu Silan na givim i go long Mexico, Saut Amerika.



## Hastings Deering i sapatim Defens

RAGBI LIG sisen i laik stat na planti ol klap i wok long painim sponsa. Tasol Difens klap long Mosbi nogat, ol Hastings Deering i sambai pinis.

Em i namba 9 yia olgeta, Hasting Deering i wok long sponsorim Difens ragbi lig klap long hia.

Las wik, jenerel menesa bilong Hastings Deering lan Roser i tokaut olsem em i amamas tru long


sapatim ken Difens klap. Ol sapatim klap bikos long gutpela lukaut bilong ol yunifom na mani samting.

Presiden bilong klap, John Boino i tok tenkyu long Hasting Deering long sapatim klap.

Bosman bilong kampani na Boino i no tokaut long hamas mani em Hasting Deering kampani i bin tromoi long sapatim Difens klap

Spia pat menesa Cedric Rondoke i makim K100,000 olgeta em Hastings Deering i givim long klap bilong ol soldia.

Namba tu presiden Arnold Krewanty i amamas tru long helpim bilong Hastings Deering. Em i tok i gat bliip olsem klap bilong em bai kamapim gutpela gem long dispela yia, na tu redi long fainel.



• Kepten bilong klap Kera Ngaffin i redi tasol long go fowat wantaim helpim i kam long Hastings Deering.

• Raithan: Ol sinia pilaia bilong klap Sebastian Maguna, Wesley, Joe Gatana, Ben Lentrut, George Kele na Ronald "mob" Vue. Foto: Joe Ivaharia.

## WIN A CAR IN THE PEPSI MEGA DRIVE-AWAY.

COLLECT 5 RING PULLS MARKED "CAR" FOR A CHANCE TO WIN A TOYOTA RAV 4, OR ONE OF 2 HILUX SINGLE CAB UTES OR ONE OF 10 PORTABLE CD CASSETTE STEREO.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.